

历史撮要


編者略歷

本書編者楊梯青先生原名榮年字惠齋號雲樵晚號爛柯閩縣人也家貧勤學弱冠補弟子員戊子舉於鄉當先生髫齡時沈文肅公創船政招學生以直在其中矣命題面試畢深加獎許教以讀金陳文並以會試硃卷贈之於是先生雖習西學而於中學仍不稍輟學業將卒有放洋之議其封翁子珍公以獨子不令遠行先生亦以諸堂弟失學恐墜書香迺改習舉業專心研究經史古學時已二十有一歲矣因從周秀庚先生遊名冠同門自是與考鰲峯鳳池致用正誼各書院疊列前茅文名大噪鄭雲友鄭虞臣郭遠堂邱鏡泉諸山長咸以遠大期之唯先生淡於仕進戊子以後歷管船政各廠並充海軍學校健丁營藝術學校飛潛學校監督教員凡四十餘年雖屢獲獎叙而無意出山七上公車五薦一備旁觀爲之惋惜不已而先生泰然自若也戊辰夏其長公子穉雲長廈市公安局問以辦事棘手家書中以進退請先生示先生曰亂世一官無足輕重旣不能本所學以爲用何

如潔身而引退細譯其言而益信 先生之恬退矣 先生於讀書之暇兼習岐黃之術多有領悟積數十年之久而詣益精清季洪梓青軍門奉命提督福建水陸軍由京來閩途中得病諸醫束手延 先生診愈乃邀赴廈聘爲提署醫官自是醫名大著登門求診者踵相接然 先生活人雖多雅不欲懸壺問世嘗曰醫學至奧若偶不慎則功不補過矣晚年家居不問時事恆致力於編述著有雜體詩文尺牘經解論議各若干卷蒙養必讀二卷醫學正鵠八卷醫案述畧二卷醫餘談屑二卷此次印行之歷史摘要二冊亦其一也辛未三月卒春秋七十有九

叙

史之難治以其浩如煙海乎不但已也浩如煙海健忘者絀矣強記者無餘事乎古人言修史貴有三長曰才曰學曰識讀史何莫不然強記者學焉而已知去取爲識能驅使爲才不知去取不能驅使史不過陳陳相因之朽粟耳余早識 雲樵先生未及與上下議論奔走衣食四方四十年晚乃稔 哲嗣穉雲廳長于鷺門出其尊人所輯歷史擷要屬爲叙翻閱之則上下數千年僅約以二十萬言而國家治亂民族積強弱之故犖犖大者罔不賅括而又非肌爲刪改悉變舊史之本來面目也斯以難矣夫以今日學子驚於新學會未有心得已舉吾中國之國家治亂民族積強弱之故懵無所知尙可稱中國人乎於是苦史書之浩如煙海乃乞靈於日本人之東洋史輯要等編論其有系統有眼光未嘗非善本但患在太簡又舉吾舊史本來面目之雄傑而秀美者胥失之譬有人於此有骨無肉則一作標本之髑髏焉耳是編既不屑如鑑撮之注意小典而貫串之善同於杜氏之讀史論畧其豐富遠過之豈僅備參攷已哉愚弟陳衍拜叙



序

太史公之言曰。儒家者流。博而寡要。韓昌黎之言曰。紀事者必提其要。信乎讀書之當知要。讀史之尤貴得其要也。同年楊君雲樵。好學深思。著書滿家。歷充馬江船政各學校監督。並迭主講席有年。苦諸生讀史無善本。爰采諸史中。有關於國家治亂風俗醇疵。就時代之先後。語摘其要。文仍其舊。成歷史摘要若干卷。舉以示余。余受而讀之。見其去取謹嚴。蒐集締當。上下數千年。一氣貫注。有條不紊。其間辨是非。勸善懲惡。懷然秉春秋筆削之嚴。而爲原史存真面目。洵可謂馬班范陳之功臣。涑水紫陽之畏友矣。夫以今日舉國尙新學。馳騫於九萬里之遙。憧擾於百二國之曠。摩醯十誡。希臘七賢。盧梭民約之論。拿破戰勝之書。幾於家置一編。風行九譯。問以三皇五帝之名號。堯舜禹湯之禪繼。漢唐宋明之統緒。大都數典忘祖。茲編其中流之砥柱乎。易曰君子多識前言往行。以蓄其德。於世道人心。豈小補哉。君矜慎此書。不輕問世。余深喜其有合於孔聖述而不作。信而好古之義。特憇懇之以惠後學。是

爲序

民國辛酉孟秋年愚弟高向瀛書於榕垣知古軒

自序

昔房元齡褚遂良采一十八家言作晉書。而劉彭城譏爲解頤撫掌之談。歐陽修宋祁改劉昫舊唐書爲新唐書。而劉元城病其晦。吳縝糾其繆。何哉。詳簡弊均。作史所以難也。今學堂徧天下。趨時學多。考古日少。不特十七史二十四史。以及涑水通鑑。紫陽綱目。苦其繁冗。卽顧瑞屏史約。吳楚材易知錄。亦豈能全讀。無已。如裴子野刪宋書爲宋略。始可與言乎。雖然。無子野才識。而自我作古。顛倒是非。其毒中於人心。其禍及於世道。愚竊憂之。因參考諸書。刪繁補漏。哀集茲編。遊珠林但插夜光。觀玉海惟取太璞。如挈重裘之領。不裁闊幅之衣。上下數千年。逐節接卸。例取遷史。國號年號。因文附入。例取班史。閒注地名音訓。以免北霍南衡。魯魚帝虎之訛。閱四寒暑。成二十萬言。繁非謝艾。未必無可芟。略非王濟。未必無可益。又豈敢詡三長。談二體乎。所冀學者從此問津。而進求之全史。則上溯結繩。下窮倚杵。庶無望洋之嘆云爾。

民國戊午仲春閩侯楊梯青雲樵書於馬江寓次

舉吾國數千年
興衰治亂
之由去華存
實堪稱善本

程時燿題



春秋列國興亡表

魯 姬姓侯爵周公子伯禽始受封都今山東曲阜
縣傳三十四君八百七十四年楚考烈王滅之

衛 姬姓侯爵文王子康叔始受封都今河南淇
縣傳四十一君九百零五年秦二世滅之

晉 姬姓侯爵武王子唐叔虞始受封都今山西絳
州傳三十八君七百三十二年韓魏趙分篡之

吳 姬姓侯爵太伯與弟仲雍相繼君吳雍曾孫周章始受武王封因其地
今江蘇蘇州府至壽夢僭稱王共二十一君六百五十年越句踐滅之

虞 姬姓公爵周章弟虞仲始受封都今河南虞
城縣傳十二君四百四十九年晉獻公滅之

虢 姬姓公爵王季子虢仲始受封都今河南陝
州傳至虢公醜四百四十九年晉獻公滅之

曹 姬姓伯爵文王子曹叔振鐸始受封都今山東曹
州府傳二十五君六百三十四年宋景公滅之

滕 姬姓侯爵文王子叔繡始受封都今山東滕
縣傳三十一君八百三十七年宋王偃滅之

燕 姬姓伯爵周支族召公奭始受封都今直隸薊州至
易王僭稱王傳四十二君九百零一年秦王政滅之

蔡 姬姓伯爵文王子叔度始受封都今河南新蔡
縣傳二十五君六百七十六年楚惠王滅之

鄭 姬姓伯爵厲王子桓公友始受封都今河南新
鄭縣傳二十三君四百三十二年韓哀侯滅之

陳 媯姓侯爵舜後胡公滿始受封都今河南陳州府傳二十四君六百四十五年楚惠王滅之

杞 媯姓子爵禹後東樓公始受封都今河縣杞縣傳二十四君六百七十八年楚惠王滅之

宋 子姓公爵紂庶兄微子啓始受封都今河南商邱縣傳三十四君八百二十八年齊楚魏分之

齊 姜姓侯爵四嶽後太公望始受封都今山東臨淄縣傳三十君七百四十四年田和篡之

紀 姜姓侯爵都今山東壽光縣齊襄公滅之

許 姜姓男爵太嶽後文叔始受封都今河南許州鄭莊公滅之

薛 任姓侯爵黃帝後奚仲始受封都今山東滕縣齊宣王滅之以上三國多未詳

邾 曹姓子爵陸終後曹挾始受封都今山東鄒縣至穆公改為鄒漢書地理志二十九世為楚所滅

小邾 曹姓子爵曹挾後魯附庸左傳魯莊公五年書邾黎來來朝名未王命也後數從齊桓公會周室王命以為小邾子亦楚滅之

越 媯姓子爵夏少康子無餘始受封都今浙江紹興府至句踐僭稱王再傳七世至無疆楚威王滅之

楚 芊姓子爵鬻熊後熊繹始受封都今湖北江陵縣至熊渠封其諸子為王此僭王之始傳四十一君八百九十三年秦王政滅之

莒 己姓子爵少昊後茲與始受封都今山東莒州傳二十三君六百九十二年楚簡王滅之

秦 嬴姓伯翳後非子以畜馬蕃息周孝王封之秦今甘肅秦州及犬戎之難襄公將兵送平王東遷王舉故郡畀之至惠文王僭稱王又至始皇一統共三十五君六百四十二年漢高祖滅之

七國興亡表

齊

陳完者陳厲公佗之子也仕齊改陳為田周安王十一年田和篡齊求為諸侯王許之都舊都至威王僭稱王傳七君一百五十八年秦王政滅之

韓

晉莊伯後韓虔始受封都今河南新鄭縣至宣威王僭稱王傳十一君一百七十四年秦王政滅之

魏

畢萬後魏斯始受封都今河南開封府至惠王僭稱王傳八君一百七十九年秦王政滅之

趙

蜚廉後趙籍始受封都今直隸邯鄲縣至武靈王僭稱王傳十一君一百七十六年秦王政滅之

燕楚秦同前

五胡十七國興亡表

前趙

先號漢匈奴人劉淵據平陽今山西平陽府至曜徙長安傳五主後趙滅之

後趙

羯人石勒據襄國今直隸順德府至虎徙鄴傳七主為冉閔所篡稱魏前燕滅之

前燕

鮮卑人慕容廆據龍城今直隸大名府長垣縣至儁徙鄴傳四主前秦滅之

後燕

鮮卑人慕容垂據中山今直隸定州傳四主為高雲所篡魏滅之

西燕 鮮卑人慕容冲據中陽至永徙長子
今山西長子縣傳三主後燕滅之

南燕 鮮卑人慕容德據廣固今山東青
州府益都縣傳二主晉劉裕滅之

北燕 信都人馮跋據龍
城傳二主魏滅之

前秦 氏人蒲洪據長安今陝西西安
府長安縣傳五主後秦滅之

後秦 羌人姚萇據長安傳
三主晉劉裕滅之

西秦 鮮卑人乞伏國仁據金城今
甘肅蘭州府傳四主夏滅之

前涼 烏氏人張軌據姑臧今甘肅涼
州府武威縣傳九主前秦滅之

後涼 氏人呂光據姑臧
傳四主後秦滅之

南涼 鮮卑人秃髮烏孤據廣武今甘
肅蘭州府傳三主西秦滅之

北涼 京兆人段業據建康今肅州高台縣匈奴
人沮渠蒙遜篡之遷姑臧共三主魏滅之

西涼 隴西人李暠據敦煌今甘肅西
安州敦煌縣傳二主北涼滅之

成 後改漢氏人李特據成都今四
川成都府傳七主晉桓温滅之

夏 匈奴人赫連勃勃據統萬今陝西延安府傳二主吐谷渾滅之

五季列國興亡表

梁 朱全忠篡唐據大梁傳二世後唐滅之

岐 李茂貞據鳳翔二十四年地入後唐

後唐 李克用據河東子存勗遷洛共五主石晉篡之

晉 石敬瑭篡後唐據大梁傳二世遼滅之

漢 劉知遠據大梁傳二世周篡之

周 郭威篡漢據大梁傳三世宋篡之

南漢 劉隱據嶺南傳四世宋滅之

北漢 劉崇據河東傳四世宋滅之

前蜀 王建據成都傳二世後唐滅之

後蜀 孟知祥據成都傳二世宋滅之

燕

劉守光據幽州
五年後唐滅之

吳

楊行密據江淮
傳四世南唐篡之

吳越

錢鏐據兩浙
傳五世宋滅之

閩

王審知據福州
傳六世南唐滅之

南唐

徐知誥本姓李篡吳據
江淮傳三世宋滅之

楚

馬殷據湖南
傳六世南唐滅之

南平

高季興據荊州
傳五世宋滅之

歷史摘要目錄

上冊

三皇五帝紀

一至四

夏商周紀

四至一三

秦紀

一四至一八

西漢紀

一八至四一

新莽

四二至四六

東漢紀

四六至六四

三國紀

六五至七八

西晉紀

七八至九四

東晉紀

九五至一三八

劉宋紀

一三九至一四六

齊紀

一四七至一五〇

梁紀

一五一至一六六

陳紀

一六九至一七七

隋紀

一七八至一八五

下冊

唐紀

一至五一

五代紀

五二至六七

北宋紀附遼夏金

六八至一〇〇

南宋紀附夏金

一〇〇至一三〇

元紀

一三一至一四二

明紀

一四三至一九三

清紀

一九三至二一五

歷史撮要 上冊

閩侯雲樵楊梯青編

三皇五帝紀

天地初分之時。盤古氏生焉。能知天地之高低。及造化之理。故俗傳曰。盤古分天地。

皇盤古以後。三皇五帝。諸說不同。莫衷一是。茲據宋五峰胡氏安國少子寅弟名宏著皇王大紀八十卷說。

所謂三皇者。天皇氏。地皇氏。人皇氏。第傳其名而已。所謂五帝者。曰伏羲。曰神農。曰

黃帝。曰堯。曰舜。三皇之後。五帝之前。有有巢氏。構木為巢。教民居之。以避禽獸之害。

有燧人氏。鑽木取火。教民烹飪。春取榆柳之火。夏取棗杏之火。夏季取桑柘之火。秋取柞檀之火。冬取槐檀之火。此二氏為開物成

務之祖。

太昊伏羲氏。以木德王。有聖德。象日月之明。故曰太昊。木位東方。日月所從出。吳與皞同明也。月令其帝太皞。教民

佃漁畜牧。始畫八卦。造書。文字約券也。作甲歷。甲乙丙丁戊己庚辛壬癸謂之幹。子丑寅卯辰巳午未申酉戌亥謂之枝。枝幹相配為十二辰。以紀

歲。月日時六甲。天道一周。制嫁娶。以別男女。造琴瑟。以和天人。養犧牲。以充庖厨。牛羊豕曰牲。色純者曰犧。庖宰殺之所。廚烹飪

之。故又曰庖犧氏。

神農氏以火德王。故曰炎帝。造耒耜而農事始。嘗百草而醫道立。建市廛而交易通。

黃帝生於軒轅之邱。開封府新鄭縣因名軒轅。國於有熊。即新鄭縣故號有熊氏。長於姬水。故以姬

為姓。以土德王。故曰黃帝。時蚩尤炎帝之裔好兵喜亂。帝與戰於涿鹿。今順天府涿州擒而戮之。命

蒼頡制六書。頡見鳥獸之跡。體類象形而制字。字有六義。一曰象形。謂日月之類。象

形體而為之也。二曰指事。謂上下之類。人在一上為上。人在一下為下。各指其事以

為之也。三曰會意。謂武信之類。止戈為武。人言為信。會合人意也。四曰轉注。謂考老

之類。左右相轉以為言也。五曰諧聲。謂江河之類。以水為形。以工可為聲也。六曰假

借。謂令長之類。一字兩用也。昔燧人氏作結繩之政。大事則大結其繩。小事則小結

其繩。以記之。至伏羲作書契。始改其陋。至蒼頡而六書之制始大備。或曰即伏羲之

臣。命隸首定九章算法。而律度量衡。由是成焉。咨岐伯作內經。察五氣。燥濕寒溫涼立五

運。甲巳上乙庚金丙辛水丁壬木戊癸火究息脉。處方餌。而人得以盡年。他如陣法。器用。冕旒。冠有旒曰冕。垂玉曰旒。律

呂。律為陽呂為陰陰陽各六候氣之管以竹為之皆創前民未有之制作。

黃帝子少昊金天氏。以金德王。母曰嫫祖。西陵氏女。教民蠶繅。後世祀為先蠶。遞傳

顓頊音旭。祖黃帝。父昌意。以水德王。國於高陽。開封府杞縣。故號高陽氏。再傳帝嚳。音酷。祖少昊。

父蟠音喬。極。佐顓頊受封於辛。河南歸德府商邱縣高辛里。故曰高辛氏。帝生而神靈。其色郁郁。猶穆其穆也。

德疑疑。音疑言德高也。日月所照。風雨所至。莫不服從。帝元妃有邠氏女。曰姜嫄。生棄。為舜。

后稷。其後為周。次妃有娥氏女。曰簡狄。生契。為舜司徒。其後為商。三妃陳鋒氏女。曰

慶都。生堯。是為陶唐氏。四妃嫫訾氏女。曰常儀。生摯。帝崩。子摯立。摯在位九年。荒淫

無度。諸侯廢之。尊堯為天子。

帝堯陶唐氏。年十三。佐帝摯受封於陶。山東定陶縣。又封於唐。保定府唐縣。故曰陶唐氏。帝都平

陽。山西平陽府。命羲和治歷象。南夷越裳氏來朝。獻大龜。背有科斗文。記開闢以來。帝命

錄之。謂之龜歷。庭有草。曰葇荑。十五之前。日生一葉。十五之後。日落一葉。小餘則一

葉。厭上聲而不落。觀之可以知旬朔。故又名歷草。帝遊於康衢。路五達曰康衢。兒童歌曰。粒

我烝民。莫匪爾極。不識不知。順帝之則。有老人擊壤而歌曰。日出而作。日入而息。鑿

井而飲。耕田而食。帝力何有於我哉。觀於華。山名陝西華陰縣。華封人掌封疆之官。祝曰。使聖人富

壽多男子。時苦洪水。使鯀治之。九載弗成。會虞舜以孝聞。乃妻以二女。娥皇女英。登用之。

國。遠方圖物。貢金九牧。乃鑄九鼎。使民知神姦。說詳左傳。禹出見罪人。下車問而泣。官公三年。

之。曰堯舜之人。皆以堯舜之心為心。寡人為君。百姓各自以其心為心。巡狩大越。江

紹興府。城東南。上茅山。大會計。爵有德。封有功。更名茅山曰會稽。會稽者。會計也。及巡江

南。防風氏。今浙江湖州府武康縣古防風氏國。後至。禹戮之。禹不寶尺璧。而惜寸陰。儀狄作酒。禹飲而甘

之。曰後世必有以酒亡其國者。遂疏儀狄。絕旨酒。初禹舉益。禹崩。天下不歸益。而歸

禹子啓。啓賢能敬承繼禹之道。有扈氏。陝西雲縣。威侮五行。水火木金土。怠棄三正。天地人之道。啓召

六卿。戰於甘。鄂縣西南有甘亭。禹誓師于此。亦曰甘澤。滅之。大亨諸侯於鈞臺。開封府禹州大陵之西。啓崩。子太康立。盤

遊無度。有窮后羿。距之於河。立其弟仲康。仲康崩。子相踐位。時權歸后羿。羿逐相而

自立。羿臣寒浞。又殺羿弑相而自立。后緡。帝相之后。有仍國之女。方娠。逃歸有仍。今山東濟甯州。而生少

康。及長。有田一成。有衆一旅。能布其德。以撫夏衆。夏遺臣靡。興師誅浞。少康踐位。夏

道復興。歷十一傳。至癸。號為桀。力能申鈞索鐵。嬖有施氏女妹喜。妹喜好聞裂繪聲。

王發繪裂之。以悅其意。為瓊室瑤臺。肉山脯林。酒池。君臣沈湎。關龍逢。音諫。殺之。囚

商湯於夏臺。即鈞臺。既而釋之。湯出見人張網四面。湯解其三面。祝曰。欲左者左。欲右者右。欲不用命者。乃入吾網。諸侯聞之。曰。湯德及禽獸。况於人乎。歸之者四十餘國。桀

疾之故見囚。湯子姓。契之後也。世封於商。今陝西商州。至湯徙居亳。今河南商邱縣此為南亳。與葛為鄰。今河南南葛

伯不祀。時湯為方伯。得專征伐。故初征自葛始。十一征而無敵於天下。湯聘伊尹於

莘。今山東曹縣北。進諸桀。桀不能用。復歸亳。乃相湯伐桀。放諸南巢。今安徽巢縣。夏后氏共四百三

十年而亡。

湯踐王位。伊尹為左相。仲虺為右相。號伊尹曰阿衡。時大旱七年。王禱於桑林之野。

以六事自責。曰政不節與。民失職與。宮室崇與。女謁盛與。苞苴行與。讒夫昌與。言未

已。大雨。湯崩。孫太甲立。顛覆湯之典型。伊尹放諸桐。山西聞喜縣西南與榮河縣陽陵近。營宮使王居之。

曰密邇。先王其訓。無俾世迷。三年太甲悔過。自怨自艾。音艾。以聽伊尹之訓。尹乃奉歸

於亳。自太甲後十餘世。治亂相尋。太戊相伊陟。巫咸。祖乙相巫賢。武丁相傅說。其時

皆治。先是仲丁遷囂。開封府滎澤縣。河亶甲遷相。彰德府黃縣南。祖乙遷耿。山西河津縣。又遷邢。直隸順德府邢臺縣。至

盤庚乃復都亳。此為西亳。今河南偃師縣。改國號曰殷。故曰亳。殷。至武乙復徙河北。今河南淇縣。武乙無道。為暴

雷震死。傳至辛。是為紂。紂材力過人。性格猛獸。智足以拒諫。言足以飾非。梅伯忠見

殺。雷開佞受封。費仲善諛。蜚廉惡來善讒。皆得寵。嬖妲己。作炮烙。斲朝涉之脛。剖比

干之心。以酒爲池。懸肉爲林。男女裸逐。刳剔孕婦。而又醢九侯。脯鄂侯。囚西伯。昌於

羑里。獄名尋釋之。及西伯發。戡黎。時紂都朝歌。卽淇縣黎。近于畿國。祖伊恐。奔告於王。王曰。我生不有命

在天。西伯發姬姓。父昌。其先曰棄。舜時爲后稷。封於郃。今陝西武功縣子孫世其業。至不窋

失官。竄於戎狄。其孫公劉遷於邠。今陝西邠州復修后稷之業。傳至古公亶父。避狄人患。

去邠遷岐。今陝西岐山縣邠人慕其仁。從之者如歸市。亶父以少子季歷生子昌。有聖瑞。意

屬之。長子泰伯。次子仲雍。知指。乃偕逃荆蠻。卽句吳地。界楚越。故曰荆蠻。以讓國。季歷嗣。以功加九

命爲西伯。傳及昌。獻洛西地。請除炮烙之刑。紂從之。賜弓矢鉄鉞。使專征伐。虞今山西平

陸今山西茂今山西之君。爭田久不平。乃共朝周。入其境。耕者讓畔。行者讓路。入其邑。男女

異路。班白者不提挈。入其朝。士讓爲大夫。大夫讓爲卿。二君慙。遂兩置其田。昌得呂

尙立爲師。謂之尙父。遂伐密須。今甘肅靈臺縣滅崇。今陝西徙都豐。隴縣豐水西天下九州。昌有其

六。孔子所謂二分天下有其二。以服事殷者。以此。昌薨。子發嗣。是爲武王。

武王十四年。大會諸侯於孟津。今河南孟縣誓師伐商。商王受帥兵七十萬人。會戰於牧

野。河南汲縣商師敗績。受反奔鹿臺。衣珠玉自燔死。商共六百四十四年而亡。

踐王位。國號周。追王太王。季文王。封兄弟之國十五人。同姓之國四十餘人。偃

武修文。復商舊政。封比干墓。釋箕子囚。式商容閭。散鹿臺之財。發鉅橋之粟。以振貧

弱。於是萬姓悅服。初孤竹今直隸永平府古孤竹國君姓墨胎氏。神農之後也。湯有天下。封其國。二

子伯夷。叔齊讓國而逃。及武王伐紂。夷齊叩馬而諫。左右欲兵之。太公曰。此義人也。

扶而去之。及王平殷亂。天下宗周。夷齊恥之。隱於首陽山。在山西平陽府蒲州義不食周粟。採薇

而食之。卒以餓死。十九年冬。王崩。子誦立。是為成王。

成王諒闇。諒一作亮。與闇俱讀平聲。諒梁也。闇廬也。蓋居喪有相之廬也。周公為冢宰。總百官。初武王遷都西鎬。陝西西安府以

東洛。即洛邑。今河南府為天下之中。迺遷九鼎。禹所鑄於洛邑。至是成王命周公旦召公奭營之。

謂之東都。以朝諸侯。定鼎於郊。鄴。在東都王城內。即洛邑卜曰。傳世三十。歷年八百。時交趾。今屬安南

南。有越裳氏。來朝獻白雉。周公曰。德澤不加。君子不饗其贄。政令不施。君子不臣

其人。譯曰。吾國之黃耆曰。天無烈風淫雨。海不揚波。三年矣。意者中國有聖人乎。於

是來朝。使者迷其歸路。周公作指南車。使載之。期年而至其國。十一年周公薨。王以

公有大勳勞。命魯公世祀。以天子禮樂。三十七年王崩。子釗立。是為康王。

康王二十六年。召公奭薨。初召公治西方。得民和。嘗巡行鄉邑。聽斷於棠樹之下。至是卒。人思其政。不忍伐棠樹。作甘棠之詩歌咏之。是年王崩。子瑕立。是爲昭王。成康之際。天下太平。刑措不用者四十餘年。

昭王在位五十一年。周道漸衰。王南巡。返濟漢。漢濱人以膠船進。中流膠液船解。王及祭公周公皆溺焉。辛餘靡振王以濟。發疾崩。子滿立。是爲穆王。

穆王時徐夷嬴姓。今江南鳳陽府泗州得朱弓矢。以爲天瑞。乃稱偃王。諸侯朝徐者三十六國。穆

王得造父。以善御得幸。又得八駿馬。西巡樂而忘返。聞徐子偃號。乃長驅而歸。命楚伐徐。偃王走死。王以趙城今山西趙城縣封造父。後爲春秋晉趙氏。五十五年王崩。子翳扈

立。是爲共王。共王崩。子懿王立。懿王崩。立其弟孝王。孝王崩。諸侯復立懿王太子燮。是爲夷王。夷王以諸侯立之。加禮焉。始下堂見諸侯。覲禮廢。十六年崩。子胡立。是爲厲王。

厲王。

厲王無道。國人謗王。王使衛巫監謗者。告則殺之。國人莫敢言。王喜曰。吾能弭謗矣。召公虎曰。是障之也。防民之口。其害甚於防川。三年國人作難。居王於彘。今平陽府霍州虢城。周

公伯禽弟後召公名虎召公行政。號共和。五十一年王崩於彘。二公奉太子靖即位。是為宣

王。

宣王承厲王之後。四夷叛周。王親征徐戎。命方叔征荆蠻。命尹吉甫討玁狁。北狄命召

虎平淮夷。淮南之夷徐戎淮北之戎王職有闕。又得仲山甫補之。周道復興。四十六年崩。子湮立。是

為幽王。

幽王嬖褒姒。廢申后。及太子宜臼。宜臼奔申。王伐申。申侯召犬戎攻周。初褒姒不好

笑。王欲其笑。乃無故舉烽火。諸侯以為寇至。舉兵來援。至而無寇。褒姒大笑。至是舉

烽火徵兵。兵莫至。犬戎遂弑王於驪山下。西安府臨潼縣東南司徒鄭伯友死之。鄭桓公名友厲王少子宣王庶弟為

周司徒晉文侯衛武公秦襄公。帥師救周。逐犬戎。與鄭世子掘音突。即鄭兀突。武公共立故太子宜

臼。是為平王。西周亡。

平王以西都近犬戎。東遷洛邑。舉豐岐之地與秦。是後王室衰微。政由霸國。五十一

年王崩。四傳桓莊釐惠至惠王。名惠王二十一年。齊桓公以管仲為相。帥諸侯伐楚。盟於

召陵。河東鄆城縣東遂霸諸侯。二十五年王崩。子鄭立。是為襄王。

襄王二十年。晉文公帥宋齊秦師。及楚人戰於城濮。衛地今山東曹州府濮州楚師敗績。遂繼齊桓

而霸諸侯。三十三年王崩。五傳。頃匡定簡靈至靈王。簡王子名泄心靈王二十一年。冬十一月孔子

生。二十七年王崩。子貴立。是為景王。二十五年崩。子勾立。是為敬王。敬王三十九年。

孔子作春秋。託始於平王。四十九年。魯隱公元年。四十一年孔子卒於魯。四十四年

王崩。子仁立。是為元王。七年崩。子介立。是為貞定王。趙無恤魏駒韓虎三卿分晉。二

十八年王崩。三傳至威烈王。名午初貞定王崩長子去疾立是為哀王弟叔殺之而自立是為思王少弟嵬又殺之而自立是為考王威烈王考王太子也命趙

籍魏斯韓虔為諸侯。二十四年王崩。子驕立。是為安王。齊田和遷其君康公於海上。

宋幾康公卒。無子。田氏遂併齊地。求為諸侯。魏文侯為之請。王許之。乃命田和為諸

侯。自是韓趙魏燕齊秦楚。號為七雄。稱戰國。二十六年王崩。子喜立。是為烈王。時周

弱。諸侯莫朝。獨齊侯威來朝。天下賢之。七年崩。弟扁立。是為顯王。

顯王時。秦孝公以衛鞅為左庶長。定變法。秦遂富強。封鞅為商君。商君相秦虐。人多

怨之。初鞅定變法之令。恐民不信。乃立三丈之木於國都南門。募能徙置北門者。予十金。民怪之。莫敢徙。復曰。予五十金。一人徙之。輒予五十金。乃下令行期。年民言新令不便者。以千數。於是太子犯法。

鞅曰。法之不行。自上犯之。太子君嗣也。不可刑。刑。則法亂。其傳公子虔。黥其師公孫賈。其後民莫敢議令。及孝公卒。子惠文王立。時諸侯多僭稱王公子虔之徒。

告鞅反。乃誅鞅。車裂之。滅其族。秦既強。諸侯懼。洛陽人蘇秦。乃說燕趙韓魏齊楚。合

從以擯秦。諸侯從之。以蘇秦為從約長。並相六國。秦使公孫衍張儀。敗其謀。從約皆

解。諸侯復事秦。張儀者魏人也。與蘇秦俱事鬼谷先生。周高士姓名不聞。以其所隱地名自號。學從橫之

術。游說諸侯。蘇主從。合六國以擯秦。張主橫。聯六國以事秦。蘇封武安君。張封武信

君。顯王二十三年。孟子至魏。四十八年。王崩。子定立。是為慎靚王。慎靚王二年。魏惠

王薨。孟子去魏適齊。六年。王崩。子延立。是為赦王。赦王元年。孟子去齊。當是時。列國

競得人。急功利。獨不喜聞王道。於是齊有孟嘗君田文。趙有平原君趙勝。魏有信陵

君公子無忌。楚有春申君黃歇。皆散財養士。食客三千人。赦王五十五年。秦白起攻

趙長平。今山西澤州高平縣阬降卒四十萬人。五十七年。秦又使王齕伐趙。圍邯鄲。今直隸廣平府邯鄲縣魏

公子無忌。奪晉鄙軍救趙。大破秦軍。初魏有隱士曰侯嬴。年七十。家貧。為大梁夷門

梁之東門監者。公子聞其賢。欲厚遺之。不可。乃置酒大會賓客。坐定。從車騎虛左。自迎侯

生。至則引上坐。賓客皆驚。及秦圍趙。趙平原君夫人無忌姊也。使者冠蓋相屬於魏。

魏使將軍晉鄙救趙。秦王使謂魏王曰。吾攻趙。旦暮且下。諸侯敢救者。必移兵先擊

之魏王恐止晉鄙壁鄴。河南彰德府臨漳縣公子數請王不聽。乃問計於侯生。生曰。吾聞晉鄙兵

符在王臥內。如姬最幸。力能竊之。公子嘗為姬報父讐。誠一開口。則得兵符。公子如

其言。果得兵符。生又使其客朱亥。從公子至鄴。晉鄙合符疑之。亥袖四十斤鐵椎。椎

殺鄙。公子選八萬人將之而進。及破秦軍。公子畏得罪。遂留趙。使將將其軍還。後十

年。秦蒙騫伐魏。魏王使人請公子。公子不肯還。其客毛公薛公。見公子曰。魏急而公

子不救。一旦秦克大梁。夷宗廟。何面目立於天下乎。公子乃趣駕救魏。帥五國之師。

敗蒙騫。追至函谷關而還。秦人恐。乃使人行萬金以間公子。求得晉鄙客。令說魏王

曰。公子亡在外十年矣。今復為將。諸侯皆屬。天下徒聞信陵君。不聞有王矣。秦王又

數使人賀信陵君曰。得為魏王未也。魏王信之。使人代將。於是信陵君謝病不朝。日

夜以酒色自娛。四歲而卒。先是赦王五十九年。秦伐韓趙。王恐。命諸侯討之。秦遂入

寇。王入秦。盡獻其邑三十六。口三萬。歸而崩。初考王封弟揭於河南。傳至惠公。立長

子曰西周君。又封少子於鞏。今河南府鞏縣曰東周君。至是秦遷西周君於懸狐聚。在河南及府城外

秦莊襄王元年。遷東周君於陽人聚。在河南汝州城西東周亡。合西周計共八百七十四年。

秦紀

初莊襄王名異人質於趙陽翟今開封府禹州大賈呂不韋見之曰此奇貨可居乃取邯鄲

姬絕美者與居知其有娠獻之異人生子政卽始皇秦圍邯鄲趙欲殺異人不韋賂

守者得脫亡歸及莊襄王立封不韋爲文信侯莊襄王立三年薨始皇政立太后數

與文信侯私通王以不韋奉先王功大不忍誅免就國旣而諸侯使者請之相望於

道王恐其爲變賜不韋書曰君何功於秦封十萬戶何親於秦號稱仲父不韋恐誅

飲酖死王用李斯計陰遣謀士間諸侯君臣然後使良將取之十七年滅韓明年遣

王翦伐趙李牧禦之秦賂趙嬖臣郭開使讒牧言欲反趙王遷信之殺牧秦遂滅趙

虜王遷王兄嘉奔代稱代王今山西大同府蔚州韓趙旣滅燕人懼遣荆軻刺秦王不成秦益發

兵伐燕二十二年王賁音奔滅魏殺魏王假明年王翦攻殺楚將項燕遂滅楚又明

年王賁滅燕虜王喜還滅代虜王嘉王翦定江南降越秦連歲攻五國齊獨不受兵

不修武備又不助五國二十六年王賁入臨淄王建降於是六國皆亡政始自號曰

始皇帝

秦始皇都咸陽。今陝西咸陽縣置太尉。掌兵丞相。行政御史。監察等官。懲周封建之弊。分天下為郡縣。

郡置守尉監。收民間兵器。鑄以為鐘鐻。鐘鼓之附也。與簾同音巨。銅人。徙諸郡富豪於咸陽。十二萬

戶。大營宮室。長信甘泉阿房等宮。行封禪。積土為封除地。為壇後改曰禪。遣方士徐市等。發童男女數千人。入海求

神仙。船交海中。皆以風為解。曰未能至。望見之焉。東巡郡縣。至博浪沙。今河南陽武縣南中韓

人張良欲為韓報仇。使力士操鐵椎狙擊之。誤中副車。天子屬車三十六乘帝驚。大索不得。用李

斯說。燒詩書百家語。所不去者。醫藥卜筮種樹之書。有敢偶語詩書者。棄市。以古非

今者族。欲學法令者。以吏為師。抗諸生四百六十餘人。長子扶蘇諫曰。諸生誦法孔

子。今皆重法治之。恐天下不安。帝大怒。使北監蒙恬軍於上郡。今陝西綏德州時匈奴屢為

邊患。即同時獵狁也。始皇命蒙恬發兵三十萬人征之。悉收河北以南地。今內蒙古鄂爾多斯地

增築萬里長城。起臨洮。今甘肅岷州達於遼東。今盛京奉天府東南錦州府東北又略取南越地。置二郡。桂林南海象郡

徙民五十萬戍之。威振胡越。在位三十六年。道崩於沙邱。今直隸平鄉縣李斯趙高矯詔殺

扶蘇蒙恬。立少子胡亥為二世皇帝。二世信任趙高。高讒李斯殺之。夷其族。因以高

為丞相。高欲專纂權。乃持鹿獻二世曰。馬也。二世笑曰。丞相誤耶。問左右。或默。或言

鹿。高陰中諸言鹿者以法。後羣臣莫敢言其過。高又勸二世誅滅大臣宗室。更為法

律。益務刻深。以故民不聊生。戍卒陳勝吳廣。詐稱公子扶蘇項燕舉兵於蕘。今安徽宿州

徇趙魏之地。項梁項籍字羽起於吳。今江蘇吳縣擁立楚懷王。劉邦即漢高祖起於沛。今江蘇沛縣田儋起

於齊。二世惡聞反者。至是大驚。遣章邯拒之。邯擊破齊楚軍。殺田儋項梁。進兵趙地。

楚使卿子冠軍褒尊之稱宋義為上將軍。項羽為次將。救趙。義至安陽。山東曹縣東安陽城留四十六

日不進。飲酒高會。天寒大雨。士卒凍飢。羽請引兵渡河。因趙食。並力攻秦。不聽。乃晨

朝義。即其帳中斬之。諸將莫敢枝梧。遣使報王。王因以羽為上將軍。羽悉引兵渡河。

沈船破釜。燒廬舍。持三日糧。以示士卒必死無還心。與秦軍遇。九戰皆破之。章邯

引却。遂虜王離。時諸侯軍鉅鹿。今直隸順德府內鄉縣者十餘壁。莫敢縱兵。及楚擊秦。皆從壁上

觀。楚戰士無不一當十。呼聲動天地。諸侯之軍。人人惴恐。既破秦軍。諸軍將入轅門。

膝行而前。莫敢仰視。羽由是為諸侯上將軍。兵皆屬焉。尋章邯亦降。初懷王與諸侯

約。先入關者王之。以沛公劉邦長者命入關。武關在今陝西商州東時趙高弑二世。子嬰二世兒子嗣位。

族滅高。沛公至上灞。今陝西咸甯縣東子嬰降。秦自一統至是僅十五年而亡。沛公除秦苛法。

與父老約法三章。殺人者死。傷人及盜抵罪。沛公當王關中。而羽已定河北。妒沛公功。破函谷守兵。進至鴻門。今陝西臨潼縣東范增曰。沛公入關。財物無所取。婦女無所幸。志不在小。急擊之。羽不忍。沛公用張良計得脫。羽屠咸陽。殺子嬰。燒秦宮室。掘始皇冢。東歸。三分關中。封秦降將章邯。雍王。司馬欣。塞王。董翳。翟王。以巴。今四川重慶保甯蜀。今四川順慶夔州四府地川成

都漢中。今陝西漢中府與沛公立為漢王。自立為西楚霸王。都彭城。今江蘇徐州府初韓生說羽曰。關中阻山帶河。四塞之地。可都以霸。羽見秦殘破。思東歸。曰。富貴不歸故鄉。如衣繡夜行耳。韓生退曰。人言楚人沐猴而冠。去聲果然。羽聞之。烹韓生。時漢王得韓信。以為大將。還定三秦。即羽封秦降將地雍王邯迎戰。敗走。塞王欣翟王翳降。及羽弑義帝。漢王從新城

鄉。三老。官名董公言。為發喪。告諸侯討羽。入彭城。與羽戰。敗。漢軍入穀泗。二水在彭城睢水。彭南死者二十餘萬人。退收敗軍。相持於滎陽。今河南滎澤縣成皋。今河南汜水縣間。蕭何居關中。轉漕

調兵。陳平縱反間。以去亞父。范增彭越燒楚積聚。別遣韓信定河北。漢軍復振。羽兵飢疲。乃與漢約中分天下。以鴻溝。今名汴河在河南中牟縣為界。歸太公呂后於漢。彭城敗為羽所獲解而東歸。漢王欲西歸。張良陳平曰。楚兵飢疲。今釋弗擊。此養虎自遺患也。王從之。乃背約

一七

擊楚。徵韓信彭越等。圍羽於垓下。在鳳陽府靈璧縣羽夜聞漢軍四面皆楚歌。乃大驚曰。漢皆

已得楚乎。是何楚人之多也。起飲帳中。悲歌慷慨。泣數行下。乃乘其駿馬。從八百餘

騎。夜潰圍出。迷失道。問一田父。田父給臺上聲曰。左乃陷大澤中。漢騎將灌嬰追及

之。至東城。今鳳陽府定遠縣乃有二十八騎。漢追者數千人。羽大呼馳下。斬漢一將一都尉。殺

數十百人。欲東渡烏江。在和州城北亭長檣船待。曰。江東雖小。地方千里。亦足王也。願大

王急渡。羽笑曰。籍與江東子弟八千人。渡江而西。今無一人還。縱江東父兄憐而王

我。我獨不愧於心乎。乃刎而死。楚地悉定。漢王即帝位。易為漢高皇帝。

西漢紀

帝都關中。制度法律。率仍秦舊。始剖符封功臣。剖分也符印信也蕭何食邑獨多。功臣皆曰。臣

等身披堅執銳。多者百餘戰。少者數十合。今蕭何未嘗有汗馬之勞。徒持文墨議論。

顧反居臣等上。何也。上曰。諸君知獵乎。追殺獸兔者狗也。發縱指示者人也。諸君徒

能得走獸耳。功狗也。蕭何發縱指示。功人也。諸將皆莫敢言。然已封大功臣二十餘

人。其餘尚爭功不決。未得行封。往往坐沙中語。相聚謀反。上從張良言。以雍齒嘗與

上有怨。先封雍齒。衆皆喜曰。雍齒且侯。我屬無患矣。時禮法簡略。羣臣飲酒爭功。拔

劍擊柱。乃令叔孫通定朝儀。通徵魯諸生。與其弟子百餘人。爲綿蕞。蕞本作蕞。引索爲綿立表爲蕞。謂以

茅翦植地。引繩爲尊卑之位次。野外習之。月餘。請上試觀。上曰。吾能爲此。乃令羣臣習肄。上徵秦孤立

而亡。再興封建。然性猜忌。彭越。梁王韓信。楚王黥布。淮南王張敖。趙王盧縮。燕王諸異姓王。六七

年間。剪除殆盡。更王劉氏九人。齊王肥。楚王交。趙王如意。梁王恢。淮陽王友。代王恒。

淮南王長。吳王濞。燕王建。初匈奴畏秦北徙。及秦滅。復稍南渡河。單于匈奴天子之稱。單音善。

頤。音墨特。單于名。壯武有權數。滅東胡。逐月氏。氏音枝。皆西域國。遂復蒙恬所奪故地。控弦之士三十

餘萬。圍韓王信。即張良。所事韓。於馬邑。大同府馬邑縣。信使使求和解。漢疑信有二心。使人讓之。信恐

誅。遂以馬邑降之。尋匈奴攻太原。至晉陽。今山西太原府太原縣。帝親征至平城。山西大同縣東。冒頓縱

四十萬騎。圍帝於白登。山名在大同縣東。七日。漢兵中外不得相救。餉用陳平計。厚遺闕氏。

音煙。支猶漢言皇后。闕氏言於單于曰。漢天子亦有神靈。得其土地。非能有之。冒頓解圍去。乃遣

劉敬往結和親。又遣陸賈說南越王趙佗。令稱臣。奉漢約。佗故秦南海尉也。然僅僅

羈縻之。至高帝崩。佗益專恣。稱南越帝。而匈奴亦遣書嫚呂后矣。呂后名雉。高祖之

后。頗預政。殺功臣。惠帝即位。名盈高帝太子呂后毒趙王如意。斷戚夫人。高帝妃如意生母手足。命曰

人彘。召帝觀之。帝驚大哭。因病不能朝。在位七年崩。

呂后臨朝稱制八年。初高帝約非劉氏不得王。后盡王諸呂。朱虛侯章年二十。齊王襄弟

有氣力。忿劉氏不得職。嘗入侍燕飲。太后令為酒吏。章請曰。臣將種也。請得以軍法

行酒。太后許之。酒酣。章為耕田歌。曰。深耕概種。立苗欲疏。非其種者。鋤而去之。太后

默然。頃之。諸呂有一人醉亡酒。章追斬之。還報。業已許其軍法。無以罪也。自是諸呂

憚之。陳平患諸呂擅權。嘗燕居深念。陸賈入見。曰。天下安。注意相。天下危。注意將。將

相和調。則士豫附。天下雖有變。權不分。君何不交驩太尉。周勃平用其計。兩人深相結。

及呂后崩。諸呂欲為亂。未敢發。朱虛侯以呂祿女為婦。知其陰謀。告其兄齊王襄。令

發兵西。已為內應。以誅諸呂。於是齊王發兵。遺諸侯王書。陳諸呂罪。產等遣灌嬰將

兵擊之。嬰至滎陽。開封府滎陽縣謀曰。諸呂欲危劉氏。今我破齊。是益其資也。乃諭齊王與

連和。以待呂氏之變。共誅之。齊王乃還兵西界待約。時呂祿為上將軍。主北軍。呂產

主南軍。大尉勃不得主兵。酈商老病。其子寄與祿善。平勃使人劫商。令寄給說祿曰。

主南軍。大尉勃不得主兵。酈商老病。其子寄與祿善。平勃使人劫商。令寄給說祿曰。

足下將兵留此。爲大臣諸侯所疑。何不歸將印。以兵屬太尉。與大臣盟而之國。祿趙王產

樂王齊兵必罷。足下高枕而王千里。此萬世之利也。祿猶豫未決。會有以灌嬰與齊合

從告產。且趣產急入宮。平陽侯曹窋參子聞其語。馳告平勃。勃欲入北軍不得。乃令襄

平侯紀通持節矯內勃北軍。復令寄說祿解印。以兵授勃。勃入軍門。令曰。爲呂氏右

袒。爲劉氏左袒。軍中皆左袒。然尚有南軍。平乃召朱虛侯章佐勃。勃令章監軍門。令

窋告衛尉。毋入產殿門。產欲入宮爲亂。至殿門弗得入。徘徊往來。勃尙恐不勝。未敢

公言誅之。乃謂章曰。急入宮衛帝。帝名宏。呂后所養他人子。予卒千餘人。入宮門。擊產殺之。帝遣謁

者持節勞章。章欲奪其節不得。則從與載。因節信馳斬長樂宮衛尉呂更始。還報勃。

勃起拜賀。遂遣人分部悉捕諸呂。男女無少長皆斬之。遣章告齊王罷兵。灌嬰兵亦

罷歸。

諸大臣謀曰。呂后所立帝。及諸王。皆非真孝惠子也。代王高帝子最長。仁孝寬厚。太

后家薄氏謹良。乃使人迎代王。代郎中令張武等曰。漢大臣習兵多詐。願稱疾毋往。

以觀其變。中尉宋昌曰。秦失其政。豪傑並起。卒踐天子之位者。劉氏也。天下絕望。一

矣。高帝封王子弟地。犬牙相制。此所謂磐石大石之宗也。天下服其強。二矣。除秦苛法。

約法令。施德惠。人人自安。難動搖。三矣。以呂太后之嚴。王諸呂。擅權制。太尉一呼。士

皆左袒。此乃天授非人力也。今大臣因天下之心。而欲迎立大王。何疑焉。王乃命昌

參乘。乘傳詣長安。今陝西西安府長安縣至渭橋。在西安府城外羣臣拜謁稱臣。王下車答拜。太尉勃進

曰。願請閒。音閑。請空閒處語。不於衆中顯論也。昌曰。所言公。公言之。所言私。王者無私。勃乃跪上天子璽

符。王謝曰。至邸而議之。至邸。丞相陳平等。請即天子位。王西鄉讓三。南鄉讓再。乃即

位。夜拜宋昌為衛將軍。領南北軍。以張武為郎中令。行上聲。巡殿中。有司分部誅呂

后。所名孝惠子宏等。赦天下。是為文帝。

文帝名恒。高帝中子也。性仁儉。除肉刑。減田租。却千里馬。惜露臺費。嘗欲作露臺。召匠計之。直百金。漢以

一斤為一金。上曰百金。中人十家之產。遂止。臺上不屋。曰露臺。非承露之臺。所幸戚夫人。衣不曳地。南越不臣。賜卑辭以服之。吳

王不朝。賜几杖以安之。張武受賂。賜金錢以愧之。一歲斷獄四百。海內富庶。惟諸侯

強僭。納賈誼治安策言。分齊為六。將閭為齊王。都山東青州府臨淄縣志為濟北王。都山東濟南府長清縣賢

為菑川王。都青州府壽光縣雄渠為膠東王。都山東濟南府即墨縣卬為膠西王。都萊州府高密縣辟光為濟南王。

都濟南府 歷城縣 皆悼惠王肥子也。分淮南爲二。安爲淮南。江南揚州 江都縣 王勃爲衡山。江南六 安州 王賜

爲廬江。廬州府 廬江縣 王皆厲王長子也。初長謀反廢徙蜀道死。民歌之曰：一尺布尙可縫。

一斗粟尙可舂。兄弟二人不相容。帝病之。故封其諸子。長帝弟也。及景帝立。遂有七

國之變。

景帝名啓。文帝太子。初孝文時。吳太子入見。得侍皇太子。飲博爭道不恭。皇太子引

博局。棋 音底 盤 擲也 殺之。吳王稱疾。不朝京師。始有反謀。文帝賜之儿杖。吳謀亦解。鼂錯

數言吳過可削。文帝不忍。及帝卽位。錯曰：吳王不朝於法當誅。今削之亦反。不削亦

反。削之反。亟禍小。不削反。遲禍大。帝令公卿列侯宗室雜議。莫敢難。獨竇嬰爭之。錯

又言楚趙有罪。皆削一郡。膠西以賣爵事削六縣。方議削吳。吳王恐。因發謀舉事。聞

膠西王勇好兵。使人說之。又身至膠西面約。遂發使約齊。將 閭 蓄川 賢 膠東 雄 渠 濟南 辟 楚

戊高帝弟交孫 都江南徐州 趙 直隸邯鄲縣 皆許諾。遣諸侯書。罪狀鼂錯。欲合兵誅之。帝急而誅錯。初

文帝且崩。戒太子曰：卽有緩急。周亞夫真可任將兵。至是上拜亞夫爲太尉。亞夫勃次 子初文帝

遣六將軍備匈奴。上自勞軍。至霸上及棘門軍。直馳入將以下騎迎送。已而之細柳軍。軍士吏被甲銳兵刃

轂弓弩持滿。先驅至不得入。曰：天子且至。軍門都尉曰：將軍令曰：軍中聞將軍令。不聞天子之詔。上至又不

得入於是上乃使使持節詔將軍吾欲勞軍亞夫乃傳言開壁門門士請車騎曰將軍約軍中不得馳驅於是天子乃按轡徐行至營亞夫持兵揖曰介冑之士不拜請以軍禮見天子為動改容式車使人稱謝皇帝敬勞將軍成禮而去羣臣皆驚上曰嗟乎此真將軍矣曩者霸上棘門軍若兒戲耳其將固可襲而虜也至於亞夫可得而犯耶按是役劉禮次霸上徐厲次棘門亞夫次細柳皆西安府地將三十

六將軍討平之。漚走越。越人殺之。諸王皆伏誅。初楚元王交與魯申公穆生白生俱

受詩於浮邱伯。浮邱復姓伯名及王楚以三人為中大夫。穆生不嗜酒。王常為之設醴。及孫

戊嗣位。常設。後乃忘設。穆生退曰。醴酒不設。王之意怠。不去將鉗我於市。遂謝病去。

及戊與吳通謀。申公白生諫。戊胥靡之。是時七國雖平。梁王復驕恣。梁王者文帝子。

帝弟。名武。初封於大梁。今開封府祥符縣後徙睢陽。今河南歸德府七國反時。亞夫請以梁委之。得專

力吳楚。吳攻梁急。亞夫不救。吳兵欲西。梁城守不得西。於是以至親有功。得賜天子

旌旗。出蹕入警。天子出入警戒肅也蹕止行人也王寵臣羊勝公孫詭。使王求為漢嗣。竇太后為之請。

袁盎曰。昔宋宣公不立子而立弟。以生禍亂。五世不絕。故春秋大居正。梁王乃與勝

詭謀。陰使人刺殺盎。及他議臣十餘人。帝知梁王所為。遣吏往按捕勝詭。勝詭自殺。

梁王詣闕謝罪。太后帝皆大喜。梁王每與太后言亞夫短。太后欲侯王信。帝與亞夫

議之。亞夫曰。高帝約非有功不侯。信雖后兄。無功侯之非約也。帝默然而止。後匈奴

王徐盧等降。帝欲侯之。以勸後。亞夫曰。彼背其主而降。侯之則何以責人。臣之不守節者乎。帝曰。丞相議不可用。乃悉侯之。亞夫因謝病免。後帝召亞夫。賜食。獨置大胾。又不置箸。亞夫心不平。願謂尚席取箸。帝笑曰。此非不足君所乎。猶言此莫不亞夫免冠謝。因趨出。帝目送之。曰。此軼軼非少主臣也。未幾下獄。不食死。帝承孝文之後。坐享宴安。論者以忌刻少恩病之。然克遵前業。節儉爲心。太倉之粟。紅腐而不可食。都內之錢。貫朽而不可校。而於刑獄之際。尤爲用情。國家殷富。風俗醇厚。周云成康。漢言文景。洵後先媲美也。在位十六年崩。太子徹立。是爲武帝。

武帝好儒。興太學。置五經博士。令郡國舉孝廉。親策賢良。並詔求茂材異等。可爲將

相使絕域者。河間獻王好古學。多得先秦遺書。王景帝子得周官尚書周禮禮記董仲舒孔

安國司馬遷司馬相如。諸儒並出。經術文章。至是稱盛。時丞相寶嬰。太尉田蚡。音憤亦

好儒。推轂薦舉人才如推車轂令其前進趙綰爲御史大夫。王臧爲郎中令。綰請立明堂。孟子所謂王者之堂天子之外

朝猶後世大朝會之正衙薦其師申公。即魯申公受詩於浮邱伯者上使使者奉安車蒲輪。束帛加璧迎之。旣至。問

治亂之事。申公年八十餘。對曰。爲治者不在多言。願力行何如耳。時上方好文詞。見

申公對默然。然已招致。則以為大中大夫。舍魯邸。議明堂巡狩改歷服色事。太皇太

后寶太后好黃老言。不悅儒術。趙綰請毋奏事東宮。太后大怒。陰求綰滅姦利事。以讓

上。因廢明堂事。下綰臧吏。皆自殺。嬰蚡免。申公亦以病免歸。初景帝以石奮及四子

皆二千石。謂郡守國相月俸也號奮為萬石君。萬石君無文學。而恭謹無與比。子孫為小吏來歸

謁。必朝服見之。燕居必冠。其執喪哀戚甚悼。子孫遵教。皆以孝謹聞。及綰臧獲罪。太

后以為萬石君家。不言而躬行。乃以其子建為郎中令。慶為內史。帝招延士大夫。常

如不足。主父偃嚴安徐樂上書闕下。朝奏暮召入。謂曰。公等皆安在。何相見之晚也。

皆拜為郎中。然立朝敢言。惟汲黯。河內火。使黯持節往視。值河南飢。人相食。矯制發

倉廩賑之。還報。帝不之罪。丞相公孫宏。廷尉張湯。皆詐佞。黯每廷詰之。時帝方招文

學。嘗曰。吾欲云云。猶言如此如此史略其辭蓋所言欲施仁義也黯曰。陛下內多欲而外施仁義。奈何欲效唐虞

之治乎。帝怒罷朝。謂左右曰。甚矣汲黯之戇也。他日問莊助。汲黯何如人。助曰。使黯

任職居官。無以踰人。至輔少主。守成深堅。志操深遠堅固招之不來。磨之不去。雖賁育孟賁生拔

牛角夏育不能奪之。帝曰。然古有社稷之臣。如黯近之矣。時衛青霍去病李廣程不識

力舉千鈞

皆稱名將。青爲大將軍。去病爲票騎將軍。皆屢出塞有功。廣行無部伍。止無行陣。不擊刁斗自衛。不識正部曲行伍營陳。擊刁斗。寬嚴不同。皆未嘗遇害。帝使二人將兵屯北邊。然匈奴畏廣之略。士卒亦樂從廣而苦不識。初廣爲北平太守匈奴號之曰飛將軍不敢入塞

帝雄才大略。狹小漢家制度。遣楊僕等討滅南越。今廣東省置南海蒼梧鬱林合浦珠崖儋耳交趾九真日南九郡。更下東越。今福建省初東越王餘善反。號其將軍曰吞漢。帝使樓船將軍楊僕。橫海將軍韓說等將兵討之。繇王居服殺餘善。以其衆降。帝以閩地險阻。數反覆。乃徙其民於江淮間。遂虛其地。又平朝鮮。置真番臨屯樂浪元菟四郡。

遣唐蒙取夜郎。今貴州遵義府司馬相如通西夷。叩今四川甯遠府笮今四川雅州府冉駹今四川茂州皆內屬。郭昌等平南夷。遂置武都汶山沈黎越雋牂牁五郡。又遣衛青取匈奴河南地。置朔方郡。

今內蒙古鄂爾多斯地即冒頓所收復蒙恬所取地尋匈奴屬王降。以其地置武威。今甘肅涼州府酒泉。今甘肅肅州府二郡。後復遣青與霍去病更出漠北。屢破匈奴。封狼居胥山。今外蒙古喀爾喀地而還。匈奴之西有大宛。今塔什干康居。今撒麻兒干以北大月氏。今布哈刺東南境諸國。今皆屬俄亞中亞細亞皆屬匈奴。賦稅取足焉。會聞月氏與匈奴有怨。帝遣張騫往探之。及還。具言大宛大夏。今阿富汗北境安息。今波斯地諸國風俗。大夏

與匈奴有怨。帝遣張騫往探之。及還。具言大宛大夏。今阿富汗北境。安息。今波斯地。諸國風俗。大夏

東南有身毒

今印度身音捐毒音篤一名天篤亦稱天竺

國。去蜀不遠。帝因蜀道求身毒。莫能通。通滇國。

今雲南

南遣郭昌取置益州郡。

今雲南

又遣趙破奴擊樓蘭。

今甘肅燉煌縣西

車師。

今新疆吐魯番廳及迪化府

李廣利擊

大宛。皆破之。因結烏孫。

今伊犁府

以孤匈奴。益發使抵其西安息諸國。於是匈奴失援。勢

乃漸弱。

初帝采仲舒策。黜申韓蘇張之說。

申不害韓非為刑名家蘇秦張儀為從橫家

使學者知尊孔氏。後又從兒寬

議。造太初曆。以正月為歲首。蓋始用夏正也。惜信方士公孫卿少翁。變大等。

以少翁為文成將軍

樂大為五利將軍後皆伏誅

公孫卿言仙人好樓居。上乃作蜚廉觀。通天臺。柏梁臺。承露盤。後柏梁

臺災。又信越人勇之。

越人名

言作建章宮。皆以候神人。會汾陰。

今山西平陽府榮河縣

得大鼎。公孫

卿又言漢得寶鼎。與黃帝時同。當封禪。則能登天。於是上自制封禪儀。登泰山。禪肅

然。

小山在泰山下

如海上求神仙。及少翁以帛書飯牛。樂大妄言見師。始悟其欺。皆伏誅。

然海內已虛耗矣。加以比歲征伐。國用不給。用孔僅桑宏羊之徒。行斂財法。使民得

納錢買官爵。贖死罪。禁民鑄錢煮鹽。收為官業。設均輸法。

諸州郡各輸土地所有於官官自轉遷於所無之地賣之輸者既便

官亦得利。奪商賈之利。尊用酷吏張湯趙禹等。定律令。吏民益輕犯法。東方盜賊滋起。故曰均輸。

乃遣繡衣直指使者。繡衣者衣繡杖斧尊寵之得專斷也直指者謂指事而行無阿私也發兵擊之。一郡誅殺至萬餘人。散亡

復聚。於是作沈命法。沈沒也敢蔽匿盜賊者沒其命曰盜起不發覺。發覺而捕弗滿品者。二千石以下。

至小吏主者皆死。其後雖有盜不敢發。上下相為匿。以文辭避法焉。王賀暴勝之江

充皆為繡衣使者。賀多所縱捨。以奉使不稱免。曰吾所活者萬餘人。後世其興乎。充

嘗從上甘泉。宮名在西安府甘泉山上逢太子家使。即家令乘車馬行馳道中。充以屬吏。太子使人謝

充曰。非愛車馬。時貴戚近臣被舉勳者皆沒入車馬誠不欲令上聞之。以教敕無素者。惟江君寬之。充不

聽。遂白上。上曰。人臣當如是矣。大見信用。時方士神巫多聚京師。女巫往來宮中。競

為蠱惑術。上嘗晝寢。夢木人數千。持杖欲擊上。因是體不平。充恐上晏駕。天子初崩曰晏駕為

太子所誅。因言上疾。崇在巫蠱。女能降神曰巫左道惑人曰蠱上乃使充治巫蠱獄。前後死者數萬人。

並言於太子宮中。得木人尤多。太子懼。問少傅石德。德勸捕充等繫獄。窮治其奸。太

子不聽。時上在甘泉。太子將如甘泉。而充持之急。乃捕充斬之。上聞大怒。命丞相屈

釐討太子。太子兵敗。走湖。今河南陝州慶鄉縣吏圍捕之。太子自經。太子仁恕溫謹。上用法嚴。太

子寬厚多。所平反。雖得百姓心。而用法大臣皆不悅。競欲搆太子。故及於難。後田干

秋訟太子寃。上乃族江充家。憐太子無辜。作思子宮。為歸來望思之臺於湖。時太子

二子並遇害。獨孫病已幼得免。後為宣帝。追諡太子為戾太子。自是上自追悔。乃下

詔陳往日之非。罷輪臺。今新疆輪臺縣屯田。禁苛暴。止擅賦。力本農。脩馬復令。復音福。除也因養馬以除免徭賦也。

以補缺。毋乏武備而已。封田千秋為富民侯。以明與民休息富養之意。又以趙過為

搜粟都尉。過教民耕耘。田器皆有便巧。用力少而得穀多。民皆便之。戾太子既死。燕

今直隸王旦。武帝子自以次第當為太子。上書求入宿衛。上怒曰。生子當置齊魯禮義之

鄉。乃置之燕。果有爭心。遂斬其使。是時鈞弋夫人之子弗陵。武帝少子。母趙婕妤。手年七

歲。形體壯大多智。上奇愛之。心欲立焉。以其年穉。母少猶與。同豫猶豫。獸名。性多疑。故不決謂之猶豫。先是

夫人居鈞弋宮。任身。任平聲。懷孕也。十四月生弗陵。上曰。聞堯十四月而生。乃命曰堯母門。

論者以為啓姦臣逆探之心。而肇巫蠱之禍。帝不能無過焉。至是欲擇大臣輔之。察

光祿大夫霍光。忠厚可任大事。乃畫周公負成王朝諸侯像。以賜光。光去病之弟也。

他日賜夫人死。問左右曰。外人言云何。對曰。人言且立其子。何去其母。帝曰。然。是非

兒曹愚人所知也。往古國家所以亂。由主少母壯也。女主獨居。驕蹇淫亂。自恣。莫能

禁也。汝不聞呂后耶。明年春立爲皇太子。以霍光爲大司馬大將軍。受遺詔輔少主。

帝崩於五柞宮。在西安府藍屋縣。有五柞樹。故名。詩維柞之枝。其葉蓬蓬。蓋屋音周質。在位五十四年。太子弗陵立。是爲昭帝。

昭帝立。年八歲。霍光輔政。輕徭薄賦。與民休息。舉賢良。興文學。行儉約。問民疾苦。復

脩孝文之政。初武帝時。燕王旦求入宿衛。不獲。又坐匿亡命。削縣三。且辯慧博學。其

弟廣陵王胥有勇力。皆動作無法。多過失。武帝崩。遂與齊孝王孫澤謀反。青州刺史

雋不疑。收捕澤等。以聞。詔以燕王至親。勿治。澤等皆伏誅。先是雋不疑爲京兆尹。每

行縣錄囚還。其母輒問所平反。反音翻。已定之罪有不平者。覆按翻而出之。令得其平。活幾何人。即多所平反。母喜

笑。異他時。或無所出。母怒不食。故不疑爲吏。嚴而不殘。中郎將蘇武。當武帝時。使匈

奴。單于欲降之。武不屈。引佩刀自刺。乃幽武大窖中。窖音教。地藏也。絕不飲食。天雨雪。武齧

雪與旃毛並咽之。數日不死。匈奴以爲神。乃徙武北海上。使牧羝。牡羊也。曰羝乳。產子曰乳。

乃得歸。武既徙海上。廩食不至。食野鼠草實。杖漢節牧羊。臥起操持。節旄盡落。至是

單于與漢和親。乃歸武。既至。以爲典屬國。主外國來附者。以武曉習蠻夷事實也。武留匈奴凡十九年。始

以強壯出。及還。鬚髮盡白。時上官桀爲左將軍。其子安霍光之婿也。光女生女甫。五

歲。安欲因光納之宮中。光以為尙幼不聽。蓋音高長公主。昭帝姊也。卽鄂邑今湖北武昌縣公

主。妻蓋侯。私丁外人。人姓名稱曰子客安說外人言於長主。乃召安女入為婕妤。婦官名。使言接幸於上。仔美稱

也。遂立為后。時帝年十二。后五歲。上官桀父子為丁外人求封侯。霍光不許。又為求

光祿大夫。令得召見。又不許。長主以是大怨光。而桀安亦慙。燕王旦常懷怨望。桑宏

羊欲為子弟得官。亦怨恨光。於是蓋主桀安宏羊。皆與旦通謀。詐令人為燕王上書。

言光出大肄宿衛之士。調校尉。道上稱蹕。疑有非常。候光出沐日奏之。顏師古曰天子出則稱警人則

言蹕蹕者止行人也。按出入二字互文。漢律吏五日得一休沐。言休息以洗沐也。書入。帝召大將軍。光入免冠謝。上曰將軍冠。朕知

是書詐也。將軍無罪。光曰。陛下何以知之。帝曰。將軍之廣明。長安東門都郎屬耳。都大郎肆郎也。屬近

也言近日事。調校尉以來。未能十日。燕王何以得知之。且將軍為非。不須校尉。是時帝年

十四。尙書左右皆驚。而上書者果亡。捕之甚急。桀等懼。白上小事不足遂。窮竟也上不

聽。桀等乃謀令長公主置酒請光。伏兵格殺之。因廢帝而立燕王。又謀誘燕王至而

誅之。因廢帝而立桀。會蓋主舍人父燕倉。知其謀。以告大司農楊敞。敞以告杜延年。

延年以聞。九月詔捕桀安宏羊外人等。並宗族悉誅之。蓋主燕王皆自殺。擢杜延年

為太僕。光持刑罰嚴。延年輔之以寬。逾年以楊敞為丞相。帝在位十三年崩。壽二十

二歲。無嗣。時武帝子尙有廣陵。今江南揚州府王胥在。以行失道不得立。霍光承皇后詔。迎

昌邑。山東兗州府金鄉縣王賀而立之。賀武帝孫。哀王躄之子。既立。淫戲無度。在位二十七日。使

者旁午徵發。凡一千二百二十七事。光率羣臣奏太后廢之。太后昭帝后上官安女光之外孫女也乃立

武帝曾孫病已。即戾太子孫史皇孫子。是為宣帝。戾太子母衛后故又稱衛太子初衛太子納史良娣

生子進。號史皇孫。皇孫納王夫人。生子病已。號皇曾孫。甫數月。遭巫蠱事。太子妻妾

男女皆遇害。皇曾孫亦繫獄。故廷尉監丙吉受詔治巫蠱獄。心知太子無事實。重哀

皇曾孫無辜。擇謹厚女徒。令乳養之。望氣者言長安獄中有天子氣。武帝遣使者分

條中都官獄。中都官京師諸官府也長安官獄三十六所分條分別疏錄也繫者無輕重皆殺之。夜到獄。吉閉門不納。曰

他人無辜死者猶不可。况親曾孫乎。使者不得入。還以聞。武帝亦寤。曰天使之也。因

赦天下。後有詔掖庭養視。掖庭宮旁舍有令丞掌其事上屬籍宗正。時掖庭令張賀嘗事衛太子。思

顧舊恩。哀曾孫。奉養甚謹。暴室齋夫。暴室曬暴之室婦人疾病及有罪就此室其屬官有齋夫一人以閹宦為之許廣漢有女。賀

以家財聘之。曾孫因依倚廣漢兄弟。及史氏受詩於東海濱中翁。姓複名中翁濱音腹中音仲高材

好學。然亦喜游俠。鬪雞走馬。上下諸陵。周徧三輔。以是具知閭里姦邪。吏治得失。及昌邑王廢。霍光等議所立未定。丙吉奏記光曰。武帝曾孫名病已者。至今十八九矣。通經術。有美材。行安而節和。願將軍定大策。光遂奏太后。迎曾孫卽位。侍御史嚴延年劾奏光擅廢立主。無人臣禮。奏雖寢。朝廷肅然敬憚之。帝旣立。公卿議立皇后。皆心擬霍光女。帝乃詔求微時故劍。大臣知指。白立許婕妤。婕妤婦官爲皇后。光以后父廣漢刑人。不宜君國。歲餘乃封爲昌成君。卽位之明年。光請歸政。帝謙讓不受。事皆先關白光。然後奏御。時光子禹及兄孫雲山。諸婿外孫。根據於朝。每朝。帝虛已斂容。禮下之已甚。光妻顯欲貴其少女成君。會許后當娠病。女醫淳于衍嘗入宮侍疾。顯使衍投毒藥弑之。有告諸醫侍疾無狀者。皆收繫詔獄。顯恐具語光。旣失計爲之。無令吏急衍。光大驚欲發舉。不忍。奏上。光署衍勿論。顯因勸光納其女入宮。立爲皇后。逾二年。光病。車駕自臨問。爲之涕泣。卽日拜光子禹爲右將軍。光薨。賜葬具如乘輿制度。又以霍山爲樂平侯。使以奉車都尉領尙書事。御史大夫魏相。因許廣漢奏封事。密奏皂囊封板言春秋譏世卿。今光死。子爲右將軍。兄子秉樞機。昆弟諸婿任兵官。宜損

其權以全功臣之世。又故事諸上書者皆爲二封。署其一曰副。領尚書者先發副封。所言不善。屏去不奏。相復因許伯白去副封。以防壅蔽。帝善之。詔相給事中。時霍氏驕侈。帝頗聞其毒。殺許后而未察。乃徙光諸嬖爲他官。收其印綬。更以張安世爲衛將軍。兩宮衛尉。城門北軍兵屬焉。以霍禹爲大司馬。罷其屯兵。諸領羽林及兩宮衛將屯兵。悉亦所親許史子弟代之。尋免雲山就第。以霍雲舅坐與諸侯王交通。辭及霍氏也。霍顯及禹山雲自見日侵削。遂謀反。事覺。雲山自殺。顯禹棄市。夷其族。皇后廢處昭臺宮。初霍氏奢侈。茂陵今陝西西安府興平縣徐福上疏言宜以時抑制其權。及霍氏誅滅。人爲福上書曰。臣聞客有過主人者。見其竈直突。傍有積薪。客謂主人更爲曲突。遠徙其薪。不者且有火患。主人不應。俄而失火。鄰里共救之。幸而得息。殺牛置酒。謝其鄰人。而不錄言曲突者。人謂主人曰。鄉使聽客之言。不費牛酒。終無火患。今論功請賓。曲突徙薪無恩澤。焦頭爛額爲上客耶。主人乃寤而請之。茂陵徐福數上書言霍氏且有變。宜防絕之。鄉使福說得行。則國無裂土出爵之費。臣無逆亂誅滅之敗。往事旣已。而福獨不蒙其功。惟陛下察之。帝乃賜福帛十疋以爲郎。帝初立。謁見高

廟。霍光驂乘。帝嚴憚之。若有芒刺。後張安世代光驂乘。上從容肆體。甚安近焉。故俗
 傳霍氏之禍。始於驂乘。帝興於閭閻。知民事之艱難。光薨。始親政。厲精為治。信賞必
 罰。綜核名實。拜守相。刺史。輒親見問。嘗謂庶民所以安其田里。而無歎息愁恨之心
 者。政平訟理也。與我共此者。其惟良二千石乎。又以太守屢變易。則下不安。故有治
 效者。即璽書勉勵。其時良吏特盛。有于定國。趙廣漢。朱邑。龔遂。尹翁歸。黃霸。韓延壽。
 張敞之屬。帝雖治雜王霸。寵許許后史祖母史良弟家王氏。母王夫人家用宏恭石顯。然吏稱民安。
 威行絕域。鄭吉破車師。西域國馮奉世破莎車。今新疆莎車府趙充國平先零羌。今青海番又遣鄭吉
 居烏壘城。今新疆哈喇沙爾西南號西域都護。督察烏孫康居等二十六國。漢之號令班西域
 矣。及匈奴五單于爭立。郅支呼韓邪相攻。龔呼韓邪降漢。稱臣。於是匈奴益弱。近其
 國者皆尊漢。帝以戎狄賓服。思股肱之美。圖功臣於麒麟閣。署其官爵姓名。惟霍光
 不名。曰大司馬大將軍博陸侯姓霍氏。其次張安世。韓增。趙充國。魏相。丙吉。杜延年。
 劉德。梁邱賀。蕭望之。蘇武。凡十一人。皆以功德知名當世。輔佐中興者也。帝在位二
 十五年崩。太子爽立。是為元帝。

元帝初立。首恤貧民。振困乏。罷官館希幸者。減穀食馬。肉食獸。又罷黃門狗馬。以禁
囿假貧民。舉直言極諫之士。用明經潔行之儒。徵王吉貢禹周堪劉更生爲諫大夫。

器重蕭望之。欲以爲相。置戍已校尉。甲乙丙丁庚辛壬癸皆有正位惟戊己寄治今所置校尉亦無常居故取戊己爲名屯田車師。會

鄧支殺漢使者。走康居。陳湯甘延壽襲殺之。傳首京師。縣真街十日。真街在長安城南門內舊有蠻夷邸

呼韓邪懼。入朝。請爲漢婿。以宮女王昭君妻之。是亦守成令主也。惜以多疾委政宏

恭石顯。師傳蕭望之周堪。屢言宦官不可用。反被讒黜。後恭顯構陷不已。望之飲酖

自殺。帝聞之拊手曰。果然殺吾賢傅。卻食涕泣。哀動左右。雖面召責。但得其免冠謝

而已。劉向上書。謂執狐疑之心者。來讒賊之口。持不斷之意者。開羣枉之門。用賢如

轉石。去佞如拔山。深中帝病。蓋帝仁柔寡斷。威權不肅。難悟易欺。是以羣邪進。衆賢

退。乖氣致異。劉向書乖氣致異和氣致祥隕露隕石。夏寒日青。地震日食。災異疊見。而孝宣之業衰

矣。在位十六年崩。太子驚立。是爲成帝。

成帝初立。委政王太后之弟鳳。以爲大司馬大將軍。黜石顯。悉廢其黨。宦官失勢。政

歸外戚。鳳弟五人。譚商立根逢時同日封侯。王氏子弟。分據要津。劉向梅福各上書。極言外

戚專權。向又撰洪範五行傳論奏之。帝皆不能用。佞臣張禹附王氏。朱雲請尚方斬

馬劍斬之。帝怒。雲攀折殿檻。呼曰。臣得從龍逢比干。遊於地下足矣。未知聖朝何如

耳。帝意解。因輯檻以旌直臣。後數微行。鬪雞走狗。自稱富平侯家人。富平侯者。侍中

張放。寵幸無比。故假稱之。後遇歌舞者。趙飛燕悅之。召入宮。大幸。有女弟名合德。復

召入。姿性尤醜粹。披香殿博士淳方成睡曰。此禍水也。滅火必矣。漢以火德。王故云。趙姊妹

俱為捷仔。貴傾後宮。共譖許皇后。祖祝廢處。昭臺宮。遂立趙捷仔為后。怒諫大夫劉

輔諫。下獄。論為鬼薪。論音倫。罰取薪給宗廟謂之鬼薪。后既立。寵少衰。其女弟絕幸。居昭陽宮。以黃金

明珠翠羽為飾。劉向乃採古來賢妃嬖寵。關於治亂者。為列女傳。並著新序說苑。進

御為諫。帝嘉其言。歎賞而已。是時趙氏亂內。外家擅朝。日食地震。四月雨雪。秋桃李

實。山崩石隕。星隕如雨。災變屢警。而帝不悟。王鳳卒。王商此成都侯。王商又有樂昌侯。有威重容貌絕人。匈奴單于來朝拜謁。

仰視大畏之。遷延却退。成帝歎曰。真宰相為王鳳。讒死。王音王根。相繼執政。根又薦姪王莽。代已。莽禮賢下士。飾為

儉約。以收譽望。母病。公卿列侯遣夫人問疾。莽妻迎之。衣不曳地。布蔽膝。見者疑為

僮僕。問知為夫人。皆驚。其飾名如此。帝在位二十六年。忽鄉晨欲起。不能言而崩。民

...

間謹諱。咸歸罪趙昭儀。即合德昭儀婦。官尊於婕妤。皇太后詔王莽雜治。問發病狀。趙昭儀自殺。帝

無子。立定陶共王康之子欣為太子。元帝庶孫也。至是即位。是為哀帝。

哀帝躬行儉約。出宮女。禁獻獸。察吏殘賊酷虐者。以時退。罷斥王氏。收攬威柄。屢誅

大臣。欲彊主威。以則武宣。武帝宣帝然寵信讒諂。無鹽危山土起。狐山石立。皆在山東地。東平七雲。及后謁往祭祀。息夫躬孫寵。讒為取封侯計。雲自

殺謁棄市。擢躬寵官。憎疾忠直。殺鄭崇。王嘉。下鮑宣獄。傅晏丁明。擅權用事。上崇傅后。脩當熊舊怨。致馮后自

殺。初傅后馮后並事元帝為婕妤。嘗從幸虎圈。在上林苑中。養獸闌也。熊逸出。傅婕妤等皆走。馮

婕妤直前當熊而立。上問之。對曰。猛獸得人而止。妾恐熊至御座。故以身當之。帝嗟

歎。倍敬重之。傅婕妤慙。由是有隙。至是為平帝幼多病。禱祠。有誣為祝詛。謀殺上者。

遣吏責問。無服辭。吏曰。熊上殿何其勇。今何怯也。馮知以前事謀陷。飲藥自殺。馮后

馮奉世女也。帝嬖董賢。為起大第北闕下。嘗置酒麒麟殿。從容視賢。笑曰。吾欲法堯

禪舜。何如。賢時年二十二。為大司馬衛將軍。鄭崇王嘉鮑宣母將隆。母將姓。隆名。諫皆得

罪。至是中常侍王閎。平阿侯。譚之子。進曰。陛下承宗廟。當傳子孫於無窮。統業至重。天子無

戲言。上默然。故令賢過孔光。光聞賢來。警戒衣冠。出門待。望見賢車。却入。賢至中門。

光入閣。既下車。乃出拜謁。送迎甚謹。不敢用賓客鈞敵之禮。上喜。立拜光兩兄子爲諫大夫常侍。尋以賢爲大司馬。光爲大司徒。不以同列爲恥。且甘處其下。鮑宣謂朝無骨鯁之士。憂國如飢渴者。敦外親幸臣董賢等。欲與此共承天地。安海內甚難。斯言信矣。帝在位六年。壽二十五歲崩。無嗣。中山王箕子立。亦元帝庶孫。初傳太后生定陶共王康。康生哀帝。馮太后生中山王興。興生箕子。後改名衍。是爲平帝。

當哀帝崩時。太皇太后。

元帝后
王政君

召董賢問喪事。賢不能對。太后乃使使馳召王莽。自

以爲大司馬。莽以太后詔罷賢歸第。賢與妻皆自殺。沒入家財四十三萬萬。太后與莽議所立。莽以中山王箕子甫九歲。利其幼。遣王舜迎之。太后臨朝。莽秉政。百官總已以聽。以孔光名儒。相三主。又嘗薦己。乃以爲大司馬。盛尊事光。引光女婿甄邯爲侍中。令劾奏何武公孫祿免官。以其諫阻光薦己也。於是附順者拔擢。忤恨者誅滅。以王舜王邑爲腹心。甄豐甄邯主擊斷。劉秀典文章。孫建爲爪牙。莽色厲而言方。欲有所爲。微見風采。黨與承其指意而顯奏之。莽稽首涕泣固推讓。上以惑太后。下用示信於衆庶。其惡至廢孝成孝哀皇后。致自殺。滅帝母衛后家。殺敬武公主。元帝何女弟

武鮑宣並莽叔父紅陽侯立平阿侯譚子仁莽子宇臨孫宗等數百人。以皆不附己也。是時賢者見幾而作。龔勝邴漢皆乞骸骨罷歸。梅福一朝棄妻子去。變姓名爲吳市門卒。北海逢萌謂友人曰。三綱絕矣。不去禍將及人。卽解冠挂東都城門。歸將家屬浮海。客於遼東。而太師孔光等乃咸稱莽功德比周公。宜告祠宗廟。大司農孫寶詰之。尋免官。由是上書頌功德者至四十八萬人。莽遂自稱安漢公。號宰衡。加九錫。帝益壯。以衛后故。怨不悅。莽因臘日上椒酒。置毒弑之。無嗣。時宣帝曾孫皆長大。莽惡之。乃立宣帝元孫孺子嬰。年二歲。莽自稱假皇帝。又曰攝皇帝。尋自稱新皇帝。坐未央宮前殿。卽真天子位。建有天下之號曰新。以其始封新都。今四川成都府新都縣侯故也。使王舜請璽。太后不肯授。舜言莽必欲得璽。太后甯能終不與耶。太后聞舜語。恐莽脇之。乃出璽投之地。曰我老且死。如而兄弟今族滅也。於是更號太后爲新室文母。廢孺子嬰爲定安。今陝西延安府安衆。今河南南陽府侯劉崇。東郡。今山東東昌府太守翟義。方進之子徐鄉。今山東登州府侯劉快。先後起兵討莽。均不克而死。西漢亡。

右西漢十二帝二百一十五年並王莽篡位合二百三十年

新莽

四二

莽既篡漢。欲收羅物望。遣使奉璽書印綬迎龔勝。勝不食卒。又以安車迎薛方。方辭

謝曰。堯舜在上。下有巢由。

巢父許由皆堯時高士

今明主方隆唐虞之德。小臣欲守箕山

在河南府卽許

由隱居地

之節。莽悅其言不強致。沛國陳咸前見何武鮑宣死。卽乞骸骨去職。至是莽召

咸。咸謝病。並召三子參豐欽皆解官歸田里。閉門不出。猶用漢家祖臘。郭欽蔣詡亦皆以病免官歸。卒於家。莽壞孝元廟。就其地爲太后起長壽宮。置酒請太后。既至。見

廟廢。驚泣曰。此漢家宗廟。何事壞之。我乃人之妃妾。豈宜辱帝之堂。以陳饋食。謂左

右曰。此人慢神。能久得祜乎。飲酒不樂而罷。莽更漢家黑貂。着黃貂。又改漢正朔。伏

臘日。太后令其官屬黑貂。至漢家正臘日。獨與其左右相對飲食。年八十四崩。莽篡

位已四年矣。時制度紛更不度時宜。法密賦重。吏緣爲姦。又恃府庫之富。欲立威匈

奴。改匈奴單于爲降奴服于。遣孫建等率十二將分道擊之。單于怒曰。先單于受漢

宣帝恩。不可負也。今天子非宣帝子孫。何以得立。遣兵入雲中塞。大殺吏民。歷告左

右部諸邊王。入塞殺太守都尉。略吏民畜產不可勝數。莽轉兵穀。使吏民屯邊。所在

放縱而內郡愁於徵發。民棄城郭。始流亡為盜賊。於是匈奴四裔皆失和好。天下騷

然。人思漢室。赤眉樊崇等號赤眉之兵起於莒。今山東青州府綠林山名今湖北安陸府當陽縣瓜田儀王匡馬武王常等之兵起於

荊州。景帝七世孫劉縯字伯升光武帝兄劉秀字文叔即光武亦起兵春陵。漢侯國故城今湖北棗陽縣初景帝第十

子長沙今湖南長沙府定王發。生春陵節侯買。買孫仁徙封南陽白水鄉。今河南南陽府仍號春陵。莽

時國除。光武買少子鬱林今廣西潯州府太守外曾孫鉅鹿今直隸順德府都尉回孫南頓今開封府項城縣令

欽第三子也。隆準日角。隆高準鼻日角謂天庭骨起狀如日性勤稼穡。嘗過穰今南陽府鄧州人蔡少公。少公學圖

讖。言劉秀當為天子。或曰是國師公劉秀乎。向子歆改名秀為莽國師秀戲曰。何由知非僕耶。坐者

皆大笑。及州郡兵起。南陽騷動。縯召諸豪傑計議。發春陵子弟。子弟皆亡匿。及見秀

絳衣大冠。皆驚曰。謹厚者亦復為之。乃稍自安。凡得子弟七八千人。新市湖北孝平感縣

林湖北德安府兵皆附之。諸將議立劉氏。以從人望。縯威明。乃奉宗室劉玄為帝。時玄

在平林兵中。號更始將軍。春陵戴侯熊渠曾孫也。即節侯買之元孫。即位於南陽。南

面朝羣臣。羞愧流汗。舉手不能言。以縯為大司徒。改元更始。莽遣王尋王邑發兵四

十二萬圍昆陽。南陽府葉縣以長人巨無霸為壘尉。車不能載馬不能勝臥則枕鼓以鉄箸食驅虎豹犀象以助威。

秀率步騎千餘為前鋒奔之。斬首數十級。諸將喜曰。劉將軍平生見小敵怯。今見大

敵勇。甚可怪也。遂共乘之。莽兵潰。斬王尋。會大風雨。屋瓦皆飛。虎豹服戰。邑逃。盡獲

其軍實輜重。關中震恐。於是海內豪傑。翕然響應。皆殺牧守。用漢年號。玄忌秀兄續

威名殺之。遣別將破長安。誅王莽。節解鬻分之。傳首詣宛。更始都宛。即南陽府。縣於市。百姓共提

音抵擊之。或切食其舌。莽稱帝十五年而亡。更始遷都洛陽。以秀為大司馬。徇河北。秀

用鄧禹寇恂等。所過除莽苛政。自續死。司徒官屬迎弔。秀不與交私語。惟深引過而

已。未嘗自伐昆陽之功。又不敢為續服喪。飲食言笑如平時。獨居輒不御酒肉。枕席

有涕泣處。馮異因進說曰。更始政亂。百姓無依。宜分遣官屬循行郡縣。宣布惠澤。秀

納之。鄧禹亦進說曰。赤眉青犢諸賊。更始不能辦。明公莫如延攬英雄。務悅民心。立

高祖之業。救萬民之命。天下不足定也。尋更始又遷都長安。羣小膳夫。皆濫受官爵。

長安為之語曰。竈下養。中郎將。爛羊胃。騎都尉。爛羊頭。關內侯。由是關中離心。四海

怨叛。秀徇薊。順天大興縣。薊城反。應王郎。卜者王郎。許稱成帝子。與稱帝邯鄲。秀馳走至蕪蕪亭。真定府深州城外。時天

寒。馮異上豆粥。過滹沱河。真定府南關外。至南宮。真定府南宮縣。遇大風雨。入道旁空舍。馮異抱薪。鄧

禹熱火。秀對竈燎衣。馮異復進麥飯。至下博。屬信都城西。惶惑不知所之。有白衣老人

指曰。努力信都。今真定府冀州秀馳赴之。時郡國皆降王郎。獨信都太守任光和茂。今順德府太守

邳彤不肯。聞秀至。皆喜。彤勸秀以二郡之兵討王郎。秀乃拜光彤為大將軍。眾稍集。

至萬人。移檄邊郡。遠近嚮應。初。薊中之亂。耿弇與秀相失。北走昌平。順天府昌平州說其父

况擊邯鄲。又與漁陽。順天府薊州太守彭寵。並寵吏吳漢。蓋音哈延王梁。及上谷。直隸保定府耿况為上谷太守

官屬寇恂。景丹等。合兵擊王郎。斬其大將以下三萬級。會秀於廣阿。直隸真定府時秀已

拔廣阿也。秀加况寵大將軍。進軍邯鄲。連戰破之。遂拔邯鄲。斬王郎。更始遣使立秀

為蕭。江南徐州蕭縣王。令罷兵。耿弇曰。王郎雖破。銅馬赤眉之屬。各尚數十百萬人。聖公。劉元字

敗必不久。天下至重。公可自取。毋令他姓得之。秀乃辭以河北未平。不就徵。始貳於

更始矣。是年秋。蕭王擊銅馬諸賊。悉收其眾。南徇河內。河南懷慶府太守韓歆降。以河內

險要富實。欲擇守者。而難其人。鄧禹曰。寇恂文武備足。有牧民禦眾之才。乃拜恂河

內太守。恂調餼糧治器械以供軍。未嘗乏絕。王乃引兵徇燕趙。破尤來大槍五幡諸

賊。還至中山。真定府定州諸將請上尊號。不聽。到南平棘。真定府趙州復固請。不許。耿純進曰。天

下

下士大夫。捐親戚。棄土壤。從大王於矢石之間者。其計固欲攀龍鱗。附鳳翼。以成其志耳。今大王留時逆眾。不正號位。純恐士大夫望絕計窮。則有去歸之思。大眾一散。

難可復合。王深感曰。吾將思之行。至鄗。音壑。今順天府。柏鄉縣。時馮異為孟津懷慶府孟縣將軍。統兵

河上。即孟津其地。置津故名。王召異。問四方動靜。異曰。更始必敗。宗廟之憂。在於大王。宜從眾議。

會儒生彊華。自關中奉赤伏符來詣王。曰。劉秀發兵。備不道。四夷雲集。龍鬪野。四七

之際。火為主。識記之書曰。符四七二十八也。自高祖至光武。初起合二百二十八年。又光武以二十八歲起兵。皆為四七之際。漢火德。故火為主。羣臣因復奏請。乃

即位於鄗南。是為東漢光武帝。

東漢紀

帝六月即位。封更始為淮陽王。九月赤眉入長安。更始降。尋被殺。先是朱鮪勸更始

殺帝兄縝。至是守洛陽。諸將圍數月。鮪堅守不敢降。帝使岑彭說之。乃降。十月車駕

入洛陽。遂定都焉。於是以馮異為征西大將軍。大破赤眉於崤底。崤山名。在河南府永甯縣。東西二嶺。相去三十

五里底下也。帝勞異曰。始雖垂翅回谿。在永甯縣。終能奮翼溼池。在河可謂失之東隅。日出收之

桑榆。日入處。蓋異前為赤眉敗也。鄧禹以飢卒要馮異與赤眉戰。異欲以恩信誘之。禹不從。遂戰軍潰。異勸且休。復不聽。遂大敗。赤眉餘眾東向。

帝制軍宜陽今河南府宜陽縣降之。得傳國璽綬。謂樊崇等曰。得無悔降乎。丞相徐宣等叩頭

曰。今日得降。猶去虎口歸慈母。誠謹誠喜。無所恨也。帝曰。卿所謂鐵中錚錚。金備齊聲

也。中佼佼音攪好者者也。賜樊崇等洛陽田宅。初赤眉以名爲羣賊。不可以久。議立宗室。

乃以故式侯劉萌子名盆子者稱帝。時在軍中主牧牛。年十五。被髮徒跣。見衆拜。恐

畏欲啼。至是帝憐之。以爲趙王。漢同姓名良郎中馮異爲人謙退不伐。諸將論功。異獨屏

樹下。故軍中號曰大樹將軍。自是留治關中。後三年入朝。賜珍寶錢帛。詔曰。倉卒蕪

蕪亭豆粥。滹沱河麥飯。厚意久不報。異稽首謝曰。臣聞管仲謂桓公曰。願君無忘射

鈎。臣無忘檻車。管仲射桓公中鈎魯莊囚管仲子齊檻車囚車也齊國賴之。臣今亦願國家無忘河北之難。蕪蕪亭

俱在河北今真定府小臣不敢忘巾車之恩。初帝徇潁川。今開封府許州屯兵巾車鄉。在汝州東南漢兵獲馮異。

許其歸省母。異知帝非庸人。遂率五縣降。至是有上章言異威權至重。百姓歸心。號

爲咸陽王。帝以章示異。異惶懼入朝。留十餘日。令與妻子還西。後數年卒於軍。耿弇

自請北收上谷兵。定彭寵。時彭寵反於漁陽。取張豐於涿郡。順天府涿州還收富平。山東濟南府樂陵縣獲索。

賊東攻張步。以平齊地。帝壯其志。許之。及事定。車駕至臨淄。自勞軍。帝謂弇曰。昔韓

信破歷下以開基。漢王遣韓信擊齊時齊已降齊王田廣軍歷下信襲破之今將軍攻祝阿。今濟南府禹城縣時張步屯兵於此以發迹。此皆

齊之西界。功足相方。而韓信襲擊已降。將軍獨拔勁敵。功尤難於信也。將軍前在南

陽。建此大策。常以為落落難合。有志者事竟成也。蓋謂弁前自請平齊。方謂疏濶不

易副。今竟成也。時隗囂據隴。公孫述據蜀。劉永董憲竇融等。分據四方。融先歸命。其

未歸命者。帝或自將。或分遣耿弇吳漢來款等討之。先後破滅。嘗曰。人苦不知足。既

平隴。復望蜀。初隗囂使馬援往觀公孫述。援與述同里。皆陝西興平縣人相善。以為既至。當握

手歡如平生。而述盛陳陞衛。延援入。會百官於宗廟中。立舊交之位。欲授援大將軍

封侯。賓客皆樂留。援曉之曰。天下雌雄未定。公孫不吐哺走迎國士。與圖成敗。反脩

飾邊幅。若布帛之脩整邊幅如偶人形。此子何足久稽天下士乎。因辭歸。謂囂曰。子陽。述字井底蛙

耳。而妄自尊大。不如專意東方。謂洛陽囂乃使援奉書洛陽。援初到。帝在宣德殿南廡

音武下。袒幘。髮有巾坐迎。笑謂援曰。卿遨遊二帝。謂囂與述問。今見卿使人。大慚。援頓首謝。因

曰。當今之世。非但君擇臣。臣亦擇君耳。臣與公孫述同縣。少相善。臣前至蜀。述陸載

而後進臣。臣今遠來。陛下何知非刺客姦人。而簡易若是。帝復笑曰。卿非刺客。顧說

客耳。援曰：天下反覆，盜名字者不可勝數。今見陛下恢廓大度，同符高祖，乃知帝王自有真也。及帝自將征囂，郭憲諫曰：東方初定，車駕未可遠征。帝召馬援問之。援於

帝前聚米爲山谷，指畫形勢，開示衆軍所從道徑。帝曰：虜在吾目中矣。遂進軍，囂敗

走死。子純降。述爲吳漢將，高午刺洞胸，墜馬死。於是隴蜀皆平。以援爲伏波將軍，討

交阯。今安南國郡斬其女酋徵側徵貳。後武陵蠻今湖廣常德府叛，援請行。帝愍其老，援據鞍顧盼

以示可用。帝笑曰：矍鑠哉是翁。遂擊破蠻兵，尋病卒於軍。宛人卓茂寬仁恭愛，恬淡

樂道。哀平間爲密府密縣令。河南開封府密縣視民如子，教化大行。道不捨遺。遷京部丞。密人老少涕

泣隨送。王莽居攝，以病免歸。帝卽位，先訪求茂。時年七十餘，以爲太傅，封褒德侯。嚴

光字子陵。浙江紹興府餘姚縣人，本姓莊，後避明帝諱，史改作嚴。少與帝同遊學。及帝卽位，乃變姓名，隱身不見。帝

以物色畫其人物顏色得之。論道舊故，因共偃臥。光以足加帝腹上，明日太史奏客星犯御

座甚急。帝笑曰：朕故人嚴子陵共臥耳。拜諫議大夫，不受。去耕釣於富春山。在浙江嚴州府桐廬縣西，前臨大江，上有東西二釣臺。以壽終於家。太原今山西太原府周黨亦不屈，賜帛四十匹罷之。帝才明勇

略，芟刈羣雄，能紹前業。曰：光克定禍亂，曰：武手不持金玉之玩，耳不聽鄭衛之音。海

四九

內既定。帝思保全功臣。不以吏職為過。遂皆罷其兵權。以列侯就第。乃進文吏講論儒書。夜分乃寐。皇太子見帝勤勞不怠。乘間諫曰。陛下有禹湯之明。而失黃老養性之福。願頤養精神。優游自寧。帝曰。我自樂此。不為疲也。即位以來。明慎政體。總攬權綱。量時度力。舉無過事。興太學。脩禮樂。西域十八國遣子入侍。匈奴款塞內附。東漢循吏儒學節士之盛。風俗之美。用以垂二百年之基。實帝有以致之。在位三十三年。崩。壽六十三歲。太子莊立。是為明帝。

明帝即位。以鄧禹為太傅。

東平 山東兗州府東平州

王蒼。

帝母弟

為驃騎將軍。蒼好經書。寬博有謀。

為人美鬚髯。腰帶十圍。帝甚愛重之。在朝數載。多所隆益。自以至親輔政。聲望日重。意不自安。上疏歸職。帝不聽。後數陳乞。辭甚懇切。乃許還國。十一年入朝。還。帝臨送。

歸宮。悽然懷思。乃手詔國中傅曰。日者問東平王處家何等最樂。王言為善最樂。其言甚大。副是腰腹矣。前後賜蒼錢帛累巨萬。蒼以富而好禮。得全始終。帝遵奉建武。

光武制度。無所變更。后妃之家。不得封侯與政。館陶山東館陶縣公主光武第二女陰后所生尚梁松為子求郎。不許。賜錢十萬。曰。郎官上應列宿。出宰百里。苟非其人。民受其殃。嘗大起北宮。聽

鍾離複姓意疏而止。將校獵河內。納東平王諫而罷。崇尚儒學。臨辟雍天子學宮行大射。養

老之禮。大射之禮。天子將祭。射宮擇士以助祭也。樂章有騶虞。麋首采蘋。繁采之別。以李躬為三老。桓榮為五更。音耕。禮文王世子始之。養也。設三老五更

之席位。鄭注。天子始立學而養老。乃設老者之席位。三老五更各一人。羣老無定數。三老知天地人之事者。五更知五行更代者。諸儒執經問難。冠帶雜選。圍音旋。圍繞

也。橋門而觀聽者億萬計。辟雍四門外皆有橋觀者。在水外。故曰圍橋門。賜桓榮爵關內侯。上為太子受尚書於

桓榮。及即位。猶尊榮以師禮。榮卒。以榮子郁為侍中。自皇太子諸王侯。及大臣子弟。

功臣子孫。莫不受經。又為外戚諸子立學於南宮。在洛陽縣東北下至期門羽林之士。俱軍士悉

令通孝經章句。匈奴亦遣子入學。東巡至魯。詣孔子宅祠孔子。及七十二弟子。親御

講堂。命皇太子諸王說經。皇后馬氏援之女也。初為貴人。能奉承陰太后。傍接同列。

禮則脩備。上下安之。時賈貴人生太子烜。音且帝以后無子。命養之。謂曰。人未必當自

生子。但患愛養不至耳。后於是盡心撫育。過於所生。太子亦孝性純篤。母子慈愛。始

終無纖介之間。尋以皇太后命。正位官闈。愈自謙肅。好讀書。常衣大練。熟絲。緇也。裙不加

緣。以絹切。飾也。朔望諸姬主主公朝謁。以為綺縠。就視乃笑。帝思中興功臣。圖二十八將於南

馮異王霸朱祐任光祭遵李忠景丹萬脩蓋延邳彤音容姚期劉植耿純臧宮馬武劉

隆。又益以王常李通竇融卓茂合三十二人。馬援以椒房之親不與焉。當光武時。匈

奴勢衰。分爲南北。南匈奴內附。北匈奴亦求和親。及帝卽位。患其交通。置度遼營。屯

朔方五原之邊縣。尋命竇固伐北匈奴。取伊吾盧地。今新疆哈密廳固遣班超使西域。至鄯

善。即前樓蘭其王禮之甚備。忽疎懈。超謂其官屬曰。此必虜使來。狐疑未知所從。故也。乃

會吏士三十六人。曰不入虎穴。焉得虎子。夜奔匈奴營。斬其使。以虜首示鄯善王廣。

廣叩頭。願屬漢。納子爲質。時于竇王廣德。雄張南道。于竇雲南雲南府張去聲心自侈大也匈奴遣使監

護其國。固復使超使于竇。廣德素聞超在鄯善。誅滅虜使。大惶恐。卽殺匈奴使者而

降。先是捕虜將軍馬武。破燒當。遼東太守祭彤。破烏桓。至是雲中太守廉范。破北匈

奴。竇固耿秉等破車師。於是西域諸國。皆遣子入侍。白狼槃木等。皆西南夷遠國百餘國。皆

稱臣入貢。是時太和協暢。萬幾穆清。吏稱其官。民樂其業。遠近畏服。戶口滋殖。大有

年之書。非偶然也。然嘗以事怒郎藥崧。以杖撞之。崧走入牀下。帝怒甚。疾言曰。郎出。

崧曰。天子穆穆。諸侯皇皇。二句曲禮下篇之辭未聞人君。自起撞郎。乃赦之。帝聞西域有神。其名

曰佛。遣蔡愔音因或讀如諒闇之闇等至天竺卽身毒求其道。得佛經。及迦葉摩騰竺法蘭二僧還。

建白馬寺。其教以虛無為宗。貴慈悲不殺。其國所謂浮屠胡。其徒曰桑門。曰沙門。善

為宏闊勝大之言。以勸誘愚俗。於是中國始傳其術。圖其形像。而王公貴人好之者

獨楚王英光武第六子為最先。尋以謀逆自殺。論者惜帝歎弘人之度。開左道之門。君子

不能無憾焉。帝在位十八年崩。太子烜立。是為章帝。烜音恒

章帝即位。尊皇后為皇太后。封諸舅為列侯。尚書陳寵以帝新即位。宜改前世苛俗。

乃上疏曰。臣聞先王之政。賞不僭。刑不濫。與其不得已。寧僭無濫。往者斷獄嚴明。所

以威懲姦慝。姦慝既平。必宜濟之以寬。夫為政猶張琴瑟。大絃急者小絃絕。陛下宜

隆先王之道。滌蕩煩苛之法。以濟羣生。帝深納之。宣帝嘗詔諸儒講五經於石渠閣。

在未央殿北以藏秘書帝修其故事。親稱制臨決。作白虎觀議奏。今白虎通是丁鴻樓望成封桓郁班

固賈逵。及廣平王羨皆與焉。以比年牛疫。墾田減少。穀價頗貴。人以流亡。乃詔勸農。

宏勞來。又令郡國募人無田欲徙他界者。聽所至賜公田。給田器。勿收租五歲。又以

上林池藥田賦與貧人。藥禁苑也折竹貫繩以止往來詔公卿朝臣議貢舉法。大鴻臚韋彪韋賢曾孫曰。夫

國以簡賢為務。賢以孝行為首。是以求忠臣必於孝子之門。忠孝之人。持心近厚。鍛

鍊之吏。持心近薄。帝納其言。詔戒俗吏矯飾者。曰俗吏矯飾外貌。似是而非。朕甚厭

之苦之。安靜之吏。惴惴音惴無華。謂不事文采也。又詔諸懷妊者。賜胎養穀。人三斛。嬰兒無父

母親屬。及有子不能養食者。廩給如律。又詔方春生養萬物。芟甲前漢書音義曰芟葉裏白皮也易曰百果皆甲

坼宜助萌陽。以育時物。其令有司罪非殊死。且勿案驗。立秋如故。帝為太子受書於

汝南河南汝南府張酺音蒲。時酺為東郡山東東昌府太守。帝東巡。先備弟子儀。使酺講尚書一篇。

然後脩君臣之禮。至魯今山東兗州府。祠孔子於闕里。及七十二弟子。賜諸孔男女帛。初廬

江今江南廬江縣毛義。東平今兗州府東平州鄭均。皆以行義稱於鄉里。南陽張奉慕義名。往候之。府

檄適至。以守安陽陝西漢中府漢陰縣。令義捧檄而入。喜動顏色。奉心賤之。辭去。後義母死。徵辟

朝廷召曰徵。郡國舉曰辟。皆不至。奉乃歎曰。賢者固不可測。往日之喜。乃為親屈也。帝下詔褒寵義

均。各賜米千斛。至是東巡。幸均舍。賜尚書祿終其身。時人號為白衣尚書。成都四川成都

府。民物豐阜。邑宇逼側。舊制禁民夜作。以防火災。廉范為蜀郡太守。毀削先令。但嚴

使儲水而已。百姓以為便。歌之曰。廉叔度范來何暮。不禁火。民安作。昔無襦音如。今五

袴。明帝末西域諸國多降服。置都護以鎮之。惟焉耆今新疆焉耆府龜茲今新疆庫車府屬匈奴。乘中

國大喪。攻沒都護陳睦。時班超屯疏勒。西域帝恐超單危。徵超還。疏勒都尉黎弇恐

超去。復為龜茲所滅。以刀自剄。超還至于賓。王侯以下皆號泣。曰：「依漢使如父母。互

抱馬脚不得行。」超乃更還疏勒。疏勒自超去後。復降龜茲。而與尉頭連兵。尉頭國去長安八千六百

五十超捕斬反者。擊破尉頭。殺六百餘人。疏勒復安。復攻破姑墨石城。斬首七百級。

超欲因此回平諸國。巨猶遂也乃上疏請兵。畧謂欲乘西域歸附諸國。并力破滅龜茲。中

通漢道。若得龜茲。則西域未服者。百分之一耳。臣孤守疏勒。於今五載。胡夷情數。臣

頗識之。皆言倚漢與依天等。臣奉大漢之威。鉛刀豈無一割之用。書奏。帝知其功可

成。以徐幹亦上疏願奮身佐超。遂使幹將兵千人就超。超乃與幹攻降莎車月氏諸

國。殺獲無算。威震西域。龜茲姑墨溫宿皆降。捷奏。以超為都護。徐幹為長史。尋廢龜

茲王尤利多。斬焉耆王廣。尉犁王汎。傳首京師。更立他王。於是西域五十餘國。皆納

質內屬。詔封超定遠侯。初超家貧。常為官傭書。既而投筆歎曰：「大丈夫無他志略。猶

當效傅介子張騫。立功異域。以取封侯。安能久事筆研間乎。」傅介子元帝時使西域刺殺樓蘭王封義陽侯張騫武帝

時鑿空開西城封博望侯有相者相之曰燕頷虎頸飛而食肉此萬里侯相也超在西域三十一年

和帝時請老不許妹昭同郡曹壽妻亦為上書帝感其言乃徵超還以任尙代之尙
嚴急失邊和遂棄西域不復置都護初宋貴人生太子慶寶后以梁貴人子肇為子

梁竦二女皆為貴人謀陷宋氏乃廢慶立肇梁氏以肇立私相慶后忌之諸寶作飛書陷竦死獄

中兩貴人皆憂死是時寶氏貴盛后兄憲奪明帝公主園田主不敢計後帝出過園
始發覺大怒召憲切責曰國家棄憲如孤雛腐鼠耳后為毀服深謝良久乃得解使

以田還主然東漢自光武至帝稱極盛焉在位十三年崩太子肇立是為和帝

和帝即位年十歲竇太后臨朝兄憲以侍中內幹音管說同機密出宣詔命弟篤景瓌音灰

皆在親要崔駰以書戒憲曰外戚所以獲譏於時垂愆於後者蓋在滿而不挹位有

餘而仁不足漢興外家二十保族全身四人而已憲猶不改時都鄉故城在順天府涿州侯暢

齊瘍王石之子石武王續孫來弔國憂太后數召見憲懼暢分宮省之權遣客刺殺暢於屯衛之中

而歸罪於暢弟剛尙書韓稜以為賊在京師不宜捨近問遠恐為姦臣所笑何敞請

獨奏案之於是推舉具得事實憲懼因求擊匈奴以贖罪太后許之公卿詣朝堂上

書諫。以爲匈奴不犯邊塞。時北匈奴衰耗前年帥五十八部來降無故勞師損費。微功萬里。非社稷之計。

不報。尚書鄧壽因朝會。譏憲等伐匈奴。起第宅。太后爲篤景起邸第何敞諫不聽憲怒。下壽獄自殺。憲

之伐北匈奴也。太后使執金吾應邵曰吾禦也掌執金革以禦非常顏師古曰金吾鳥名主辟不祥天子出行職主先導故執此鳥之象因以名官耿秉

爲副。出朔方甘肅寧夏府塞。與北單于戰於稽落山。匈奴中山在燕然山南唐置稽落州今漠北大破之。斬獲甚衆。

降二十餘萬人。出塞二千里。登燕然山。命中護軍班固刻石勒功。紀漢威德而還。以

憲爲大將軍。明年憲以北匈奴微弱。遣耿夔秉弟又破之於金微山。在漠北五千餘里於是憲益

專恣。廷臣至議欲拜之。伏稱萬歲。尚書韓稜曰。上交不諂。下交不黷。禮無人臣稱歲

之制。議者皆慙而止。旣而竇氏謀逆。時帝年十四知之。以鈎盾宦者令鄭衆。謹敏有

心機。不事豪黨。遂與定議誅憲。與弟篤。景皆自殺。宗族賓客免歸故郡。封衆爲鄭鄉

河南新野縣侯。宦者封侯自此始。論者以爲拒虎進狼。然自是躬攬朝權。以陳寵數議疑

獄。每附經典。務從寬恕。命爲廷尉。初魯恭爲中牟令。專以德化爲理。不任刑罰。時郡

國蝗傷稼。獨不入中牟。河南尹袁安使掾往驗。恭隨行阡陌。有雉飛止。傍有兒童。掾

曰。兒何不捕雉。兒曰。雉方雛。掾曰。蟲不入境。一異也。化及鳥獸。二異也。童子有仁心。

三異也。還以白安。安因上書言狀。帝異之。尋以恭為司徒。幸東觀。召見諸儒說經。從徐防疏。太學試博士弟子。依先師義。勿取穿鑿。除田租山澤稅。詔邊郡舉孝廉。詔曰。幽并涼州戶口率少。進仕路狹。令口十萬。歲舉孝廉一人。不滿十萬。二歲一人。嶺南舊貢生龍眼荔枝。唐羌諫曰。臣聞上不以滋味為德。下不以貢獻為功。詔大官勿受獻。嘗幸章陵。祠舊宅。祠園廟。會宗室於舊廬。勞賜作樂。臨漢水欲幸江陵。時太尉張禹。此安鄉侯張禹非元帝時安昌侯張禹留守。驛馬上諫。詔報曰。祠謁既訖。當南禮大江。今得君奏。臨漢

回輿及還。禹特蒙賞賜。帝遵肅宗故事。兄弟皆留京師。有司以日食陰盛。奏遣諸王就國。詔曰。甲子之異。責由一人。諸王幼稚。早離顧復。常有蓼莪。小雅詩篇凱風。邶風詩篇之哀。

且復留宿。皆去聲。猶言侍也。以陰陽不和。水旱違度。詔舉賢良方正。能直言極諫之士。昭巖穴。披幽隱。遣詣公車。署名掌詣闕上書者。並所徵召者。又以京師旱。詔除半刑。幸洛陽寺錄囚徒。舉冤獄。

收洛陽令下獄。司隸校尉河南尹皆左降。未及還宮而雨。立鄧貴人為皇后。后鄧禹女。孝友好書。入宮恭肅小心。動有法度。及為后却郡國貢獻。但令供紙墨而已。初章帝欲封諸舅。馬太后曰。常觀富貴之家。祿位重疊。猶再實之木。其根必傷。至孝之行。

安親爲上。吾但當含飴弄孫。不能復關政矣。後有司復請。帝以天下豐稔。四方無事。從之。太后聞之。曰。吾雖已老。猶戒之在得。故日夜惕厲。思自降損。何意老志不從。萬年之日長恨矣。至是帝欲官爵鄧氏。后輒哀請謙讓。故后兄隲。終帝世不過中郎將。論者以爲有明德。馬太后徽號之風焉。是時班超定西域五十餘國。西至海瀕四萬里。皆重譯貢獻。每有災異。輒延問公卿。極言得失。前後符瑞八十一所。自稱德薄。皆抑而不宣。迹其所施。蓋亦慈儉之君也。天不永年。惜哉。在位十七年。壽二十七歲崩。天子勝有痼疾。少子隆始生百餘日。皇后命立爲太子。卽位。是爲殤帝。尊皇后爲皇太后。在位八月而崩。太后迎清河王。章帝子慶和帝兄子祐入卽位。是爲安帝。

帝時十三歲。鄧太后臨朝。封兄隲及弟悝弘閭。皆爲列侯。隲辭不獲。上疏至五六。乃許。時諸羌擾涼州。今甘肅隲議棄之。郎中虞詡以爲烈士武臣。多出涼州。羌胡不敢入。

據三輔。京兆扶風馮翊者。以涼州在後故。言於太尉張禹。禹集四府。太師太傅司徒司空皆從詡議。涼州

遂不棄。隲以前議惡詡。欲中以法。會朝歌。河南衛輝府賊攻殺長吏。乃以詡爲朝歌長。故

舊皆弔之。詡笑曰。不遇盤根錯節。無以別利器。此乃吾立功之秋也。及到官。募壯士

及貧人能縫者。潛遣入賊中。備作賊衣。以采線縫其裾。誘令劫掠。伏兵殺數百人。有

出市里者。吏輒禽之。賊駭散。鄧太后聞其有將略。以為武都甘肅鞏昌府階州太守。羌眾數千

遮詡於陳倉陝西鳳翔府寶雞縣峭谷河南河南府永寧縣北即峭山也。詡即停車不進。而宣言上書請兵。須到當

發。羌聞之。乃分鈔略也。傍縣。詡因其兵散。日夜進道兼行百餘里。令吏士各作兩竈。日

增倍之。羌不敢逼。或問曰。孫臏滅竈孫臏伐魏曰善戰者因其勢而利導之乃吏齊軍入魏地為十萬竈明日為五萬竈又明日為二萬竈魏將龐涓喜曰我

固知齊軍怯入吾地三日士卒亡過半矣孫子度其暮當至馬陵在直隸大名府東南乃斫大樹白而書之曰龐涓死此樹下涓果夜至早白書以火燭之讀未畢萬弩俱發魏師大亂涓乃自刎曰遂成豎子之名

而君增之。何也。詡曰。孫臏見弱。吾今示強。勢有不同。故也。既到郡。兵不滿三千。而

羌眾萬餘。詡乃悉陳兵眾。令從東郭門出。北郭門入。貿易衣服。回轉數周。羌不知其

數。更相恐動。詡計賊當退。乃設伏大破之。視事三年。人足家給。一郡遂安。宏農河南

府靈寶縣楊震。孤貧好學。通達博覽。諸儒為之語曰。關西夫子楊伯起。震字隲聞而辟之。累

遷荊州湖廣荊州府刺史。東萊山東萊州府太守。當之郡。道經昌邑山東兗州府金鄉縣。故所舉荊州茂才王

密為令。夜懷金遺去。震曰。故人知君。君不知故人。何也。密曰。暮夜無知者。震曰。天

知地知我。知子知。何謂無知者。密愧而出。子孫常疏食步行。故舊或勸開產業。震曰。

知地知我。知子知。何謂無知者。密愧而出。子孫常疏食步行。故舊或勸開產業。震曰。

使後世稱為清白吏子孫。以此遺之。不亦厚乎。時隲為大將軍。頗能推進賢士。薦震及何熙。李郃。陳禪等。皆有聲望。天下稱之。帝少聰敏。長多不德。乳母王聖見太后久不歸政。慮有廢置。常與中黃門李閏伺候左右。及太后崩。臨朝十五年帝年已二十七。宮

人先有受罰者。挾怨誣告隲弟。惺弘。閻謀廢立。帝怒。隲姪廣宗等皆自殺。是年封隲

為上蔡侯。河南汝甯府上蔡縣侯。至是徙封為羅侯。湖南長沙府湘陰縣侯。遣就國。隲與子鳳皆不食死。帝以耿

貴人。帝母耿姬兄寶。監羽林車騎。宿衛之士宋氏。宋貴人兄子封侯為卿校侍中者十餘人。閻后初為

貴人。鄧弘妻之同產也。故立為后。兄弟顯景耀並典禁兵。宦者江京李閏皆封列侯。

與中常侍樊豐劉安陳達。及乳母王聖。聖女伯榮。扇動內外。競為侈虐。出入宮掖。傳

通姦賄。司徒楊震上疏請出阿母。令居外舍。斷絕伯榮。莫使往來。帝以示聖等。內倖

皆懷恚忿。會趙騰上書指陳得失。帝怒欲誅騰。震救之。帝不聽。竟殺之。及帝東巡。豐

等共譖震云。自趙騰死後。深懷怨懟。且鄧氏故吏。有恚恨心。帝然之。及還京師。未入

宮。即遣使者策收太尉震。去平為太尉印綬。遣歸故郡。至城西夕陽亭。乃慷慨謂諸子門

人曰。死者士之常分。吾蒙恩居上司。瘞姦臣狡猾。而不能誅。惡嬖女傾亂。而不能禁。

何面目復見日月。因飲酖卒。初震不答州郡禮命。教授二十餘年。有冠雀銜三鱸魚。

飛集講堂前。

冠音貫。卽鶴雀鱸音。善韓子云鱸似蛇。

都講取魚進。曰蛇鱸者卿大夫服之象也。數三者法

三台也。先生自此升矣。年五十乃始仕州郡。鄧隲聞其賢而辟之。果位至三公。明年

帝崩。太子保立。年十一歲。是為順帝。

初安帝貴人李氏生皇子保。閹后性妬忌。鳩

去聲。鳩毒鳥。以毛漚酒。曰酖。酒飲之殺人。

殺李氏。尋立保為皇

太子。王聖江京樊豐等與閹后讒太子。帝怒廢為濟陰

山東東昌府

王安帝崩。閹后自稱

皇太后。與弟閹顯迎濟北惠王壽子懿為嗣。是年懿卒。宦官孫程等擁立順帝。迎於

德陽殿西鐘下。

西廂下懸鐘之所。被廢居此。

誅閹顯等。遷太后於離宮。封宦官十九人為列侯。以楊

震二子為郎。贈錢百萬。以禮改葬。遠近畢至。有大鳥高丈餘。集震喪前。帝感震忠直。

復詔祠以中牢。帝初立。天下想望風采。黃瓊李固杜喬等相繼登用。及以后父梁商

為大將軍。商卒。子冀代之。縱暴自恣。姻族滿朝。帝遣張綱等分巡州郡。綱埋其車輪。

曰豺狼當道。安問狐狸。遂劾梁氏無君十五事。冀恨綱出為廣陵

江南揚州府

太守。時廣

陵賊張嬰寇亂。揚徐

江南二郡

間積十餘年。綱單車徑詣嬰壘門。諭以天子威德。嬰驚泣。

曰。愚民相聚偷生。若魚遊釜中。知不可久。今聞明府言。是嬰等更生之辰也。遂率所部萬餘人。與妻子面縛歸降。冀遏其功不賞。荊州盜起。彌年不定。以李固爲刺史。固郃之子也。少好學。郃爲司徒。固改姓名。杖策驅驢。負笈從師。不遠千里。每到太學。密入公府定省。不令同業諸生知爲郃子。至是到郡。遣吏問勞境內。赦寇盜。與之更始。於是自縛歸首。固奏南陽太守高賜等賊穢。賜等重賂梁冀。冀爲之千里移檄。而固持之愈急。冀遂徙固爲泰山山東濟南府泰安縣太守。時泰山盜賊屯聚歷年。固以恩信招誘。賊皆弭散。帝在位十九年崩。太子炳立。是爲冲帝。尊皇后梁氏爲皇太后。太后臨朝。以李固爲太尉。未幾帝崩。立章帝元孫繼。是爲質帝。帝時八歲。少而聰慧。嘗曰。此跋扈將軍也。冀惡之。使左右進毒餅以弑之。說太后策免李固。迎立蠡吾直隸保定府蠡縣侯志年十五。蠡吾侯翼子。章帝曾孫也。是爲桓帝。冀誣李固杜喬時代李固爲太尉謀廢立。皆下獄死。秉政十九年。專權凶恣。威行內外。帝呼小黃門史唐衡。問左右與外舍不相得者誰乎。衡對單超左悺徐璜貝瑗等。帝乃召超等定謀滅梁氏。故吏賓客免黜者三百餘人。朝廷爲空。百姓稱慶。超等五人皆封侯。天下大權遂歸宦官。初帝爲蠡吾侯。受

學於甘陵。直隸廣平府清河縣周福。及即位。擢福為尚書。同郡房植有名當朝。鄉人為之謠曰。天

下規矩。房伯武。植字因師獲印。周仲進。福字二家賓客互相譏揣。漸成尤隙。由是甘陵有

南北部黨人之議。自此始矣。汝南河南汝甯府太守宗資。以范滂為功曹。南陽河南南陽府太守

成瑨。以岑暉質字為功曹。皆委心聽任。使之褒善糾違。肅清朝府。二郡為之謠曰。汝南

太守范孟博。滂字南陽宗資。南陽人主畫諾。南陽太守岑公孝。宏字宏農成瑨。宏農人但坐嘯。太

學諸生三萬餘人。郭泰賈彪為之冠。與李膺陳蕃王暢音暢更相褒重。學中語曰。天下

模楷李元禮。膺字不畏彊禦。陳仲舉。蕃字天下俊秀。王叔茂。暢字於是中外承風。競以臧否

相尚。自公卿以下。莫不畏其貶議。屣履到門。言畏之甚宦官因誣指為部黨。逮捕二百餘

人下獄。陳蕃為太尉。不肯署名。上書極諫。帝策免之。明年尚書霍諝。城門校尉竇武。

並表為請。帝意稍解。乃皆赦歸田里。禁錮終身。然海內之士。皆尚其道。更相標榜。聲

名益高。帝在位二十一年崩。無子。竇后立章帝元孫解瀆享。直隸真定府饒陽縣侯宏。年十二歲。

是為靈帝。

三國紀

靈帝卽位。竇武陳蕃輔政。引李膺等列於朝廷。參政事。謀誅中常侍曹節王甫等。事泄。宦官誣以大逆。殺蕃武。復治鉤黨。殺膺等百餘人。其他罹禍者。又六七百人。郭泰私勸曰。人之云亡。邦國殄瘁。泰雖好臧否。而不爲危言激論。故處濁世而禍不及。初范滂等非訐朝政。公卿以下。皆屈節事之。申屠蟠獨歎曰。昔戰國處士橫議。列國之王。至爲擁彗先驅。卒有坑儒燒書之禍。乃絕迹於梁。河南歸德府 碭。音岩。今江南徐州碭山縣。 因樹爲屋。自同傭人。及難作。獨脫然無累。時宦官專橫。四海離叛。而帝方鬻獄賣官。列肆後宮。使諸采女販賣。帝著商賈服。從之宴飲爲樂。笑桓帝不能作家無私錢。問侍中楊奇。震會孫 曰。朕何如桓帝。對曰。陛下之於桓帝。亦如虞舜比德唐堯。帝不悅。曰。卿強項。真楊震子孫。死後必復致大鳥矣。是時雌雞化爲雄。青蛇見御座。青虹見玉堂。黑氣墮溫德殿。由是鉅鹿。見上 張角張寶張梁。假妖術作亂。天下響應。京師震動。帝召羣臣會議。皇甫嵩呂強。宦者 請解黨禁。帝從之。大赦黨人。誅徙之家。皆歸故郡。時賊以中常侍封譚徐奉等爲內應。帝常言張常侍。讓張 是我公。趙常侍。趙忠 是我母。由是宦官無所忌憚。獨呂強清忠奉公。帝以強爲都鄉。故城在順天府涿州 侯。固辭不受。因上疏諫封曹節王甫

張讓等宦官共疾之。乃譖以與黨人共議朝政。帝使中黃門持兵召強。強怒曰。大丈

夫盡忠國家。豈能對獄吏乎。遂自殺。及皇甫嵩朱雋討平諸賊。張讓等十三人皆封

列侯。帝在位二十二年崩。皇子辯立。年十四。封弟協為陳留。開封府王。何太后臨朝。

兄何進為大將軍。與袁紹字本初 安元孫謀誅宦官。召董卓於河東。山西平陽 蒲州諸府主簿陳琳。濟南

山東濟南府相曹操諫不聽。操少機警有權數。汝南許劭好品題人物。號月旦評。操問曰。

我何如人。劭曰。子治世之能臣。亂世之奸雄。操大喜。卓聞召。即時就道。上書請誅讓

等。讓等知進謀。伏兵殺進。劫太后少帝陳留王出穀門。洛陽城門惟盧植閱貢追至。讓等

投河死。袁紹勒兵捕宦官盡殺之。卓至擅政。謀廢立。袁紹不從。出奔冀州。今直隸卓遂

廢辯立協。是為獻帝。初何后生辯。養於道人史子助家。號史侯。王美人生協。何后妬

殺美人董太后。靈帝母自養之。號董侯。卓廢辯為宏農王。弑何太后。與三公上書。追禮

陳蕃竇武。及諸黨人。悉復爵位。遣使弔祠。擢用子孫。以袁氏樹恩四世。門生故吏徧

天下。恐其聚眾為患。乃以紹為渤海太守。紹遂就渤海起兵。與冀州牧韓馥。豫州刺

史孔伷。音胃 兗州刺史劉岱。陳留太守張邈。廣陵江南揚州府太守張超。遼弟河內河南懷慶府河內縣太守

王匡。東郡太守橋瑁。濟北相鮑信。及其從弟山陽山東兗州府太守袁遺。後將軍袁術。驍

騎校尉曹操。衆各數萬。舉義討卓。衆推紹爲盟主。卓乃殺紹叔父隗。及宗族在京者。

欲遷都避之。城門校尉伍瓊。尙書周忠。諫被殺。太尉黃琬。司徒楊彪。皆以諫免。以王

允爲司徒。燒洛陽宮殿。發諸陵。劫帝遷長安。自留軍屯畢音圭苑。靈帝起。長沙太守孫

堅。獨進兵擊卓。卓敗。引兵西走。堅入洛陽。脩塞諸陵。還軍魯陽。河南南陽府裕州袁紹之討卓

也。使韓馥留鄴。河南彰德府臨漳縣給軍糧。馥以豪傑多歸心紹者。忌其得衆。每貶節軍食。欲其

離散。紹怒逐馥。馥走依張邈。紹自領冀州牧。尋與術有隙。紹結好劉表。荊州刺史術結好

孫堅。堅擊卓未返。紹遣周昂。九江太守襲奪堅陽城。江南宿州術遣公孫瓚。薊州刺史弟越。助堅攻昂。

越中流矢死。瓚怒。攻紹於磬河。滄州樂陵縣東南初涿郡順天府涿州劉備。中山靖王名勝景帝第八子之後

也。少孤貧。與母販履爲業。有大志。少言語。喜怒不形於色。與公孫瓚同師盧植。嘗遇

中山大商張世平。蘇雙等。資助多金。得募兵千餘人。從討黃巾董卓。以關東諸將離

異。因往依瓚。瓚使其將田楷屯青州。山東青州府拒紹。數有戰功。遷平原山東濟南府相。備少

與河東山西平陽府關羽。涿郡張飛友善。以羽飛爲別部司馬。分統部曲。備與二人寢則

同牀。恩若兄弟。稠人廣坐。侍立終日。隨備周旋。不避艱險。常山直隸真定府趙雲。將兵詣

瓚。備見而奇之。深加接納。雲遂從備至平原。為主騎兵。飛雄壯威猛。亞於關羽。魏程

昱等。咸稱羽飛為萬人敵。羽善待卒伍。而驕於士大夫。飛愛敬君子。而不恤軍人。備

常戒之。飛不悛。後為帳下張達。范疆所害。雲與黃忠馬超騰子皆強擊善戰。後俱為

蜀將。董卓之敗。還長安也。遣校尉李傕郭汜汜音覺張濟。擊朱雋於中牟。開封府中牟縣遂掠

潁川。開封府許州初荀淑有孫曰彧。音郁少有才名。何顥見而異之。曰王佐才也。及天下亂。彧

以潁川四戰之地。宜急避之。鄉人多懷土不能去。彧獨率宗族去。從曹操。操與語大

悅。曰吾子房也。及傕汜掠潁川。留者多為所殺。司徒王允與司隸校尉黃琬。僕射士

孫瑞。謀誅董卓。中郎將呂布。卓養子也。便弓馬。膂力過人。嘗小失卓意。卓拔手戟擲

布。布拳捷避之。允素善待布。布見允言狀。允因以誅卓之謀告之。使為內應。布曰如

父子何。曰君自姓呂。本非骨肉。擲戟之時。豈有父子情耶。布遂許之。俟卓入朝。使衛

士以戟刺之。卓傷臂墮車。大呼呂布何在。布曰有詔討賊臣。應聲持矛刺卓。出懷中

詔曰。詔討卓耳。餘皆不問。吏士皆稱萬歲。暴卓屍於市。卓素充肥。守吏為大炷置臍

中然之。光明達曙。如是積日。時黃巾寇兗州。殺刺史劉岱。曹操擊降之。得卒三十餘萬。收其精銳。號青州兵。李傕郭汜自潁川還。遣使求救不得。乃相與結盟。隨道收兵。合十餘萬。圍長安。以爲卓報讎爲名。王允下城見之。爲所殺。並殺黃琬。呂布奔南陽。袁術待之甚厚。術尋爲曹操所破。走壽春。江南鳳陽府壽州自領揚州事。是年秋。操攻陶謙於徐州。劉備救謙。謙表備爲豫州刺史。謙卒。備兼領徐州。先是袁術使孫堅擊劉表。表軍射殺堅。堅妻吳氏生四男。策權翊匡。及一女。策年十餘歲。已交結知名。舒江南廬州府舒城縣人周瑜與策同年。亦英達夙成。兩相契好。及堅死。策年十七。結納豪俊。有復讎之志。往見袁術。術甚奇之。以堅部曲千餘人還策。拜懷義校尉。遂破王朗。劉繇。嚴白虎等。平定江東。自領會稽太守。催汜始相結。繼相攻。催協帝幸其營。焚宮室。張濟和催汜奉帝東歸。尋濟復反。與催汜合兵追乘輿。楊奉韓暹復奉帝還雒陽。時宮室燒盡。百官披荆棘。依牆壁間。韓暹矜功專恣。董承患之。因潛召曹操。操乃將兵入朝。遷帝於許。自爲大將軍。封武平。河南歸德府鹿邑縣侯。始立宗廟社稷於許。自是政歸曹氏。天子守位而已。帝乃賜董承衣帶中密詔。與劉備謀誅操。時備在許。操從容謂備曰。今天下英雄。

惟使君與操耳。備方食，失匕箸，值雷震，因曰：聖人云，迅雷風烈必變，良有以也。及備在徐州，承謀泄被殺，操曰：劉備人傑也，今不擊，必為後患，乃遣劉岱擊之，不克。備曰：使汝百人來，無如我何。曹公自來，未可知耳。劉岱有二，此操長史。尋操自擊備，田豐請袁紹襲許。

紹辭以子疾，豐舉杖擊地曰：嗟乎！遭難遇之時，而以嬰兒病失其會，惜哉！事去矣。備

敗奔紹，適汝南。河南汝南府黃巾劉辟、龔都等叛，操應紹，紹使備與辟等略許，復為操擊。

敗，乃奔荊州。劉表待以上賓之禮，益其兵，使屯新野。河南南陽府新野縣備在荊州。湖北荊州府數年，

嘗於表坐起至廁，慨然流涕，表怪問，備曰：平常身不離鞍，髀肉皆消，今不復騎，髀裏

肉生，日月如流，老將至矣，而功業不建，是以悲耳。當操攻袁，劉時孫策欲乘虛襲許，

會出獵為吳郡太守許貢。策前殺貢客伏篋竹中射傷遂卒，弟權領其眾。又二年，袁紹亦

卒，子譚尚爭立，操滅之，并其地。劉備訪士於襄陽。湖北襄陽府司馬徽曰：識時務者在

乎俊傑，此間自有伏龍鳳雛，由是知瑯琊。今山東諸城縣人諸葛亮居隆中。山名，今湖北襄陽府西北自比

管樂，三顧其廬，見而問策，亮曰：曹操挾天子而令諸侯，不可與爭鋒，孫權據有江東，

國險而民附，此可與為援，荊州用武之國，益州險塞，沃野千里，將軍跨而有之，霸業

可成。漢室可興矣。備大悅。曰：孤有孔明，猶魚有水也。會曹操下荊州，劉表卒，子琮舉

州降，不使備知之。或勸備攻琮，備曰：劉荊州臨亡，託我孤遺，背信自濟，死何面目相

見乎？將其衆過襄陽，呼琮，琮懼不能起。琮左右及荊州人多歸備。比到當陽，湖北當陽縣

衆十餘萬，輜重數千兩，日行十餘里。別遣關羽乘船會江陵，荊州府江陵縣或謂備宜速行

保江陵。備曰：夫濟大事必以人爲本，今人歸吾，何忍棄去？操將精兵急追之，及於當

陽之長坂。在當陽縣北備與諸葛亮、張飛、趙雲等數十騎走，雲抱備子禪，會關羽船到，劉

琦表長子亦率水軍萬餘人迎往夏口。武昌府荆江之中操乘勝東下，魯肅勸孫權結備，備遂與

權合兵，大破之於赤壁。山名，今湖北嘉魚縣據有荊州，用龐統亮號伏龍，字孔明，統號鳳雛，字士元計，取益州，旋定漢

中。今陝西漢中府操未東下時，已滅呂布、袁術、袁紹，及敗於赤壁，尋又擊孫權於須

濡。今安徽廬州府巢縣權禦之，操見其舟船器仗軍伍整齊，歎曰：生子當如孫仲謀。權字如劉景升

表兒子劉琦劉琮，豚犬耳。因徹軍還，自是稱魏王，加九錫，旋弑董妃伏后，及皇子，帝亦自

言不知命在何時。後孫權害關羽，與備貳，上書臣於操，稱說天命，操以示羣臣，皆曰：

漢祚已終，殿下宜正大位。操曰：若天命在吾，吾爲周文王乎。未幾卒，子丕嗣，迫帝禪

位。廢為山陽故城在懷慶府脩武縣公。東漢亡。

右東漢十二帝一百九十六年合兩漢共四百有二年

曹丕篡位。蜀中傳言帝已遇害。於是漢中王發喪制服。諡曰孝愍皇帝。羣下競勸王稱尊號。遂即位於武擔山名任四川成都府北之南。是為昭烈皇帝。

帝以諸葛亮為丞相。立夫人吳氏懿妹為皇后。子禪為皇太子。初孫劉和好。權以妹妻

帝。尋周瑜卒。魯肅代領其軍。勸權以曹操尚在。宜撫輯關羽。與之同仇。肅卒。呂蒙代

之。勸權襲羽。時羽攻襄陽。曹仁守郡威震中原。操議遷都避之。權為牋與操請討羽自効。

蒙使白衣搖櫓作商賈服。晝夜兼行襲江陵。羽還救。遇害。權遂定荊州。呂蒙未及受

封卒。操由荊州還。至洛陽亦卒。帝深恥關羽之沒。將擊孫權。趙雲曰。國賊曹操。非孫

權也。今操雖斃。子丕篡位。當因衆心早圖關中。羣臣諫者甚衆。帝皆不聽。諸葛亮曰。

法孝直法正字時正己卒若在。必能制主上東行。蓋亮亦諫而不從也。帝親率諸軍東下。孫權

請和不許。乃遣陸遜督諸軍拒守。遣使降魏。魏封權為吳王。時蜀軍連營七百里。遜

以火攻破之於猇亭。荊州府宜都縣帝遁入白帝城。四川夔州府東病篤。以太子禪屬亮。並勅禪曰。

勿以惡小而爲之。勿以善小而不爲。帝崩。禪嗣位。年十七。封亮爲武鄉侯。會魏責吳

任子。吳不答。魏伐之。吳遣使來聘。亮乃與吳通好。初益州雲南雲南府非四川成都耆帥雍闓。殺太

守。又誘扇諸夷。亮以新遭大喪。撫而不討。務農殖穀。閉關息民。民安食足。而後用之。

遂南征。斬雍闓。生致夷酋孟獲。七擒七縱。以服其心。獲曰。公天威也。南人不復反矣。

遂平四郡。亮志復漢室。前後表請出師北伐。時魏主不卒。子叡立。亮進攻祁山。今甘肅西

和縣西北以馬謖違節制。敗還漢中。疏請自貶。前表告帝。以親賢臣。遠小人。後表有曰。漢

賊不兩立。王業不偏安。臣鞠躬盡瘁。死而後已。乃引兵圍陳倉。今陝西寶雞縣糧盡而還。魏

將王雙追亮。亮擊斬之。於是勸農講武。作木牛流馬。以運糧。拔魏武都。今甘肅鞏昌府階州陰平。

鞏昌府文縣是年孫權稱帝。蜀後主建興七年逾年亮又敗司馬懿於鹵城。鞏昌府西和縣斬其將張郃。懿輒

爲亮敗。畏蜀如虎。然亮以糧運不繼。屢出無大功。後主十二年。乃出軍五丈原。今陝西郿

縣西分兵屯田。與懿相持。懿不出。亮使遺以巾幗婦人之服。懿就問亮起居。對曰。諸

葛公罰二十以上。皆親覽。所噉食不至數升。未幾病卒。諡忠武。嘗推演兵法。作八陣

圖。懿按行其營壘。歎曰。天下奇才也。亮凡六出祁山。其爲政開誠布公。信賞必罰。刑

政雖峻。而無怨者。馬謖敗軍流涕斬之。而卹其後。廖立李平皆為亮所廢。及聞亮卒。

立垂泣曰。吾終為左袵矣。平亦發病死。時新喪元帥。遠近危悚。蔣琬為大將軍。錄尚

書事。費禕為尚書令。琬無戚容。無喜色。舉止如平日。眾望漸服。禕識悟過人。讀書不

忘。居尚書省。朝晡聽事。間接賓客。飲食博戲。盡人之歡。而事無廢闕。後主二十二年。

魏曹爽寇漢中。禕督諸軍救之。將行。光祿大夫來敏詣送別。求共圍碁。時羽檄交至。

人馬擐甲嚴駕已訖。禕與對戲。了無倦色。敏曰。聊觀試君耳。君信可人。必能辦賊。魏

軍果退走。亮之始伐魏也。天水即鞏昌府姜維詣亮降。亮美其膽智。使典軍事。維每欲大

舉伐魏。禕不從。曰。丞相猶不能定中夏。况吾等乎。不如保國治民。謹守社稷。無為微

倖。決成敗於一舉。時蔣琬死。禕代。及禕死。維代為大將軍。遂九伐中原。司馬昭謚死昭謚

次患之。鍾會勸伐蜀。乃遣與鄧艾分道進攻。姜維表遣張翼廖化督軍分護陽安關

四川成都府城東。及陰平陝西鞏昌府文縣橋頭。以防未然。後主信宦官黃皓。皓奏巫言敵終不自致。

事遂寢。會平行趣陽安。守將傅叡死之。維還戰敗走。退守劍閣。四川保甯府。艾自陰平行

無人之地七百里。至棉竹。四川德陽縣。諸葛瞻亮子及子尚力戰死之。後主請降。北地王諱主

子怒曰。若理窮力屈。便當君臣父子背城一戰。同死社稷。以見先帝。奈何降乎。哭於昭烈之廟。殺妻子而後自殺。維奉勅降會。欲搆成擾亂。復立蜀主。值艾矜功。會嫉之。維勸會反。襲艾父子。斬之。北來將士復殺會及維。禪舉家遷洛陽。魏封禪爲安樂公。他日與宴。爲作蜀技。旁人皆感愴。而禪喜笑自若。昭問禪曰。頗思蜀否。禪曰。此間樂不思蜀也。蜀漢共二帝。四十三年而亡。鍾鄧將伐蜀。或問參相國軍事。劉寔曰。鍾鄧其平蜀乎。寔曰。破蜀必矣。而皆不還。客問其故。寔笑而不答。初曹操察懿有狼顧相。又夢三馬同槽。謂不曰。懿非人臣。必預汝家事。丕不謂然。及懿事叡。屢立戰功。叡無子。封養子芳爲齊王。詢爲秦王。莫知其所由來。叡疾。召二王屬懿。別指齊王芳曰。此是也。君諦視之。勿誤。又教芳前抱懿項。芳時八歲。卽日立爲太子。叡卒。懿與曹爽受遺詔。立芳嗣位。爽擅朝權。懿詐稱疾。乘爽出外。與子師昭謀殺之。自爲丞相。懿死。師執政。廢芳。立高貴鄉公髦。叡弟東海定王霖子也。母邱儉起兵討師。不克。師卒。弟昭襲職。自封晉公。諸葛誕起兵討昭。亦敗死。髦憤威權日去。謂侍臣曰。司馬昭之心。路人所知。乃親率甲討昭。戰於南闕下。昭黨賈充。便成濟抽戈刺髦。殞於車下。昭召羣

臣會議。尚書僕射陳泰荀彧外孫顛甥曰。獨有斬賈充。少可以謝天下。昭曰。更思其次。泰曰。

泰言惟有進於此者。不知其次。昭乃歸獄成濟。夷三族。更立常道鄉順天府東安縣公奐。丕弟燕王

宇自進爵晉王。滅蜀二年卒。子炎嗣。廢奐為陳留王。遂篡魏。是為晉武帝。魏共五主。

四十六年而亡。

先是吳主權卒於蜀後主三十年。子亮立。時諸葛恪瑾子為太傅。民怨衆嫌。孫峻搆吳

主殺恪。衆表峻為丞相。峻驕矜淫暴。國人側目。逾二年卒。以從弟琳為大將軍。亮始

親政。琳表奏多見難問。數出中書視大帝孫權時舊事。問左右侍臣曰。先帝數有特制。

特有詔制今大將軍問事。但令我書可耶。嘗食生梅。使黃門至中藏去聲取蜜。蜜中有鼠矢。

召問藏吏曰。黃門從爾求蜜耶。吏曰。向求。實不敢與。黃門不服。亮令破鼠矢。矢中燥。

謂左右曰。若矢先在蜜中。中外俱濕。今外濕裏燥。必黃門所為也。詰之果服。左右驚

悚。在位六年。琳廢之為會稽浙江紹興府王。立瑯琊王休。權子休恐琳為變。因臘會誅之。休立

八年卒。兄子烏程浙江湖州府烏程縣侯皓立。時蜀魏俱亡。晉主有滅吳之志。使羊祜都督荊州

軍事。祜在軍常輕裘緩帶。身不被甲。綏懷遠近。甚得江漢之心。吳以陸抗遜子都督諸

軍與祜對境。使命常通。抗遺祜酒。祜飲之不疑。抗疾。祜與之成藥。抗亦服之。曰。豈有
酖人羊叔子哉。吳主荒淫侈酷。使術士筮取天下。對曰。吉。庚子歲。青蓋當入洛陽。吳

主喜。不脩德政。祜使龍驤將軍王濬。大作舟艦。木姊削下木片蔽江而下。吳建平荆州府太

守吾彥取以白吳主。曰。晉必有攻吳之計。宜增建平兵。以塞其衝。吳主不從。彥乃為

鐵鎖橫斷江路。及抗卒。祜乃疏請伐吳。尋祜亦卒。杜預代將。與益州刺史王濬。復相

繼表請。張華力贊之。晉主乃遣瑯琊王伷。及杜預。王濬。王渾等。分道伐吳。濬舟師過

三山。磯石在太平府繁昌縣渾遣信信音邀與論事。濬舉帆直指建業。即秣陵今江甯府報曰。風利不得泊

也。吳人於江積音迹水渚有石曰積要害處。並以鐵鎖橫截之。又作鐵錐長丈餘。暗置江中。濬作

大筏數十。方百餘步。縛草為人。披甲執杖。令善水者。以筏先行。遇鐵錐。錐輒著筏而

去。又作大炬長十餘丈。大數十圍。灌以麻油。在船前。遇鎖燃炬燒之。須臾融液斷絕。

船無所礙。孫歆懼曰。北來諸軍。乃飛渡江也。或勸杜預百年之寇。未可盡克。預曰。今

兵威已震。譬如破竹。數節之後。皆迎刃而解。無復著手處也。徑造建業。濬鼓譟直入

石頭。江甯府治西皓面縛輿櫬。縛手於背面向前輿共舉櫬空棺示將受死也降。吳丞相張悌督沈瑩諸葛翽等。渡江

迎戰。瑩止之。悌以坐待敵至。君臣俱降。無一人死難為辱。不聽。遂戰。大敗。靚勸悌去。悌垂淚曰。今日是我死日。常恐不得死所。今以身殉社稷。復何遁。與瑩皆死之。皓至洛陽。賜爵歸命侯。晉主臨軒大會。謂皓曰。朕設此座待卿久矣。皓曰。臣於南方亦設此座。以待陛下。賈充謂皓曰。聞君在南方。鑿人目。剝人面。此何等刑也。皓曰。人臣有弑其君。及姦回不忠者。則加此刑。充甚慙。吳稱帝共四世。五十二年而亡。按蜀亡二。年魏亡。魏亡十五年吳亡。自是三國皆歸司馬氏。晉遂一統天下。

西晉紀

晉武帝除漢魏宗室禁錮。錄用漢名臣子孫。懲魏孤立而亡。大封宗室。矯魏奢侈之弊。禁獻奇巧。程據獻雉頭裘。焚之殿前。據太醫令以雉頭毛織為裘。詔焚之。禁獻奇巧異服。祭牛青絲矧斷。代以青麻。初政亦可觀也。自平吳後。選吳伎妾五千人。又取公卿將吏良家女五千餘人入宮。恣羊車所之。至便宴寢。宮人競以竹葉插戶。鹽汁洒地。以引帝車。內耽遊宴之樂。外罷州郡之兵。知衛瓘女有五可。賈充女有五不可。初帝欲為太子娶衛瓘女。賈充妻郭槐。賈充女有五不可。衛公種賢而多子。美而長。白。賈氏種妒而少子。醜而短黑。而竟以賈女為太子妃。以啓五王之亂。又以匈奴

劉淵為左部帥。初曹操分南匈奴為五部處之內地淵博習經史。嘗謂吾恥隨陸。陸何無武。絳灌灌侯周勃

無文。於是兼學武事。猿臂善射。膂力過人。姿貌魁梧。為任子。猶言質子在洛陽。王渾荐之。

晉主召與語大悅。孔恂楊珧音姚曰。非我族類。其心必異。郭欽亦以徙戎之疏諫。皆不

聽。此五胡所以亂華。石馬所以應讖也。晉書魏明帝時柳谷口水涌寶石負圖有石馬七及犧牛之象按自司馬懿傳至愍帝計七代晉時又有牛繫馬後

之諸考之前史元帝之父為小吏牛氏與恭王妃夏侯氏通生元帝初懿因讖疑將牛金遂為二榼分貯酒召金侍飲自飲佳者以酖飲金金死後乃有妃事甚至賣官錢入私室。劉

毅字仲雄後安帝時劉毅小字蟠龍以為不如桓靈。何曾亦曰。主上開創大業。未聞經國遠猷。非詒厥

孫謀之道也。在位二十五年崩。太子衷立。是為惠帝。

惠帝愚騷。賈后悍妒。時楊駿為太傅。假黃鉞輔政。駿太后之父也。賈后不以婦道事

太后。又欲預政。而為駿所抑。后乃殺駿。及汝南王亮懿子楚王瑋炎子遂弒太后。誣太后與駿謀反廢

居金墉城。在河南府洛陽縣奪其侍御絕膳八日而卒殺太子遼。初武帝以才人謝玖賜太子。生遼。宮中嘗夜失火。

帝登樓望之。適年五歲。牽帝裾入閣中。曰。暮夜倉卒。宜備非常。不可令照見人主。帝

奇之。故知太子不才。恃適明慧。無廢立之志。及是后以其非己出。廢殺之。並殺謝淑

媛。即玖子於是趙王倫懿子勒兵入宮。廢賈后為庶人。尋弒之。賈后淫虐私太醫令程据等賈模諫不聽愛憤卒帝在華林園聞蝦蟆謂

七九

左右曰此鳴者為官乎為私乎時天下荒饑百姓餓死帝聞之曰何不食肉糜由是權在羣下政出多門關內侯索知靖天下將亂指洛陽宮門銅駝歎曰會見汝在荆棘中耳至是倫遣武帝弟攸子齊王問將百人排閣迎帝幸東堂召賈謐斬之廢后為庶人遷金墉城尋遣使齎命屑酒賜后死初賈郭后母郭槐家兩家恣橫貪賂南陽魯褒作錢神論譏之畧曰錢之為體有乾坤之象親之如兄字曰孔方無德而尊無勢而熱凡今之人惟錢而已孫秀勸倫交賈郭后大愛信之因求錄尚書事張華裴頠危上聲持不可及是斬華頠夷三族誅董猛孫慮程據等倫自為都督中外諸軍事秀為中書令倫素庸愚秀遂擅威權倫反受制秀嘗為小吏黃門郎潘岳屢撻之衛尉石崇有愛妾綠珠秀求之不與因譖崇岳于倫殺之綠珠墜樓死時詔復故太子適位號立適子臧為臨淮王今江南鳳陽府盱眙縣

自立遷帝於金墉城尊為太上皇殺太孫臧以孫秀為侍中中書監其餘黨與皆為

卿將奴卒亦加爵位每朝會貂蟬侍中中常侍冠也以貂尾為飾附蟬為文盈坐時人為之諺曰貂不足狗

尾續府庫之儲不足以供賜與應俟者多鑄印不給或以白版封之初武帝封子柬

為南陽今河南南陽府王瑋為楚今湖北荊州府王允為淮南今安徽鳳陽府王又為長沙今湖南長沙府王穎成都今四川

都王晏吳今江南蘇州府王熾即懷帝豫章今江西南昌府王演代今山西大同府王弟攸齊今山東東昌府王攸卒子問

嗣至是允討倫不克死問遣使告穎父及河間今直隸河間府河間縣王顥司馬孚之孫共舉兵討殺

倫迎帝復位問為大司馬驕奢擅權嬖寵用事張翰顧榮問辟翰為掾榮為主簿皆慮及禍翰因

秋風起思菰菜蓴音純羹鱸魚膾歎曰人生貴適志耳富貴何為即引去榮故酣飲不

省府事以廢職徙為中書侍郎潁川今河南許州處士庾袞聞問暮年不朝歎曰晋室卑

矣。禍亂將興。帥妻子逃於林慮。音閩今河南彰德府林慮山中。罔以顛前附趙王倫。恨之。顛長史李

舍因說顛曰。成都王顛至親。有大功。推讓還藩。甚得衆心。初討倫。顛乘勝濟河。事定。假節鉞。為大將軍。都督中外諸軍事。罔欲

奪顛兵權。又亦勸顛圖罔。盧志謂顛曰。兩雄不並立。宜因大妃微疾。求還定省。委重齊王。以收四海之心。巖從之。表稱罔功德。即辭歸鄴。今河南彰德府臨彰縣。由是士民之譽皆歸顛。齊王罔越

親專政。朝廷側目。今檄長沙王使討齊。齊王必誅長沙。吾因以為齊罪。而討之。去齊

立成都。除逼建親。以安社稷。大勳也。顛從之。檄又使討罔。罔衆大敗。執罔斬之。初。顛

用李含計。欲俟罔殺又而討之。廢帝立顛。以己為相。既而不如所謀。顛亦恃功驕奢。

百度廢弛。嫌又在內。不得逞其欲。又在朝廷事無巨細皆執鄴齊顛欲與顛共攻又。盧志諫曰。公委權

辭寵。時望美矣。今宜頓軍關外。文服入朝。此伯主之事也。參軍邵續諫曰。人有兄弟。

如左右手。今公欲當天下之敵。而先去其一手。可乎。顛皆不聽。與顛共表。又論功不

平。專擅朝政。以陸機字士衡為前鋒都督。督王粹。牽秀。石超苞之子等。軍二十餘萬。顛以張

方為都督。將兵七萬。同趨洛陽。諸將以機羈旅。頓居其右。皆不服。孫惠勸機讓都督

於粹。機曰。彼將謂吾首鼠兩端。本西漢灌夫傳。田蚡語。鼠出穴前却多不果。適以速禍。帝如十三里橋。又使皇

甫商將萬餘人。拒張方於宜陽。今河南宜陽縣方襲敗之。遂入京城。大掠。又奉帝與陸機戰於

建春門。洛陽上東門機軍大敗。初宦者孟玖有寵於穎。欲用其父為邯鄲令。右司馬雲字士龍

機弟也。固執不許。玖弟超為小督。未戰縱兵大掠。機錄其主者。超將鐵騎直入麾下。

奪之。顧謂機曰。貉奴貉音貊。荒服也。機吳郡人。貉奴賤之稱。能作督否。機司馬孫拯勸機殺之。機不能用。

及戰。超敗沒。玖疑為機所殺。至是譖於穎曰。彼有二心於長沙。牽秀等相與證之。穎

大怒。使秀將兵收機。機為牋辭穎。歎曰。華亭在江蘇松江府婁縣西鶴唳。可復聞乎。秀殺之。並殺

雲及拯。皆夷三族。穎夜逼洛陽。城中糧食日窘。又未嘗虧奉帝禮。士卒亦無離心。張

方以為洛陽未可克。欲還長安。東海王越晉宗室疏屬與方通謀。夜偕殿中諸將收父。方

炙殺之。先是賈后被弑。孫秀立其黨羊元之之女。羊氏為皇后。齊王問以帝子孫俱

盡。請立武帝孫清河。今山東東昌府恩縣王覃為皇太子。至是穎入京師。自為丞相。廢皇后太子。

尋還鄴。越召三公討穎。復皇后太子。檄四方兵。奉帝北征。徵前侍中稽紹。康子或謂王戎曰。昨於稠

人中見紹昂昂然若野鶴之在雞羣詣行在。天子行曰乘輿。止曰行在。侍中秦準謂紹曰。今往安危難測。卿有佳馬乎。紹

曰。臣子扈衛乘輿。死生以之。佳馬何為。穎遣石超拒戰。蕩陰。今河南彰德府湯陰縣王師敗績。帝

頗中三矢。百官侍御皆散。紹朝服登輦。以身衛帝。被殺。血濺帝衣。穎迎帝入鄴。左右

欲浣帝衣。帝曰：「稽侍中血勿浣也。」右衛將軍陳軫音軫上官己奉太子覃守洛陽。越還

東海。今江蘇淮安府海州孫惠勸越邀結藩方。同獎王室。于是幽州今直隸順天府都督王浚音州并兵音州西太

原刺史東瀛公騰越弟起兵討穎。兵至鄴。穎奉帝還洛陽。張方在洛久。剽掠殆竭。乃逼

帝西幸。並擁穎熾等趨長安。先是蕩陰之戰。顛屯軍於鄭今開封府鄭州為穎聲援。及雍州今陝

西西刺史劉沈起兵討顛。顛退入長安。顛黨張輔擊獲沈。顛斬之。表穎為皇太弟。自

為太宰雍州牧。至是迎帝於霸上。在西安府城東廢太弟穎。更立熾為皇太弟。東海中尉劉

洽以張方劫遷車駕。勸越討之。越傳檄山東。糾率義旅。迎天子還舊都。范陽今直隸順天府

王虓孝平聲及王浚等共推越為盟主。越虓發兵西。豫州今河南河南府刺史劉喬拒之。顛遣張

方助喬襲虓破之。鎮南將軍劉宏遺喬及越書。使解怨釋兵。同獎王室。皆不聽。又上

表曰：「自頃兵戈紛亂。搆於羣王。載籍以來。骨肉之禍。未有如今者也。萬一四夷乘虛

為變。此亦猛虎交鬥。自效於卞莊者也。謂宜速詔越等。令兩釋猜疑。各保分局。自今

有擅興兵馬者。天下共伐之。時顛方拒關東。倚喬為助。不納。宏督江漢威行南服。事或則曰某人之功如敗則曰老子

之罪。每有興發。手書守相。丁寧款密。人皆感悅。爭赴之。咸曰：「得劉公一紙書。賢於十部從事。」時宏為荆。既

而王浚破劉喬。殺喬子祐。東迎越。並遣其將祁弘。率鮮卑烏桓俱東胡在遼東者為越先驅。顓

懼。欲罷兵。張方自以罪重。恐為首誅不從。顓乃誘方帳下督。到輔使殺方。送首於越。

以請和。越不許。遣祁弘等帥鮮卑西迎車駕。宋胄等進逼洛陽。時穎據洛陽。乃西奔

長安。會弘破顓兵。入長安。奉帝東還。鮮卑大掠長安。百官奔散。穎自武關今陝西西安府商州奔

新野。今河南南陽府新野縣濟河收故將士。先是穎廢其故將公師復姓藩起兵趙魏。自稱將軍。攻

陷郡縣。轉前攻鄴。時范陽今直隸順天府涿州王虓孝平聲鎮鄴。遣其將苟晞擊走之。至是穎欲赴

藩。頓邱今直隸大名府開州太守馮嵩執送鄴。虓幽之。苟晞亦擊斬藩。會虓卒。長史劉輿以穎素

為鄴人所附。偽稱詔賜死。穎官屬皆逃散。惟盧志不去。收而殯之。越召為軍諮祭酒。

輿默識天下兵簿。水陸形勢。善應機辨晝。越以為左長史。是年改元光熙。帝四月還

洛。十月輿誅穎。十一月帝食餅中毒崩。或曰太傅越之鳩也。是年八月以越為太傅在位十七年。

帝兄弟二十五人。時存者惟太弟熾。武帝第二十五子及吳王晏。晏材庸下。熾冲素好學。羊后

自以於太弟為嫂。恐不得為太后。將立清河王覃。侍中華混露版。露不封也。版本版為書也。馳告越。

召太弟入宮即位。是為懷帝。

懷帝始遵舊制。於東堂聽政。每至宴會。輒與羣臣論衆務。考經籍。黃門侍郎傅宣歎

曰。今日復見武帝之世矣。越以詔徵顓為司徒。顓就徵。南陽王模宣帝弟高自許昌

今河南開封府許州遣將邀殺之。帝親覽大政。留心庶務。越不悅。固求出藩。乃出鎮許昌。

初成都王穎表左賢王劉淵。監五部軍事。使將兵在鄴。淵子聰驍勇絕人。博涉經史。

善屬音祝文。彎弓三百斤。弱冠游京師。名士莫不與交。族子曜生而眉白。目有赤光。幼

聰慧有胆量。早孤。養於淵。及長。儀觀音貫魁偉。性拓落高亮。與衆不羣。好讀書。善屬文。

鐵厚一寸。射而洞之。劉聰重之。以為漢世祖魏武帝之流。淵從祖宣謂族人曰。漢亡

以來。我單于徒有虛號。無復尺土。自餘王侯。降同編戶。列次民籍也今吾衆雖衰。猶不減

二萬。奈何斂手受役。奄過百年。左賢王英武超世。天苟不欲興匈奴。必不虛生此人

也。今司馬氏骨肉相殘。四海鼎沸。復呼韓邪漢宣帝時匈奴單于號之業。此其時矣。乃相與謀推

淵為大單于。會幽并起兵。淵請還說五部赴國難。穎不知其欲叛也。許之。拜淵為北

單于。淵至左國城。在遼東二萬衛地劉宣等上大單于之號。二旬之間。有衆五萬。都於離石。

今山西汾州府永寧州尋遷左國城。胡晉歸之者愈衆。淵謂羣臣曰。昔漢有天下久長。恩結於民。

吾漢氏之甥。約為兄弟。

漢高祖與匈奴和親約為兄弟後多仍之

兄亡弟紹。不亦可乎。乃稱王。尋稱帝。尊安

樂公禪為孝懷皇帝。後為劉趙。

是時李雄亦自稱成都王。

初巴氏李特據廣漢流代領其衆流死特子雄代之攻走羅尚遂入成都至是稱王後復稱成

帝後為李漢。

帝後為李漢。

武帝時鮮卑慕容涉歸寇昌黎。

今永平府昌黎縣

惠帝時其子廆據大棘城。

今直隸圍場廳界

後為前

後西南北諸燕。

鮮卑索頭部拓跋祿官據上谷。

今直隸宣化府

之北。稱可汗。祿官卒。弟猗盧立。愍帝時助劉

琨破匈奴。及白部鮮卑。封代。

今山西代州

王。後為元魏。

上黨。

今山西潞安府長子縣

武鄉羯人。

羯本匈奴別部散居上黨武鄉羯室因為號

石勒。起自羣盜。後為石趙。

略陽。

今陝西漢中府略陽縣

氐酋蒲洪。自稱略陽公。後為苻秦。

羌酋姚弋仲起自南安。

今甘肅鞏昌府

稱扶風。

今陝西鳳翔府

後為姚秦。

惠帝時秦。

今甘肅鞏昌府秦州

雍。

今陝西鳳翔府

氐羌齊萬年反。周處討之。敗死。處周魴子。少孤。不脩細

行。鄉里患之。處問父老曰。今時和歲豐。而人不樂。何耶。父老歎曰。三害不除。何樂之

有。處曰何謂也。曰南山白額虎。長橋蛟。並子爲三矣。處曰若所患止此。吾能除之。乃

射虎殺蛟。從機雲學。篤志讀書。砥節礪行。後爲御史中丞。彈劾不避權威。梁今陝西漢中府

王彤音容違法。處按劾之。及萬年圍涇陽。今西安府涇陽縣詔以處爲建威將軍。隸安西將軍夏

侯駿討之。中書令陳準曰。周處忠直果敢。有仇無援。宜詔孟觀以精兵爲處前鋒。必

能殄寇。不然。梁王必使處先驅。不救其敗。朝廷不從。萬年聞處來。曰周府君有文武

才。若專斷而來。不可當也。或受制於人。此成禽耳。萬年衆七萬屯梁山。今西安府乾州則駿

使處以五千兵擊之。處曰軍無後繼必敗。不徒身亡爲國取恥。則駿逼遣之。處攻萬

年。自旦至暮。斬獲甚衆。絃絕矢盡。救兵不至。左右勸處退。處按劍曰。是吾效節致命

之日也。遂力戰而死。孟觀尋禽萬年。以上匈奴鮮卑氏羌羯世謂五胡亂晉。此其權

輿也。

石勒字世龍有胆力。善騎射。始被東瀛公騰。掠賣爲荏平。今東昌府荏平縣人師權奴。權奇其狀

貌免之。勒乃與牧帥牧馬主帥汲桑。結壯士爲羣盜。及公師藩起兵。桑與勒帥數百騎赴

之。桑始命勒以石爲姓。勒爲名。至是入鄴。殺都督新蔡。今河南汝寧府新蔡縣王騰。卽東瀛公太傅越

遣苟晞討破之。桑走死。勒降漢。初王戎子渾為三公。與時浮沈。無所匡救。園田徧天下。

自執牙籌。晝夜會音。臉計。家有好李。賣之恐人得種。常鑽其核。阮咸之子瞻見戎。戎問

曰。聖人貴名教。老莊明自然。其旨異同。瞻曰將毋同。遂辟之。時人謂之三語掾。戎從

弟衍。字夷甫。為尚書令。與河南尹樂廣皆善清談。衍神情明秀。小時山濤見之。曰何物

老嫗。於去聲。婦老稱。生寧馨。猶言恁地。兒。然誤天下蒼生者。未必非此人也。衍弟澄。與阮咸謝鯤畢

卓。皆以任放為達。卓比舍郎釀熟。夜至甕間盜飲。為掌酒者所縛。明旦視之。乃畢吏

部也。廣聞而笑之。曰名教內自有樂地。何必乃爾。至是衍為司徒。說太傅越曰。朝廷

危亂。當賴方伯。宜得文武兼資以任之。乃以澄為荊州。今湖南都督。族弟敦為青州

今山東刺史。語之曰。荊州有江漢之固。青州有負海之險。卿二人在外。而吾居中。足

以為三窟矣。

初惠帝北征。東安故城在山東沂州府沂水縣南王繇。議釋甲縞素出迎請罪。穎不從。及敗乘輿。遂殺

繇。琅邪王容。即東晉元帝。繇兄覲子也。沈敏有度量。為左將軍。從帝在鄴。恐及禍。將逃歸。

穎先敕關津無得出貴人。容至河陽。今河南懷慶府孟縣為津吏所止。從者宋典自後來。以鞭拂

睿而笑曰。舍長官禁貴人。汝亦被拘耶。吏乃聽過。至是帝以睿爲安東將軍。都督揚州諸軍事。鎮建業。今江南江寧府初睿與東海參軍王遵善。導以朝廷多故。每勸睿之國。即琅邪今

山東青

州府。睿至建業。以導爲謀主。推心親任。每事必諮。導說睿謙以接士。儉以足用。以

清靜爲政。撫綏新舊。於是以賀循爲內史。顧榮爲軍司。紀瞻爲軍祭酒。卞壺音憫爲從

事。中郎周玘。劉超。張闔。孔衍。皆爲掾屬。江東歸心焉。時永嘉元年也。明年漢王彌寇

洛陽。涼州

今甘肅涼州府

刺史張軌。遣都護北宮

複

純入衛。破走之。詔封軌西平

今甘肅西寧府

郡公。

軌辭不受。時州郡之使莫有至者。軌獨貢獻不絕。漢主淵稱帝。徙都平陽。今山西平陽府尋

卒。太子和立。聽弒而代之。遣石勒。劉曜等攻晉。會太傅越卒。以後事付王衍。衆推衍

爲元帥。衍不敢當。奉越喪還葬東海。勒帥輕騎追敗越軍。執王衍。問以晉故。衍具陳

禍敗之由。云計不在己。且言少無宦情。因勸勒稱尊號。冀以自免。勒曰。君少壯登朝。

名蓋四海。身居重任。何得言無宦情耶。破壞天下。非君而誰。衆人畏死。多所陳述。獨

襄陽王範。神色儼然。顧呵之曰。今日之事。何復紛紜。勒謂孔萇曰。吾行天下多矣。未

嘗見此輩人。當可存乎。萇曰。彼皆晉之王公。終不爲吾用。勒曰。雖然。要不可加以鋒

及夜使人排墻殺之。剖越柩焚其尸。曰亂天下者此人也。吾為天下報之。先是越誣中書令繆播尚

書何綏帝舅散騎常侍王延等為亂殺之綏曾之孫也會嘗指諸孫曰此屬必死于難及綏死兄嵩哭之曰我祖其殆聖乎曾曰食萬錢猶云無下箸處子邵及綏兄弟伏修尤甚永嘉末何氏無遺種是時

勒衆十餘萬集衣冠人物為君子營。以張賓為謀主。尋引兵會劉曜王彌陷洛陽。殺

太子詮等。遷帝於平陽。封平河屬平陽府公。以侍中庾珉王雋為光祿大夫。既又封帝為

會稽郡今浙江紹興府公。漢主聰謂帝曰。卿昔為豫章王。朕與王武子王濟字造卿。卿贈朕柘弓

銀研。同硯卿頗記否。帝曰。臣安敢忘之。但恨爾日不早識龍顏。聰曰。卿家骨肉何相殘

如此。帝曰。大漢將應天受命。故為陛下自相驅除。此殆天意。非人事也。初馮翊今陝西

太守索綝與安夷故城在陝西鳳翔府隴州護軍麴允安定今甘肅平涼州太守賈疋音雅謀復晉室。豫州今

南河刺史閻鼎欲奉秦王業吳王太子入長安。至藍田今西安府藍田縣遣人告疋。疋遣兵迎之。入

於雍城。今西安府渭南縣進圍長安。劉曜敗走。疋等遂奉業入長安。立為皇太子。建行臺。疋之

入關也。殺漢梁州今陝西漢中府刺史彭仲蕩。至是其子天護帥羣胡攻殺之。衆推麴允領

雍州今陝西西安府時正鎮雍州刺史。時永嘉六年也。明年正月朔。漢主聰宴羣臣於光極殿。使帝

著青衣行酒。庾珉王雋等不勝悲憤。因號哭。聰惡之。有告珉等謀以平陽應劉琨越字

石并州刺史去年遣使求救於代猗盧遣兵助之大敗漢軍者聰遂殺珉雋等帝亦遇害凶問至長安皇太子舉哀即

帝位是為愍帝以索綝為太尉麴允為僕射琅邪王睿為左丞相睿以祖逖為豫州

刺史逖范陽今直隸順天府涿州人少有大志與劉琨俱為司州今河南府主簿同寢中夜聞雞鳴蹴

琨覺曰此非惡聲也因起舞琨與親故書曰吾枕戈待旦志梟叛逆常恐祖生先我

著鞭在晉陽今山西太原府為騎兵所圍乘月登樓奏笳長嘯敵人皆懷土棄圍去及渡江

睿以逖為軍諮祭酒逖居京口今江南鎮江府糾合驍健請睿出師收復中原睿素無北伐

之志以逖為豫州刺史給千人廩布三千疋不給鎧甲仗也兵器使自招募逖將其部

曲百餘家渡江中流擊楫而誓曰祖逖不能清中原而復濟者有如大江遂屯淮陰

今江西淮安府起冶鑄兵募得二千餘人而後進時幽州都督王浚謀稱尊號石勒欲襲之

遣使奉戴勒又恐劉琨為後患奉牋於琨請討浚自效二人皆信之初勒為人所掠賣與其母王氏相失

劉琨得之並其從子虎送於勒因遺書諭以順逆之故勒遣琨名馬珍寶琨厚禮其使謝而絕之虎年十七殘忍無度勒白母除之母曰快牛為犢多能破車及長勇冠當時

三日達易水在順天府固安縣浚將佐皆曰胡貪而無信必有詐請擊之浚怒曰石公來正

欲奉戴我耳敢言擊者斬設饗以待之勒晨至薊今順天府大興縣叱門者開門浚始懼勒

升其聽事。中庭也。執浚於前。浚罵曰：胡奴調弄也。平聲戲弄也。乃公。猶言汝翁。何凶逆如此！勒斬之。以故

尚書劉翰行幽州刺史。戍薊。翰不欲從。勒乃歸段匹碑。音低，鮮卑段氏。匹碑遂據薊城。

初，湘州今湖南長沙府流民作亂，推杜弼為刺史。武昌今湖北武昌府太守陶侃破走之。王敦表侃為

荊州今湖南荊州府刺史。侃屢破弼，弼走死。湘州平。及王機據廣州今廣東廣州府，王敦徙侃為廣州

刺史。侃破機，機道死。廣州平。侃在州無事，輒朝運百璧於齋外。暮運於齋內，人問其

故，曰：吾方致力中原，過爾优逸，恐不堪事，故習勞耳。

先是漢寇長安。今陝西西安府長安縣索綝敗之。又寇馮翊。麴允徵兵於相國保。南陽王模子模都督秦雍永嘉末漢

兵圍長安，模出降。被殺，保遂據秦州。保遲疑未發。允欲奉帝往就保。索綝曰：保得天子，必逞其私志，乃止。

時自長安以西，不復貢奉。百官飢乏，採稻自存。稻自生，稻也。漢獻帝紀：尚書郎以下自出採稻。獨涼州刺史張寔

軌遣兵入援，且送諸郡貢計。貢獻計簿。詔拜寔都督陝西諸軍事。自去年六月，漢兵入寇。

十月，陷馮翊。明年七月，陷北地。今甘肅慶陽府進至涇陽。今陝西西安府涇陽縣十一月，攻陷長安外城。

相國保遣胡崧入援，擊曜於靈臺。在長安西，即文王靈臺。破之。崧恐國威復振，則麴索勢盛，乃還

槐里。今西安府興平縣麴索退守小城，內外斷絕。城中飢甚，帝泣謂允曰：今窮厄如此，外無救

援當忍恥出降。以活士民。因歎曰。誤我事者。麴索二公也。使侍中宗敞送降牋於曜。繇潛留敞。使其子說曜曰。若許繇以車騎儀同萬戶郡公者。請以城降。曜斬而送之。曰。帝王之師。以義行也。孤將兵十五年。未嘗以詭計敗人。必窮兵極勢。然後取之。今繇所言如此。天下之惡一也。輒相爲戮之。帝乘羊車。肉袒出降。羣臣號泣攀車。帝亦悲不自勝。御史中丞吉朗歎曰。吾智不能謀。勇不能死。何忍君臣相隨。北面事賊虜乎。乃自殺。曜送帝於平陽。漢主聰臨光極殿。帝稽首於前。允伏地慟哭。聰怒囚之。允自殺。聰以帝爲光祿大夫。封懷安侯。斬繇於市。石勒寇樂平。今山西平定州樂平縣劉琨救之。敗回。長史李宏以并州叛。降勒。琨進退失據。乃奔薊。時建興四年也。

先是童謠云。五馬浮渡江。一馬化爲龍。及永嘉元年。以琅邪王睿鎮建業。睿與西陽汝南南頓彭城五王過江。五年洛陽陷。海內大亂。獨江東差安。中國士民避亂者。多南渡江。王導說睿收其賢俊。辟掾屬。刁協王承卞壺諸葛恢陳頴音均庾亮等百餘人。時謂之百六掾。前騎都尉桓彝過江。見睿微弱。謂軍諮祭酒周顗字伯仁曰。我以中州多故。來此求全。而單弱如此。將何以濟。旣而見王導。共論世事。退謂顗曰。向見管夷

吾管仲字無復憂矣。諸名士遊宴新亭。在江南江甯府城南顗中坐。歎曰。風景不殊。舉目有山河之

異。因相視流涕。導音愀然變色。曰。當共戮力王室。克復神州。中國曰赤縣神州何為作楚囚對

泣耶。眾皆收淚謝之。

至是長安不守。睿出師露次。傳檄北征。會宏農今河南府靈寶縣太守宋哲為漢所攻。棄郡奔

建康。稱受愍帝詔。令睿統攝萬機。睿素服出次。喪次舉哀三日。官屬上尊號。不許。乃即

晉王位。改元建武。劉琨慕容廆皆遣使勸進。琨使右司馬溫嶠。字太真奉表詣建康。其

母崔氏固止之。嶠絕裾而去。既至。王導周顗庾亮皆愛其才。爭與之交。屢求反命。朝

廷不許。除散騎侍郎。會聞母亡。固讓不拜。苦請奔喪。詔曰。今桀逆未梟。諸軍奉迎梓

宮。猶未得進。嶠可以私難而不從。王命耶。嶠不得已。受拜。

建興五年。即晉王睿建武元年漢主聰出畋。以帝行車騎將軍。戎服執戟前導。見者指之曰。此故

長安天子也。故老有泣者。十二月聰饗羣臣。使帝行酒洗爵。已而又使執蓋。晉臣涕

泣有失聲者。尚書郎辛賓起抱帝大哭。聰斬之。帝遂遇害。晉西亡。

右西晉四帝共五十二年

東晉紀

大興元年。愍帝凶問至建康。王猶不許上尊號。紀瞻曰。晉氏統絕二年。兩都燔蕩。宗廟無主。劉聰竊號於西北。陛下高讓於東南。此所謂揖讓而救火也。王遂卽帝位。百官皆陪列。命王導升御床共坐。導固辭曰。若太陽下同萬物。蒼生何由仰照。乃止。是爲東晉元帝。

初劉琨世子羣爲段末杯

匹碑從弟

所得。末杯厚禮之。許以琨爲幽州刺史。欲與之襲匹

碑。密遣使齎羣書。請琨爲內應。爲匹碑邏騎所獲。琨不知。來見匹碑。匹碑以書示琨。

曰。意亦不疑公。是以白公耳。琨曰。與公同盟。庶雪國家之恥。

去年琨與匹碑歃血同盟。翼戴晉室。

終不以

一子之故負公也。匹碑雅重琨。欲遣還屯。其弟叔軍諫。乃殺琨。溫嶠表琨盡忠帝室。

宜在褒恤。後加贈太尉。

是年秋。漢主聰卒。太子粲立。斬準弒之。劉氏男女無少長。皆斬東市。發淵聰二陵。斬聰屍。焚其廟。將軍喬泰討斬之。劉曜自立於赤壁。

水名在平陽府

徙都長安。改國號爲趙。立

妃羊氏爲后。

卽惠帝后曜嘗問吾何如司馬家兒后曰陛下開基之聖主彼亡國之暗夫何可並言

初斬明弟據平陽石勒攻拔之。明奔赤壁曜族誅之遣長史王修獻捷於漢。曜封勒趙王。修舍人

曹平樂留仕漢。言於曜曰。勒遣修來。實覘強弱。俟其復命。將襲乘輿。曜乃斬修。勒大

怒。曰。孤事劉氏。人臣之職。有加矣。彼之基業。皆孤所為。今既得志。還欲相圖。趙王趙

帝。孤自為之。何待於彼耶。乃據襄國。今直隸順德府邢台縣稱趙王。是為後趙。加張賓大執法。總

朝政。呼曰右侯而不名。勒嘗以賓為右長史以官稱之勒微時與李陽隣居。數爭漚麻池相毆。至是悉

召武鄉。今山西沁州武鄉縣耆舊。詣襄國歡飲。陽獨不敢來。勒曰。孤方兼營天下。豈讐匹夫乎。

遂召與飲。引陽臂曰。孤往日厭卿老拳。卿亦飽孤毒手。因拜都尉。帝之始鎮江東也。

王敦與從弟導。同心翼戴。帝亦推心任之。敦總征討。導專機政。羣從子弟。布列顯要。

時人為之語曰。王與馬共天下。後敦恃功驕恣。帝畏而惡之。乃引劉隗刁協等。以為

腹心。稍抑損王氏權。導亦漸見疏外。敦益不平。其參軍沈充錢鳳。皆巧諂凶狡。知敦

有異志。陰為畫策。敦表充為湘州。今湖南長沙府刺史。隗亦為帝謀出心腹。以鎮方面。詔以

左將軍譙。今河南夏邑縣北王承。音永又音承帝叔父刺湘州。行至武昌。今湖北武昌府敦時為荆

王雅素佳士。恐非將帥才也。承曰。公未見知耳。鉛刀豈無一割之用。敦謂錢鳳曰。彼

不知懼。而學壯語。無能爲也。乃聽之。鎮時。湘土困弊。躬自儉約。傾心綏撫。甚有能名。

是時後趙攻薊。段匹磾奔依冀州。今直隸順天府刺史邵續。後趙復攻冀。執續與匹磾弟文

鴛。續弟洎與續子緝等叛降。於是幽冀并三州皆入於後趙。匹磾不爲勒屈。常持晉

節。久之與文鴛邵續皆見殺。

初愍帝時。流民張平樊雅各聚衆在譙。今河南夏邑縣北爲塢主。祖逖攻之。誘殺平。遣參軍桓

宣詣雅說之。雅降。逖遂取譙城。是時蓬陂。即春秋蓬澤塢主陳川。遣其將李頭助逖。頭力

戰有功。逖厚遇之。頭每歎曰。得此人爲主。吾死無恨。川聞而殺之。大掠豫郡。逖遣兵

破之。川降石勒。勒遣石虎與其將桃豹守蓬關。逖將韓潛與豹分據川故城。即蓬陂塢逖

以布囊盛土。使千餘人運以饋潛。又使數人担米息於道。豹兵逐之。卽棄而走。豹以

爲逖士衆豐飽大懼。及勒運糧饋豹。逖又使潛邀擊獲之。豹宵遁。逖遂進屯雍郡。今河南

南杞縣詔加逖鎮西將軍。逖與將士同甘苦。約已務施。勸課農桑。撫納新附。河上諸塢

先有任子在後趙者。皆聽兩屬。時遣將軍僞抄之。明其未附。塢主皆感恩。後趙有異

謀。輒密以告。由是多所克獲。自河以南。多叛後趙歸晉。逖練兵積穀。為進取計。勒患

之。乃下幽州。今直隸順天府為逖修祖父墓。置守塚。逖亦禁諸將不使侵暴後趙之民。邊境

之間。稍得休息。尋帝命戴淵都督司豫。河南以備王敦。逖以淵吳士。雖有才望。無宏

致遠識。且已剪荆棘。收河南地。而淵一旦來統之。意甚怏怏。又聞王敦與劉隗刁協

構隙。將有內難。知大功不遂。感憤發病卒。豫州士女。若喪父母。敦由是益無忌憚。逖

弟約代領豫州。約無撫御之才。不為士卒所附。敦將作亂。謂長史謝鯤曰。劉隗姦邪。

將危社稷。吾欲除君側之惡。何如。鯤曰。隗誠始禍。然城狐社鼠。喻近君也。劉向說苑。狐人所攻。鼠人之所熏。未見

城狐見攻。社鼠見熏。何則所托者然也。敦怒曰。君庸才。豈達大體。乃舉兵武昌。上表罪狀隗協。遣參軍桓胤

說譙王承。請為己軍司。承囚胤。移檄遠近。列敦罪惡。敦又遣參軍樂道融約梁州。今

西漢中府刺史甘卓與俱下。道融忿敦悖逆。反說卓偽許應命。馳襲武昌。卓遂露檄數敦

逆狀。帥所部致討。遣使至廣州。今廣東約陶侃。侃遣參軍高寶帥兵北下。隗協勸帝

盡誅王氏。帝不許。下詔親征。有殺敦者。封五千戶侯。王導帥宗族。每日詣臺待罪。周

顛將入。導呼之曰。伯仁以百口累卿。顛直入不顧。既見帝言導忠誠。申救甚至。帝納

其言顓喜。飲酒至醉而出。導又呼之。顓不與言。顧左右曰：「今年殺諸賊奴，取金印如斗大，繫肘後。既出，又上表明導無罪，言甚切。」導不知恨之。帝命還導朝服，召見之。導稽首曰：「逆臣賊子，何代無之。不意今者近出臣族。」帝徒足履地而執其手曰：「茂宏方寄卿以百里之命，是何言耶？」以為前鋒大都督。詔曰：「導以大義滅親，可以吾為安東時節假之。」

石頭

初孫權據石頭山為城名石頭城在江南江甯府治西

據之。歎曰：「吾不復得為盛德事矣。」帝命協

隗淵導。顓分道出戰，皆大敗。協隗敗還。帝流涕執其手，勸令避禍，給人馬使自為計。協為人所殺。隗奔後趙。帝令百官詣石頭見敦。敦謂淵曰：「吾今此舉，天下以為何如？」淵曰：「見形者謂之逆，體誠者謂之忠。」敦笑曰：「卿可謂能言。」又謂顓曰：「伯仁卿負我。」顓曰：「公戎車犯順，下官親帥六軍，不能其事，使王旅奔敗，以此負公。」敦參軍呂猗素以諂佞為淵所惡。說敦曰：「周戴皆有高名，足以惑眾。近者之言，曾無忤色。公不除之，必有再舉之憂。」敦然之。以問導。導不答。敦遂收顓並淵殺之。先是或勸顓避敦。顓曰：「吾備位大臣，朝廷喪敗，甯可草間求活，外投胡越耶？」帝使敦從弟彬勞敦。彬素與顓善，先往哭之。然後見敦。敦怪其容慘，問之。彬曰：「向哭伯仁，情不能已。」敦怒曰：「伯仁自致

刑戮。且凡人遇汝。汝何哀而哭之。彬勃然數之曰。兄抗旌犯順。殺戮忠良。圖為不軌。

禍及門戶矣。辭氣慷慨。聲淚俱下。敦大怒曰。爾以吾為不能殺汝耶。導勸彬起謝。彬

曰。脚痛不能拜。且此復何謝。敦曰。脚痛孰若頸痛。彬殊無懼色。導後檢中書見鬚表流涕曰吾雖不殺伯仁伯仁由

我而死幽冥之中負此良友初敦遣魏又攻長沙。即湘州或說承投廣州陶侃。承曰。吾志死忠義。豈可

貪生苟免乎。事之不濟。令百姓知吾心耳。乃嬰城固守。甘卓亦遣承書。勸以兵出沔

口。湖北漢陽府斷敦歸路。湘圍自解。承復書曰。足下能卷甲電赴。猶有所及。若其狐疑。則

求我於枯魚之肆。敦遣卓兄子叩說卓旋軍。樂道融曰。今分兵斷彭澤。今安徽東流縣使敦

上下不得相赴。其衆自散。卓性多疑。竟還襄陽。今湖北襄陽府道融憂憤卒。卓還鎮。家

人皆勸留兵備敦。卓不從。襄陽太守周慮承敦意。襲殺之。謝鯤勸敦朝天子。使君臣

釋然。則物情悅服。敦竟不朝。遂還武昌。

魏又攻湘州。百日拔之。執承以檻車送武昌。主簿桓雄書佐韓階從事武延。毀服為

僮從。不離左右。又殺雄。荊州刺史王廙敦從弟承敦旨。殺承於道。階延送其喪至都。葬

之而去。帝憂憤崩。在位六年。王導受遺詔輔政。太子紹即位。是為明帝。

帝幼聰慧。嘗有使者從長安來。元帝問紹曰。長安近日近。紹曰。長安近日近。但聞人從長安來。不聞人從日邊來。元帝奇其對。一日與羣臣語及之。復以問紹。紹曰。日近。帝愕然曰。何異聞者之言耶。紹曰。舉頭見日。不見長安。帝益奇之。

王敦移鎮姑孰。

今安徽太平府

自領揚州牧。謀篡位。王彬諫之甚苦。敦變色。目左右將收之。

彬正色曰。君昔歲殺兄。

懷帝永嘉六年敦殺兄澄

今又殺弟耶。敦乃止。帝親任中書令。溫嶠。敦惡之。

請爲左司馬。嶠乃繆爲勤敬。綜其府事。時進密謀以附其欲。深結錢鳳爲之聲譽。每

曰。錢世儀。

鳳字

精神滿腹。鳳甚悅。會丹陽。

今江甯府卽建康

尹缺。嶠言於敦曰。京尹咽喉之地。公

宜自選。敦問誰可。嶠荐錢鳳。鳳亦推嶠。嶠僞辭。敦不聽。遂表用之。使覘伺朝廷。嶠恐

既去。而鳳於後聞之。因敦餞別。起行酒至鳳。鳳未及飲。嶠僞醉。以手版擊鳳。幘墜。作

色曰。錢鳳何人。溫太真行酒而敢不飲。敦以爲醉。兩釋之。嶠與敦別。涕泗橫流。出閣

復入者再三。行後。鳳謂敦曰。嶠於相廷甚密。而與庾亮

明帝皇后兄時爲中書監

深交。未可信也。敦

曰。太真昨醉。小加聲色。何便爾相讒。嶠至建康。盡以敦逆謀告帝。與亮畫計討之。敦

聞之怒。與導書曰。太真別來幾日。作如此事。當募人生致之。自拔其舌。帝加導大都

督領揚州刺史。督諸軍討敦。導聞敦疾篤。帥子弟為之發哀。眾以為敦信死。咸有奮心。敦將起兵。使郭璞筮之。璞曰。無成。又問。吾壽幾何。璞曰。明公起事。禍必不久。若住武昌。壽不可測。敦大怒曰。卿壽幾何。曰。命盡今日日中。敦收斬之。使王含錢鳳周撫等。帥眾向京師。水陸五萬。奄至江甯南岸。導遣含書曰。兄此舉謂如何。昔年之事乎。

昔年佞臣亂朝。人懷不寧。如導之徒。心思外濟。今則不然。導門戶大小。受國厚恩。今日之事。明目張胆。為六軍首。寧為忠臣而死。不為無賴而生。含不答。帝帥諸軍出屯

南皇堂。夜募壯士。遣將軍段秀匹礪弟等。帥千人渡水。掩其未備。平旦戰於越城。今江甯府聚寶

門外俗稱越台大破之。敦聞含敗。大怒尋卒。敦無子。養兄含子應為嗣。矯詔自代。應秘不發

喪。裹尸以席。埋於廳事中。初郗鑿請詔臨淮。今安徽泗州太守蘇峻。兗州今山東兗州府刺史劉遐

入衛。至是峻遐等。帥精卒萬人至。擊沈充錢鳳大破之。潯陽今江西九江府太守周光。帥千

餘人赴敦求見。應辭以疾。光退。見其兄撫曰。王公已死。兄何為與錢鳳作賊。眾皆愕

然。含等遂燒營夜遁。明日帝還宮。含奔荊州。王舒荊州刺史遣軍迎之。沈其父子子應於

江。周光斬鳳。詣闕自贖。充為故將吳儒所殺。傳轉去聲首建康。敦黨悉平。有司發敦

驛遞也。

瘞焚其衣冠。蹠其上聲長跪也而斬之。與充首同懸南桁。音杭即朱雀桁在江寧縣列航爲橋故亦曰朱雀橋初陶侃字士行刺

荆州。後徙廣州。至是復爲荆湘都督。士女相慶。侃性聰敏恭勤。終日歛膝危坐。軍府

衆事。檢攝無遺。未嘗少閒。常語人曰。大禹聖人。乃惜寸陰。至於衆人。當惜分陰。豈可

逸遊荒醉。生無益於時。死無聞於後。是自棄也。諸參佐以談戲廢事者。命取其酒器

蒲博之具。悉投之江。將吏則加鞭扑。曰。樛播者牧豬奴戲耳。老莊浮華。非先王之法

言。不益寔用。君子當正其威儀。何有蓬頭跣足。自謂宏達耶。嘗造船。其木屑竹頭。皆

令籍而掌之。後積雪始晴。聽事前猶溼。乃以木屑布地。及桓溫伐蜀。又以所貯竹頭

作丁裝船。其綜理微密類如此。帝在位三年崩。遺詔司徒導。中書令庾亮。尙書令卞

壺輔政。太子衍卽位。生五年矣。是爲成帝。

明年改元咸和。以郗鑒爲徐州江州刺史。導稱疾不朝。而私送鑒。壺奏導虧法從私。

無大臣之節。請免官。雖事寢不行。舉朝憚之。壺儉素廉潔。裁斷切直。當官幹寔。性不

宏裕。不苟同時好。阮孚謂曰。卿常無閒泰。如含瓦石。不亦勞乎。壺曰。諸君子以道德

恢宏。風流相尙。執鄙吝者。非壺而誰。時貴游子弟。多慕王澄謝鯤爲放達。壺厲色於

朝曰悖禮傷教。罪莫大焉。中朝傾覆。寔由於此。欲奏推之。導及庾亮不聽。乃止。初導

以寬和得衆。及亮用事。任法裁物。頗失人心。祖約逃弟豫州刺史自以名輩。不後郗卞。而不

預顧命。遺詔褒進大臣。又不及約。與陶侃二人皆疑亮刪之。歷陽今江南和州內史蘇峻。

有功於國。前率兵破沈充錢鳳威望漸著。卒銳器精。有輕朝廷之志。亮既疑峻約。又畏侃之得

衆。乃以溫嶠鎮武昌。今湖北武昌府王舒守會稽。今浙江紹興府以廣聲援。又脩石頭以備之。丹陽今

寧府即建康尹阮孚謂所親曰。江東創業尙淺。主幼時艱。庾亮年少。德信未孚。以吾觀之。

亂將作矣。遂求出爲廣州刺史。先是汝南今河南汝寧府王宗亮子爲明帝所親任。與庾亮有

隙。至是宗以失職怨望。亮收殺之。帝不之知。久之帝問亮曰。常日白頭公何在。亮對

以謀反伏誅。帝泣曰。舅言人作賊便殺之。人言舅作賊當如何。亮懼變色。時後趙攻

壽春。祖約屢表請救。朝廷不爲出兵。後趙遂進寇阜陵。今江西九江府建康大震。蘇峻遣其

將韓晃擊走之。亮以峻在歷陽。終爲禍亂。欲下詔徵之。導壺嶠皆止之不聽。徵爲大

司農。峻上表辭不許。峻遂不應命。嶠時鎮丹陽。即欲率衆下衛建康。亮報嶠書曰。吾

憂西陲。謂陶侃在荊州過於歷陽。足下無過雷池。今安慶府望江縣一步。復遣使諭峻。峻曰。臺下云我

欲反。豈得活耶。我寧山頭望廷尉。不能廷尉望山頭。峻知祖約亦怨朝廷。乃請共討

亮。約大喜。遣兵會峻。詔亮督諸軍討之。司馬陶回謂亮曰。峻知石頭有重戍。必向小

丹陽。在江寧府治南南道步來。宜伏兵邀之。可一戰擒也。不從。果峻如回言。而夜迷失道。無

復部分。亮始悔之。詔以下壺都督大桁。即朱徑桁以秦淮航以此為最故名桁同航方舟也駕方舟以為橋東諸軍。戰於西陵。

江寧縣西又擊之於青溪柵。上元縣東北背癰新愈。力疾戰死。壺二子眇。眇音呼亦赴敵死。其母

撫尸哭曰。父為忠臣。子為孝子。夫何恨乎。師遂敗。亮奔潯陽。今江西九江府峻兵入臺城。在江寧府

治東北即晉建康宮城司徒導謂侍中褚翬曰。翬音殺至尊當御正殿。翬即入抱帝登太極前殿。峻兵

既入。叱翬令下。翬呵之曰。蘇冠軍來觀至尊。軍人豈得侵逼。峻兵不敢上殿。溫嶠聞

建康不守。號慟悲哭。庾亮至潯陽。宣太后詔。以嶠為驃騎將軍。開府儀同三司。嶠曰

今日當以滅賊為急。未有功而先拜官。何以示天下。遂不受。嶠素重亮。分兵給之。遣

都督王愨期詣荊州邀陶侃。同赴國難。侃猶以不預。顧命為恨。答曰。吾疆場外將。不

敢越局。嶠再遣使邀之。侃乃遣都護龔登。帥兵詣嶠。嶠有衆七千。於是列上峻約罪

狀。移告征鎮。洒泣登舟。侃復迫登還。嶠遺書曰。近已移檄遠近。言於盟府。惟須仁公

軍至。便齊進耳。今乃反追軍還。或者遂謂仁公緩於討賊。此聲難追。願深察之。愆期亦謂侃曰。峻豺狼也。如得遂志。公寧有容足之地乎。侃感悟。乃戎服登舟。兼道而進。

郟鑒在廣陵。今江南揚州府得詔書。卽流涕誓衆。入赴國難。侃至潯陽。議者謂侃欲誅亮。以

謝天下。甚亮懼。用嶠計。詣侃謝。遂同趣建康。戎卒四萬。峻聞之。自姑孰還。遷帝於石

頭。導密令張闔。以太后詔諭三吳。江南蘇州爲東吳。鎮江爲中吳。浙江湖州爲西吳。使起義兵。會稽內史王舒。使

庾冰亮弟將兵一萬。西渡浙江。在浙江杭州府城東于是吳興即湖州府太守虞潭。吳國即蘇州府內史蔡謨。義

興今江南常州府宜興縣太守顧衆榮族弟等。皆應之。潭母孫氏謂潭曰。汝當舍生取義。勿以吾老

爲累。盡遣家僮從軍。鬻環佩以給軍費。鑿帥衆渡江。與侃等會。舟師直詣石頭。峻望

之有懼色。時桓彝爲宣城今江南寧國府內史。峻遣其將韓晃攻之。彝遣將軍俞縱拒晃。縱

力戰死。晃遂進軍城陷。彝被殺。西軍與峻久相持不決。溫嶠軍食盡。貸於陶侃。侃怒

欲西歸。嶠曰。天子幽逼。社稷危殆。乃臣子肝腦塗地之日。今之事勢。義無旋踵。譬如

騎虎。安可中下哉。公若違衆獨返。人心必沮。沮衆敗事。義旂將迴指於公矣。先是峻

送米萬斛饋祖約。嶠先鋒毛寶襲取之。約軍由是飢乏。嶠表寶守廬江。今江南廬州府至是

寶與竟陵今湖北安陸府太守李陽亦皆說侃。侃乃分米五萬石以餉嶠軍。寶復燒峻句容

今江寧府湖孰故城在江寧府上元縣積聚。峻軍乏食。侃遂不去。督水軍向石頭。庾亮溫嶠帥步

兵萬人。從白石山名在江南和州南上。峻迎戰。乘醉突陣。馬蹶。侃部將斬之。三軍皆稱萬歲。

餘衆大潰。峻司馬任讓等共立峻弟逸爲主。閉城自守。初峻遷帝石頭。劉超鍾雅與

荀崧華恒丁潭等步侍左右。不離帝側。雖居幽厄之中。超猶啓帝授孝經論語。至是

超雅謀奉帝出赴西軍。事泄。蘇逸使任讓將兵入宮收超雅。帝挹持悲泣。曰：還我侍

中右衛。讓奪而殺之。至是諸軍攻石頭。建威長史滕含大破賊軍。獲蘇逸韓晃斬之。

含部將曹據抱帝登溫嶠船。羣臣見帝頓首號泣請罪。殺西陽王羨。陶侃與任讓有

舊。爲請其死。帝曰：是殺吾侍中右衛者。不可赦也。乃殺之。導入石頭。令取故節。侃笑

曰：蘇武節似不如是。導有慙色。時咸和四年也。去年後趙攻壽春。祖約奔歷陽。未幾

冠軍將軍趙盾拔歷陽。約奔後趙。石勒殺之。夷其族。初祖逖有胡奴曰王安甚愛之在雍邱謂曰石勒是汝種類厚資遣之安仕趙

爲左衛將軍及約誅安嘆曰豈可使祖士雅無後乎乃往觀刑竊取逃庶子道重匿之及石氏亡復歸江南是年溫嶠卒。以劉盾爲江州今江西南昌府刺史。

盾矜豪縱酒。不恤政事。將軍郭默殺之。王導卽以默代盾。陶侃聞之。投袂起曰：此必

詐也。上表言狀。且與導書曰。默殺方州。即用為方州。害宰相便為宰相乎。導答書曰。

默據上流之勢。船艦成資。故遵養時晦。以俟足下。侃笑曰。是乃遵養時賊也。即將兵

討默。默將縛默降。侃斬之。詔以侃兼督江州。侃遂移鎮武昌。晚年深懼滿盈。不預朝

權。屢欲告老歸國。侃封長沙公佐吏等苦留之。咸和九年。疾篤。上表遜位。以後事付司馬

王愨期。輿車就船。將歸長沙。顧謂愨期曰。老子婆娑。猶徘徊謂未及早歸去也正坐諸君。未幾卒。侃

在軍四十一年。明毅善斷。識察纖密。人不能欺。自南陵。今江南南寧縣迄白帝。城名在四川夔州府奉節縣數

千里中。路不拾遺。尚書梅陶嘗謂人曰。陶公機神明鑒似魏武。忠順勤勞似孔明。謝

安。字安石。鯁從子每言陶公雖用法。而恒得法外意。侃卒。以庾亮都督江荆等州軍事。鎮武

昌。亮辟殷浩為記室參軍。浩與褚裒杜乂皆以識度清遠。善談老易。老子周易擅名江東。

而浩尤為風流所宗。桓彝嘗謂裒曰。季野有皮裏春秋。言其外無臧否。而內有褒貶

也。謝安曰。裒雖不言。而四時之氣亦備矣。是時亮雖居外鎮。而遙執朝權。既據上流。

擁強兵。趨勢者多歸之。王導內不能平。嘗遇北風塵起。舉扇自蔽。徐曰。元規。亮子塵汚

人。導簡素寡欲。輔相三世。倉無儲穀。衣不重帛。咸康。咸和十年帝冠改元咸康五年卒。以何充及亮

弟冰參錄尚書事。冰經綸時務，不舍晝夜。賓禮朝賢，升擢後進，朝野翕然，稱爲賢相。是年郟鑿卒，以蔡謨都督徐兗軍事。明年庾亮卒，以亮弟翼都督江荆等州軍事。帝在位十七年，咸康八年崩，二子不奕，皆在襁褓。母弟琅邪王岳卽位，是爲康帝。先是後趙石虎攻趙蒲坂，今山西蒲坂府趙王曜擊破之，進攻金墉，今河南洛陽縣襄國，今直隸順德府勒欲自將救洛陽。程遐等皆謂曜鋒不可當，固諫，勒不從。自統步騎濟河，曜聞之，乃釋金墉之圍，陳於洛西。衆十餘萬，南北十餘里，勒望見曰：「可以賀我矣。」帥步騎四萬，與石虎石堪夾擊之。曜素嗜酒，將戰，飲數斗，昏醉墜馬，爲堪所執。時太子熙守長安，勒使曜與書令速降。曜但敕熙與諸大臣，匡維社稷，勿以吾易意。勒殺之。於是關中大亂。熙奔上邽，今甘肅清水縣石虎攻殺之，遂滅趙。趙自劉淵傳至曜亡，凡五主，合二十六年。勒遂稱皇帝，嘗謂徐光曰：「朕可方古何主？」對曰：「陛下神武謀略，過於漢高。勒笑曰：「人豈不自知。卿言太過。朕若遇高祖，當北面事之；與韓彭比肩。若遇光武，當並驅中原，未知鹿死誰手。大丈夫行事，當礪礪落落，如日月皎然，終不效曹孟德、司馬仲達、欺人孤兒寡婦、狐媚以取天下也。勒雖不學，好使諸生讀書而聽之。時以其意論古今得

失。聞者悅服。嘗使人讀漢書。聞酈食其勸立六國後。

高祖為漢王時酈生勸立六國後王越刻印時方食張良曰臣請借前箸為大

王籌之天下遊士從大王遊者徒欲望咫尺之地今復立六國後遊士各歸事其主大王誰與取天下乎王趣銷印

驚曰。此法當失。何以遂得天下。及聞

留侯諫。乃曰。賴有此耳。未幾卒。太子宏立。石虎弑之而自立。時慕容廆卒。子皝立。雄

毅多權略。與石虎構兵。三年連破之。自以稱王未受晉命。遣使獻捷。晉封皝為燕王。

以上皆成帝時事也。至是翼代亮。與桓彝之子溫善。溫尙成帝女南康公主以為可任方面。杜乂

殷浩雖有才名。謂此輩宜束之高閣。乃表遣梁州今陝西漢中府刺史桓宣與溫督師代趙

宣戰。敗。慙憤卒。帝在位二年崩。太子暉即位。是為穆帝。時方三歲。明年翼卒。何充以

桓溫有文武器幹。以溫代翼。督荆梁。溫建議伐成。蜀拜表即行。朝廷以蜀道險遠。溫

衆少。皆以為憂。惟劉惔以為必克。或問其故。惔曰。以博知之。溫善博者也。不必得則

不為。但恐克蜀之後。專制朝廷耳。惔每奇溫才。然知其有不臣之志。謂會稽王昱曰。

溫不可使居形勝之地。宜抑其位號。勸昱自鎮上流。以己為軍司馬。昱不聽。時昱為大將軍

以惔與王濛為談客既而溫敗漢兵於笮橋。音昨進至成都。蜀主勢降。詔以為歸義侯。漢自李特傳

子雄。雄卒後篡弑相仍。至李壽改國號曰漢。壽卒子勢立。恃險不修武備而亡。凡六

主合四十三年。詔加溫征西大將軍。封臨賀今廣西平樂府賀縣郡公。溫既滅蜀。威名大振。朝廷

憚之。會稽王冕以殷浩有盛名。乃引為心膂。與參綜朝權。欲以抗溫。由是與溫寢相

疑貳。浩以王羲之導從弟為護軍將軍。羲之以為內外協和。然後國家可安。勸浩不宜

與溫構隙。浩不從。溫亦知朝廷仗浩抗己。然素知浩為人。亦不之憚。雖有君臣之跡。

羈縻而已。時永和四年也。明年趙石虎稱帝。尋卒。少子世立。虎第三子遵弒之自立。

中書令孟準以虎養子石閔驍勇。屢立戰功。總內外兵權。勸遵誅閔。遵召虎庶子鑒

密議。鑒出告閔。閔遂弒遵立鑒。遵在位一百八十三日。鑒既立。使虎子苞攻閔不克。

鑒懼夜殺苞。閔遂廢鑒而弒之。並殺虎孫二十八人。盡滅石氏。胡羯無貴賤男女少

長皆斬之。死者二十餘萬人。鑒在位一百三日。閔謂眾曰。吾屬故晉人也。請與諸君

分割州郡。奉迎天子。還洛陽何如。尙書胡睦曰。陛下聖德應天。宜登大位。晉氏衰微。

豈能混一四海乎。閔曰。尙書可謂識機知命矣。乃即皇帝位。改國號曰魏。復姓冉氏。

都於鄴。今河南彰德府臨漳縣初氏酋蒲洪。羌酋姚弋仲。皆降石虎。虎以洪鎮關中。今陝西西安府及遵

立。石閔以洪人傑。恐秦今陝西鞏昌府秦州雍即西安府之地。非復國家之有。勸遵改圖。遵乃罷洪都

督洪怒歸枋頭。在直隸大名府石虎以洪為龍驤將軍流民都督居枋頭秦雍流民共推洪為主。衆至十餘萬。洪自稱

三秦即關中王。改姓苻。音扶洪以識文有草付應王又以孫堅背有草付字遂改姓苻以故趙將麻秋為軍師將軍。秋因設宴

鳩洪。欲並其衆。洪世子健殺秋。代統其衆。時石虎子祗鎮襄國。閔既篡立。趙公卿出

奔者多歸之。祗遂稱帝。六夷胡羯氏羌段氏巴蠻為六夷據州郡者皆舉兵以應祗。以姚弋仲為右

丞相。弋仲子襄雄勇多才略。以為驃騎將軍。又以苻健為鎮南大將軍。健謀據關中。

帥兵破故趙司馬杜洪走之。健入長安。遣使詣建康獻捷。並修好於桓温。初蒲洪降晉後又降趙洪

死健稱晉官爵告喪請命尋自稱秦天王。逾年稱帝。是為前秦魏主攻襄國。趙主祗乞師於姚弋仲。弋仲

遣襄救之。閔敗還鄴。祗遣其將劉顯攻鄴。閔大破顯。顯懼密使請降。求弑祗自效。顯

還。遂弑祗。祗在位一年而亡。後趙自石勒至祗。凡七主。合二十三年。顯自稱帝。明年

魏克襄國。殺顯。虎子汝陰今河南光州王琨奔建康。斬之。石氏遂絕。魏徐兗荆豫洛五州

降晉。姚弋仲亦遣使來降。尋卒。子襄與秦戰敗。帥衆來歸。單騎見謝尚。歡若平生。襄

博學善談論。江東人士皆重之。詔襄屯譙城。未幾燕慕容恪擊魏。執閔歸殺之。魏建

國三年而亡。是年殷浩北伐無功。謀再舉。王羲之諫不聽。時姚襄移屯歷陽。今江南和州

浩惡其強盛。屢遣刺客刺之。客皆以情告襄。浩潛遣將軍魏憬襲襄。襄斬憬。并其衆。

浩愈惡之。冬。浩自壽春今鳳陽府壽州帥衆七萬北伐。欲進據洛陽。脩復園陵。以襄爲前驅。

襄度浩將至。伏甲邀之。浩大敗。走保譙城。襄收浩資仗。濟淮屯盱音盱。音夷。今鳳陽府盱眙縣。遣

使建康。陳浩罪狀。並自陳謝。以上永和五年。至九年事也。明年桓温因朝野之怨。上

疏請廢之。朝廷不得已。免浩爲庶人。徙之信安。今浙江衢州府西安縣自此內外大權。一歸於温。

矣。初浩累辭徵辟。屏居十年。時人擬之管葛。謝尚王濛嘗伺其出處。以下江左興亡。

曰深源浩字不起。當如蒼生何。少與温齊名。而心競不相下。既廢黜。常書空作咄咄怪

事字。久之温謂郗超曰。浩有德有言。嚮爲令尚書僕射。足以儀型百揆。朝廷用違其

才耳。將以浩爲尚書令。以書告之。浩欣然許焉。將答書。慮有謬誤。開閉者十數。竟達

空函。温大怒。由是遂絕。卒於徙所。姚襄亦叛降於燕。是年桓温帥師伐秦。大敗秦兵

於藍田。陝西西安府藍田縣進軍灞上。灞水之上在西安府城東三輔漢武帝立京兆尹左馮翊右扶風爲三輔今陝西西安府同州府鳳翔府皆降。温撫諭

居民。使安堵復業。民爭持牛酒迎勞。男女夾道觀之。耆老有垂泣者。曰不圖今日復

覩官軍。是役也。秦主健遣太子萇拒温。萇中流矢死。復與秦丞相雄等戰不利。死萬

餘人初温指秦麥爲糧。既而秦人悉芟麥。清野以待。温軍乏食。徙關中三千餘戶而

歸北海。

今山東青州府

王猛少好學。倜儻有大志。隱居華陰。

今西安府華陰縣

聞温入關。被褐詣之。捫

虱而談當世之務。旁若無人。温異之。曰。江東無卿比也。署猛軍諮祭酒。欲與俱還。猛

辭不就。丞相雄秦主健之弟也。是年卒。健以其子堅襲爵。明年健卒。太子生立。先是

姚襄所部多勸北還。襄遂進據許昌。

在河南許州

桓温請移都洛陽。脩復園陵。章十餘上。不

許。詔敦討襄。温敗襄於伊水。

在河南洛陽縣

遂入洛陽。脩謁諸陵。置戍而還。襄北走據黃落。

今黃堡鎮在西安府同官縣南

秦廣平王苻黃眉。東海王堅等。擊斬之。弟萇以衆降秦。温之北伐也。與

僚屬登平乘樓。

大船之樓

望中原。嘆曰。遂使神州陸沈。百年邱墟。王夷甫諸人。不得不任

其責。以上永和十二年以前事。明年改元升平。秦主生諒陰遊飲。彎弓露刃。以見朝

臣。錘鉗鋸鑿。備置左右。乘醉多殺戮。

即位未幾殺后妃公卿等五百餘人

羣臣得保一日。如度十年。東海

王堅素有時譽。與故姚襄參軍薛讚權翼善。讚翼密說堅。宜早爲計。勿使他姓得之。

堅以問尙書呂婆樓。婆樓曰。僕里舍有王猛者。其人謀略不世出。宜請共諮之。堅因

婆樓以招猛。一見如舊友。語及時事。堅大悅。自謂如元德之遇孔明也。特進梁平老

勸堅早舉事。堅猶未敢發。會生夜對侍婢言。曰。阿法兄弟亦不可信。明當除之。婢以告堅。及堅兄清河王法。法與梁平老帥壯士潛入雲龍門。堅與呂婆樓帥麾下繼進。宿衛將士皆舍仗歸堅。生猶醉寐。堅兵殺之。堅以位讓法。法曰。汝適嗣且賢宜立。堅乃去帝號。稱大秦天王。以法爲丞相。左僕射李威知王猛之賢。常勸堅以國事任之。堅謂猛曰。李公知君。猶鮑叔牙之知管仲也。乃以猛爲尙書左丞。一歲五迁其官。有毀之者。堅輒罪之。猛舉異才。脩廢職。課農桑。恤困窮。禮百神。立學校。旌節義。繼絕世。秦民大悅。猛日親幸用事。勳舊多疾之。特進公侯功德茂盛朝廷所敬禮者樊世本氏豪佐秦主健定關中。謂猛曰。吾輩耕之。君食之耶。猛曰。非徒使君耕之。又將使君炊之。世大怒曰。要當懸汝頭於長安城門。不然吾不處世。猛以白堅。堅曰。必殺此老氏。然後百寮可肅。會世入言事。與猛爭論於堅前。欲起擊猛。堅怒斬之。於是羣臣見猛皆屏息。先是燕王儁稱帝。滅冉魏。寢強盛。徙都鄴。至是儁卒。子暉立。以慕容恪爲太宰。總朝政。恪虛心待士。諮詢善道。量才授任。人不踰位。朝廷初聞儁卒。皆以爲中原可圖。桓溫曰。慕容恪在。憂方大耳。溫以謝安萬兄奕弟爲征西司馬。安少有重名。前後徵辟皆不就。寓居

會稽。今浙江紹興府以山水文籍自娛。雖為布衣。時人皆以公輔期之。士大夫至相謂曰。安

石安不出。當如蒼生何。安每遊東山。在紹興府上虞縣西南常以妓女自隨。會稽王昱聞之。曰。安

石既與人同樂。必不得不與人同憂。召之必至。安石妻劉惔之妹也。見家門貴盛。安

獨靜退。謂丈夫不如此也。安掩鼻曰。恐不免耳。年四十餘。溫請為司馬。安乃赴召。溫

深禮重之。帝三歲即位。壽十九歲崩。琅邪王不成帝子康帝姪穆帝叔父即位。是為哀帝。時燕呂護

攻洛陽。守將陳祐告急。溫遣徐克刺史庾希。冰子竟陵今湖北安陸府太守鄧遐。帥師助守。燕

師引還。溫因上疏請遷都洛陽。著作郎孫綽上疏爭之。略曰。溫今此舉。誠為遠圖。而

百姓震駭。豈不以反舊之樂賒。趨死之憂速哉。臣愚以為宜遣將帥。有威名資寔者。

先鎮洛陽。掃平涼。張元許昌時為燕所據清壹河南。漕運之路既通。開墾之積已豐。豺狼遠

竄。中夏小康。然後可徐議遷徙耳。奈何捨百勝之長理。舉天下而一擲哉。綽少慕高

尚。嘗著遂初賦以見志。溫見綽表不悅。曰。致意興公。綽字何不尋君遂初賦。而知人家

國事耶。溫以王坦之述子為長史。又以郗超為參軍。王珣導孫為主簿。每事必與二人謀

之。府中為之語曰。髯參軍。短主簿。能令公喜。能令公怒。是年帝崩。在位四年。無嗣。弟

琅邪王奕卽位。是爲廢帝。初沈充黨王敦。敦死。充爲故將吳儒所殺。其子勁以父死於逆亂。志欲立功以雪恥。年三十餘。以刑家不得仕。會燕人陷河南諸城。復逼洛陽。勁自表求配陳祐効力。詔以爲長史。令自募兵。得千人以行。至洛陽。屢破燕軍。祐自度不能守。乃以救許昌爲名。留勁以五百人守之。勁喜曰。吾志欲致命。今得之矣。至是燕太宰恪吳王垂共攻克洛陽。執勁。勁神氣自若。恪將宥之。將軍慕輿虔曰。勁雖奇士。觀其志度。終不爲用。遂殺之。朝廷嘉勁之忠。賜東陽今浙江金華府太守。明年改元太和。燕慕容恪卒。臨卒。謂燕主暉曰。吳王垂管蕭之亞。可任以國政。不然秦晉必有窺窬之計。暉不從。委政於太傅評。暉叔太和四年。桓温伐燕。至枋頭。暉懼。謀奔和龍。龍卽城今直隸大名府長垣縣。垂請拒之。大敗晉兵。威名日盛。評忌。垂欲殺之。垂出奔秦。秦王猛督軍伐燕。與評戰於潞川。水名在今山西潞城縣北敗之。遂圍鄴。秦主堅自帥精銳十萬赴鄴。暉與評奔龍城。堅使將軍郭慶追執之。封暉爲新興陝西榆林府侯。以評爲給事中。前燕自慕容廆至暉亡。凡四主合八十六年。先是桓温伐燕。燕求救於秦。許賂曰牢。關名在河南開封府汜水縣以西之地。秦遣兵救之。晉兵已退。燕人謂曰。行人失辭。國家分災救患。理之常也。秦怒。遂

滅燕。桓溫之敗也。歸罪豫州今開封府陳州刺史袁真。奏免為庶人。真不伏。表溫罪狀。朝廷

不報。遂據壽春今鳳陽府壽州。叛降燕。真死。子瑾代領其眾。燕秦皆以兵助瑾。太和六年。溫

圍壽春。時燕已亡。瑾求救於秦。溫破秦兵。拔壽春。獲瑾。送建康斬之。溫恃其材略。位

望陰蓄異志。嘗撫枕嘆曰。男子不能流芳百世。亦當遺臭萬年。既克壽春。謂郗超鑒孫

曰。足雪枋頭之恥乎。超曰。未也。公不為伊霍之舉。無以立大威權。溫遂與定議。入

朝廢帝為東海今江南淮安府海州王。立元帝少子會稽王昱。是為簡文帝。

帝美風儀。善舉止。留心典籍。凝塵滿席。湛如也。然無濟世大畧。謝安以為惠帝之流。

但清談差勝耳。秦主堅聞溫廢立。謂羣臣曰。溫前敗灞上與秦苻雄戰敗死萬餘人。後敗枋頭幕容。

破溫斬首三萬級。不能思愆自貶。以謝百姓。方更廢君以自說。六十之叟。舉動如此。將何以

容於四海乎。諺曰。怒其室而作色於父。溫之謂矣。溫尋還姑孰今安徽太平府。是年十一月

簡文立。改元咸安。明年七月帝崩。太子昌明立。是為孝武帝。遺詔使溫輔政。如諸葛

武侯王丞相王導故事。溫望簡文臨終禪位。不爾。便當居攝。既不副所望。疑王坦之謝

安所為。心銜之。明年改元寧康。溫來朝。詔吏部尚書謝安。侍中王坦之。迎於新亭。時

都下洶洶。云欲誅王謝。因移晉祚。溫大陳兵衛。延見朝士。坦之甚懼。流汗沾衣。倒執

手版。安從容就席。笑語移日。郗超臥帳中。聽其言。風動帳開。安笑曰。郗生可謂入幕

之賓矣。古者出征以幕帳為府署故云溫有疾。還姑孰。諷求九錫。一輿馬二衣服三樂則四朱戶五納陛六虎賁七弓矢八鈇鉞九秬鬯 輿馬謂大輅戎輅各

一元馬二也衣服謂元竟也樂則謂軒縣之樂即曲縣也朱戶謂朱其戶納陛從中階而升也虎賁三百人弓矢彤之弓矢也鈇鉞大柯斧賜之專殺也秬黑黍鬯香草和以釀酒賜之祭祀也安與坦

之故。緩其事。溫卒。弟冲領其衆。冲盡忠王室。或勸誅除時望。冲不從。時秦復取晉梁

漢中府益。成都府二州。未幾王猛病篤。堅訪以後事。猛曰。晉雖僻處江南。然正朔相承。上

下安和。臣沒之後。願勿以晉為圖。鮮卑。慕容氏西羌。姚氏我之仇敵。終為人患。宜漸除之。

及卒。堅謂太子宏曰。天不欲使吾平一六合。耶何奪吾景畧。字猛之速也。於是以新喪

賢輔。置聽訟觀。五日一臨。以求民隱。尊崇儒教。禁老莊圖讖之學。尋遣兵擊涼州。甘今

肅涼州府張天錫降。前涼自張軌傳子寔。懷愍時。父子先後遣兵入援。寔卒。傳弟茂降。趙

封涼王。茂卒。寔子駿立。茂謂之曰。晉室雖微。汝當奉承。吾官非王命。死之日。當以白

帑入棺。勿以朝服斂。駿恥臣趙。遣從事張淳。假道於成。以通晉。成人欲留淳。曰。天熱

可遣吏先往須涼。淳曰。寡君以皇輿播越。生民塗炭。故遣淳通誠上都。所論事重。非

下吏所能傳。雖火山湯海。猶將赴之。成主雄知不可奪。厚為之禮而遣之。晉以駿為

征西大將軍。駿遣使報謝。每歲使者不絕。及趙主勒卒。虎勒從子立。成主雄卒。期雄第

立。駿疏請北伐。略謂勒雄已死。虎期繼逆。欲晉乘時進取。庾亮因表請伐趙。不果。康

帝立。乃遣桓宣伐趙。為趙李熊所敗。駿遂自稱涼王。尋卒。子重華嗣。重華卒。子曜靈

嗣。尋廢。重華庶兄祚立。以淫虐被弑。弟元靚立。其叔父天錫弑而代之。至是降秦。封

歸義侯。前涼亡。凡九主。合六十九年。時晉孝武帝即位之第四年。即太元元年也。是

年冬。秦兵滅代。今山西大同府蔚州代鮮卑索頭部也。自拓跋祿官傳姪猗盧。助劉琨破匈奴

劉虎。與白部鮮卑封代公。尋進封代王。其長子六脩弑之。猗音移盧音移子普根討之

而立。尋卒。國人立猗盧弟弗之子鬱律。猗音移妻惟氏忌鬱律強。恐不利其子。乃殺鬱

律。而立子僂賀。鬱律之子什翼犍。音虔幼在襁褓。其母王氏匿於袴中。祝之曰。天苟存

汝。則勿啼。久之不啼。乃得免。賀僂卒。弟紇那立。尋出奔宇文部。南鮮卑之後。其先有大人因獵得玉璽。其俗謂天為

字璽為文璽遂以為氏立。翼音移犍音移質音移於趙。以請謀。六年。紇那復入。翼音移槐奔趙。既而趙納翼音移槐。紇那

奔燕。翼音移槐卒。弟什翼犍猶在趙。諸大人謀立其次弟孤。孤自詣鄴。迎什翼犍歸即位。

什翼犍雄勇有智略。能修復舊業。始置百官。分掌庶務。號令明白。政事清簡。百姓安之。時晉成帝咸康四年也。逾年徙都雲中。今山西大同府歸化城之黑河及晉帝奕太和元年。代破匈

奴劉衛辰。鐵弗劉虎之曾孫衛辰奔秦。初代將長孫欒律長子沙莫雄之後長孫氏斤謀弑什翼犍。世子寔格之。

傷脇卒。寔娶賀蘭部野干女。有遺腹子。什翼犍名之曰涉圭。後名珪。時太和六年。卽

簡文帝咸安元年也。衛辰之奔秦也。秦送還朔方。遣兵戍之。尋復爲代所逼。求救於

秦。秦遣兵以衛辰爲鄉導。代主什翼犍病。不能自將。使南部大人劉庫仁。一名洛垂衛辰之族什翼

犍之甥將兵拒戰。大敗。初什翼犍世子寔卒。子珪幼。繼嗣未定。至是庶長子寔君殺諸

弟。並弑什翼犍。國中大亂。珪母賀氏以珪走依賀納。野干之子秦主堅問代亂故。曰天下

之惡一也。乃執寔君車裂之。分代爲二部。自河以東屬庫仁。自河以西屬衛辰。使統

其衆。賀氏以珪依庫仁。庫仁招撫離散。恩信甚著。事珪恩勤周備。不以廢與易意。常

謂諸子曰。此兒有高天下之志。必能恢隆祖業。汝曹當謹遇之。後爲元魏太祖道武

帝。時晉憂秦寇。詔求文武良將。謝安以兄子元應詔。元鎮廣陵。今江蘇揚州府募驍勇之士。

得劉牢之等數人。以牢之爲參軍。常領精銳爲前鋒。戰無不捷。時號北府兵。敵人畏

之。秦主堅議伐晉。羣臣諫不聽。曰以吾之衆。投鞭於江。足斷其流。陽平今山東東昌府公苻

融曰。晉未可滅。昭然甚明。臣之所憂。鮮卑羌羯。布滿畿甸。變生肘腋。不可悔也。獨不

記王景略臨歿之言乎。堅曰以吾擊晉。猶疾風之掃秋葉耳。是時獨慕容垂姚萇勸

堅行。堅遂大舉入寇。戎卒六十餘萬。騎二十七萬。水陸齊進。運漕萬艘。詔征討都督

謝石。冠軍將軍謝元。督衆八萬拒之。時都下震恐。元詣謝安問計。安夷然命駕遊山

墅。與元圍棋。時秦兵攻克壽陽。今安徽鳳陽府壽州屯於洛澗。俱水名在河南河南府洛陽縣以遏東兵。謝石謝元

等。憚不敢進。堅遣朱序四年春秦陷襄陽執刺史朱序歸拜度支尙書來說石等。不如速降。序私謂石等曰。若秦

衆盡至。誠難與敵。今乘諸軍未集。宜速擊之。若敗其前鋒。時苻融帥兵三十萬先至則彼已奪氣。可

遂破也。元乃遣劉牢之。帥精兵五千趣洛澗。牢之渡水擊之。斬其將梁成。分兵斷其

歸津。秦步騎崩潰。赴淮死者萬五千人。於是石等水陸繼進。堅與融登壽陽城望之。

見晉兵部陳嚴整。又望見八公山。在鳳陽府壽州西北二十五里淝水之北淮水之南漢淮南王安與其賓客八公學仙於此故名上草木。皆

以爲晉兵。顧謂融曰。此亦勁敵。何謂弱也。慙然始有懼色。秦兵逼淝水。源出鳳陽府宿州龍山湖東流

准入而陳。元使謂融。移陣小却。使我兵得渡。以決勝負。秦諸將皆曰。我衆彼寡。不如遏

之。使不得上。堅曰。但使半渡。以鐵騎蹙而殺之。蔑不勝矣。融亦謂然。乃麾兵使却。秦兵遂退。不可復止。元等引兵渡水擊之。融騎而略陳。欲以止退者。馬倒。爲晉兵所殺。元乘勝追擊。秦兵大敗。自相蹈藉而死者。蔽野塞川。其走者聞風聲鶴唳。皆以爲晉兵且至。初。秦兵小却。朱序在陣後呼曰。秦兵敗矣。遂大奔。序因與張天錫皆來奔。復取壽陽。堅中流矢。單騎走還。謝安得驛書。知秦兵已敗。方與客奕。攝書置牀上。無喜色。圍碁如故。客問之。徐答曰。小兒輩遂已破賊。旣罷。還內過戶限。不覺屐齒之折。時

孝武帝太元八年也。以安爲太保。建昌今江西公。建昌縣。元康樂故城在江西高安縣。公。

是時帝溺於酒色。委政瑯邪王道子。簡文帝少子。帝弟。道子亦嗜酒。日夕與帝酣歌。又崇尚淫

屠。僧也。窮奢極費。所親暱者皆妯音甘老。女稱。姆音母女。師也。僧尼。近習弄權。交通請託。賄賂公行。

官爵濫雜。刑獄謬亂。尙書令陸納。望宮闕歎曰。好家居。織兒猶言小兒。欲撞壞之耶。道子

勢傾中外。帝漸不平。侍中王國寶。坦之之子。謂安婿也。安惡其爲人。每抑而不用。由

是怨安。國寶從妹爲道子妃。國寶乃譖安於道子。使離開之。安功名旣盛。險詖求進

之徒。多毀短安。帝稍疎忌之。太元十年卒。至太元十三年。謝元亦卒。

先是秦兵既敗。鮮卑氏羌乘釁而起。會丁零北狄種名翟斌叛秦攻洛陽。秦使慕容垂討

之。垂叛與斌合。至滎陽今河南滎陽縣稱燕王。是為後燕。尋定都中山今直隸定州。稱皇帝。姚萇弋仲

子襄起兵北地今陝西耀州。稱秦王。是為後秦。故燕王暉之弟泓起兵華陰今西安府華陰縣。泓弟

冲起兵平陽今山西平陽府。已而燕諸將殺泓立冲。冲大破秦兵。稱帝於阿房今陝西西安府。是為西

燕。冲攻長安。堅奔五將山今陝西鳳翔府。後秦主萇圍五將山。執堅歸。幽於別室。遣人縊殺

之。冲稱帝。頗有自得之志。賞罰任情。慕容盛垂太子寶之子年十三。曰。十人之長。亦須才過

九人。然後得安。今中山今直隸真定府定州。王才不逮人。殆難濟乎。未幾將軍韓延弒冲。慕容恒

慕容永魔弟之孫帥鮮卑男女四十萬口。去長安而東。鮮卑既東。長安空虛。萇取之。亦稱

帝。恒永至聞喜今山西聞喜縣。立慕容忠泓之子。復稱帝。未幾刁雲等殺忠。推永為河東今山西平陽府

王。時苻丕堅太子稱帝於晉陽今山西太原府。永擊敗之。丕奔東垣今河南新安縣。晉將軍馮該自陝邀

擊殺之。永遂進據長子今山西長子縣。即帝位。初不以從弟苻登為南安今陝西鞏昌府。王。至是為不

發喪行服。亦稱帝。鮮卑乞伏國仁為秦將軍。叛據隴西今甘肅蘭州府。自稱單于。是為西秦。

初拓跋珪依劉庫仁。庫仁死。子顯殺其叔父頭眷。將殺珪。珪復走依賀訥。至是諸部

大人復立珪爲代王。都盛樂。宮名卽雲中今山西大同府城西北擊顯破之。顯奔西燕。珪尋改國號曰魏。

是爲魏太祖。秦將氏人呂光。婆樓之子攻殺涼州刺史梁熙。自稱涼州牧。酒泉。今甘肅肅州公。是

爲後涼。時晉孝武帝太元八年至十一年也。太元十三年。西秦主乞伏國仁卒。弟乾

歸立。遷都金城。今甘肅蘭州府

十四年春呂光自稱三河王。冬以范寧爲豫章。今江西南昌府太守。寧性質直。常謂王弼何

晏。皆魏主曹芳時人說爲清談士大夫效之遂成風俗之罪。深於桀紂。或以爲貶之太過。寧曰。王何蔑棄典文。幽沈

仁義。游辭浮說。波蕩後生。以至禮壞樂崩。中原傾覆。遺風餘俗。至今爲患。桀紂縱暴

一時。適足以喪身覆國。爲後世戒。故吾以爲一時之禍輕。歷代之患重。自喪之惡小。

迷衆之罪大也。王國寶寧之甥。寧疾其阿諛。勸帝黜之。國寶遂與道子譖寧出守豫

章。

十五年春以王恭都督青。今山東青州府兗。今山東兗州府等州軍事。帝以道子恃寵驕恣。欲選時望

爲藩鎮。以潛制之。問於太子左衛率王雅曰。吾欲用王恭殷仲堪何如。雅曰。恭風神

簡貴。志氣方嚴。仲堪謹於細行。以文義著稱。然皆峻狹自是。幹略不長。若委以方面。

天下無事。足以守職。若其有事。必為亂階。帝不從。使恭鎮京口。今江南鎮江府

十六年冬。魏主珪大破柔然。東胡徙之雲中。尋破劉衛辰。衛辰走死。諸部悉降。衛辰少

子勃勃。即夏赫連勃勃亡奔鮮卑。沒奕干沒奕干以女妻之。沒奕干秦藩封高平公

十七年。燕主垂擊翟釗。釗奔西燕。初垂以翟斌為河南王。斌與秦通謀。垂殺之。其弟

遼奔據黎陽。今河南澹縣尋自稱魏天王。屯滑臺。今河南延津縣遼死。子釗代領其眾。至是奔燕。歲

餘謀反被殺。

是年以殷仲堪都督荆今湖北荆州府益今四川成都府寧今雲南雲南府州軍事。南郡今湖北荆州府公桓元。溫少子

也。以才地自雄。嘗於仲堪聽事前戲馬。以稍音朔矛屬擬仲堪。參軍劉邁曰。馬稍有餘。精

理不足。元不悅。既出。仲堪謂邁曰。卿狂人也。元夜遣殺卿。我豈能相救耶。使邁避之。

元果使人追之不及。征虜參軍胡藩過江陵。今荆州府江陵見仲堪曰。元志趣不常。節下

崇待大過。非計也。藩內弟羅企生為仲堪功曹。藩謂曰。殷侯倒戈授人。必及於禍。君

不早去。悔無及矣。

十八年。燕主垂議伐西燕。諸將皆曰未可。垂曰。吾雖老。叩囊底智。足以取之。遂發中

山。次於鄴。明年拔長音子。今山西長子縣殺西燕主永。西燕自慕容泓至永亡。凡六主。合十一

年。是年冬。後秦主萇卒。太子興帥兵伐秦。秦主登聞之喜曰。姚興小兒。吾折杖笞之

耳。乃悉衆而東。興使尹緯與戰。大敗之。登單騎奔平涼。今甘肅平涼府平涼縣興乃即位。明年復

擊秦。殺登。秦太子崇立。奔湟中。今甘肅西寧府尋攻西秦。兵敗。見殺。苻秦遂亡。前秦自苻堅

至崇亡。凡五主。合四十四年。

十九年春。三河今直隸三河縣王光。以禿髮烏孤。爲河西今陝西同州府朝邑縣都統。烏孤本鮮卑。別種與拓跋

孫晉武帝時。樹機能陷涼州。爲將軍馬隆所殺。樹機能之祖曰壽闐。在孕時其母相掖氏寢而產於被中。鮮卑謂被爲禿髮。因而氏馬壽闐。卽烏孤之五世祖。後爲南涼。

二十年秋。長星見。帝心惡之。於華林園在江寧府東北舉酒祝之。曰。長星勸汝一杯酒。自古

何有萬歲天子耶。

二十一年秋。貴人張氏弒帝於清暑殿。孝武帝建在江寧府上元縣治東北五里。夏月常有清風。帝嗜酒。流連內殿。外

人罕得進見。張貴人寵冠後宮。時年近三十。帝戲之曰。汝以年亦當廢矣。吾意更屬

少者。已而醉寢。貴人使婢以被蒙帝面而弒之。重賂左右。曰。因魔暴崩。太子卽位。是

爲安帝。會稽王道子進位太傅。孝武帝十七年立子德文爲琅邪王。徙道子爲會稽王。太子德宗幼不慧。口不能言。寒暑飢飽亦不能辨。母弟德文常侍左右。爲之節適。

既即位王國寶王緒附道子威震內外王恭入赴山陵每及時政輒厲聲色勸道子納直言遠佞人道子憚之國寶等亦懼及恭還鎮國寶王緒乃勸道子裁損王恭殷仲堪兵權

隆安元年夏王恭遣使與仲堪謀討國寶等初桓元詣道子值其酣醉張目謂衆客

曰桓溫晚塗欲作賊云何元伏地流汗不能起由是切齒道子後出補義興今江南常州府宜興

太守爵鬱不得志歎曰父為九州伯兒為五湖太湖也有五道故名遂棄官歸至是欲假仲

堪兵勢作亂勸與恭約會恭使至仲堪許之恭遂上表罪狀國寶等舉兵討之國寶

上疏解職待罪道子闇弱欲求姑息乃賜國寶死斬緒於市遣使謝恭恭乃罷兵還

鎮仲堪兵亦罷

涼後涼呂光沮渠復蒙遜後以官為氏拔臨松今甘州府張掖縣據金山今甘州府山丹縣推建康今肅州高臺縣太

守段業為涼州牧尋稱涼王是為北涼

先是魏主珪遣其弟觚珪叔父翰之子入貢於燕燕主垂衰老諸子用事留觚求良馬珪弗

與遂叛燕垂遣太子寶伐魏大敗夜遁單騎僅免垂乃自引兵襲魏克平城今山西大同府

還卒於上谷今直隸保定府寶即位魏大舉伐燕取并州今山西太原府圍中山今直隸保定府城中將士

皆思出戰趙王麟寶弟屢沮之謀弑寶寶奔龍城今直隸大名府開封公慕容詳留守中山稱

帝麟襲殺之而自立。至是中山饑甚。珪欲攻之。太史令龔崇曰：不吉。紂以甲子亡。謂之疾日。珪曰：紂以甲子亡。武王不以甲子興乎？遂進與麟戰於義臺。今直隸正定府新樂縣大破之。麟奔鄴。魏遂克中山。

二年燕慕容德

對少子垂弟

徙居滑臺。

今河南衛輝府延津縣

稱燕土。是為南燕。慕容麟謀反伏誅。德

尋更名備德。稱帝。傳子超。至義熙六年。劉裕滅之。獲超送建康斬之。南燕凡二主。合十一年亡。

魏封爾朱復

姓

羽健於秀容川。

地近平城在山西大同府大同縣

羽健本秀容川酋長。從魏主珪攻晉陽

今山西太原府

中山有功。環其所居割地三百里封之。

燕衛卒段速骨作亂。攻龍城。尙書蘭汗陰與通謀。城陷。燕主寶與少子盛。輕騎南走。汗誘而弑之。並殺太子策。盛妃汗女也。欲赴哀。從者止之。盛曰：我今以窮歸汗。汗性愚淺。必念婚姻。不忍殺我。旬月之間。足展吾志。遂往見汗。汗哀之。舍於宮中。汗兄提驕狼。事汗無禮。盛因而閒之。兄弟漸生嫌忌。初汗遣弟加難誘寶。弑之於外邸。汗遂自稱昌黎。

今直隸永平府昌黎縣

王會龍城旱。汗日詣燕諸廟禱雨。委罪加難。加難怒叛汗。汗遣

太子穆擊破之。還饗將士。汗穆皆醉。盛因踰垣入東宮殺穆。諸軍聞盛得出。皆呼躍爭先攻汗。斬之。告於太廟。下令大赦。改元。以長樂今直隸廣平府廣平縣王攝行統制。尋稱帝。

魏遷都平城。今山西大同府大同縣亦稱帝。

王恭殷仲堪桓元反。元陷江州。今江西豫州府陳州刺史庾楷。以道子割其四郡。屬音祝

王愉。是年二月道子忌王殷之逼引譙王尚之及弟休之為腹心以其司馬王愉都督江州及豫之四郡軍事遣其子鴻說王恭曰。尚之兄弟復秉

機權。欲削方鎮。宜早圖之。恭以為然。以告殷仲堪及元。皆許之。司馬劉牢之諫曰。會

稽王道子叔父也。又當國秉政。向為將軍戮其所愛。其伏將軍已多矣。頃割庾楷四

郡。以配王愉。於將軍何損。晉陽之甲。春秋趙鞅取晉錫之甲以逐荀寅與士吉射晉陽趙鞅邑今直隸保定府定興縣豈可數興乎。

恭不從。上表請討王愉。司馬尚之兄弟。道子不知所為。悉以事委世子元顯。日飲醇

酒而已。仲堪聞恭舉兵。以軍事委南郡相楊佺期。佺期帥舟師五千為前鋒。元次之。

仲堪帥精兵二萬繼下。遂克江州。愉奔臨川。今江西撫州府元追獲之。尋劉牢之執恭送建

康斬之。以牢之代恭為都督。鎮京口。元為江州刺史。佺期為雍州今湖北襄陽府刺史。復以

仲堪督荆益軍。皆罷兵還鎮。明年仲堪佺期皆為桓元所殺。荆州大水飢元乘虛襲江陵佺期戰敗奔還與仲堪皆被

殺 三年冬孫恩 初妖人孫泰謀亂道子誘殺之兄子恩逃入海謀復仇 寇陷會稽殺內史王凝之時元顯專權生殺

任意東土囂然 時謂道子為東錄元顯為西錄以其父子前後錄尚書事也西府車騎填湊東第門可張羅國用虛竭公卿日糜七升元顯猶聚斂富踰帝室 恩因民心騷

動自海島攻會稽內史王凝之世奉天師道 即張道陵所傳 官屬請討之凝之曰我已請大

道借鬼兵守諸津要不足憂也恩遂陷會稽殺凝之 凝之出走被殺妻謝道韞聞寇至命婢肩輿抽刀出門手殺數人被執而死於

是應恩者衆數十萬恩號其黨曰長生人 畿內盜賊遙起人情危懼於是內外戒嚴命徐州 今江南徐州 刺史謝琰

及劉牢之討之琰與牢之轉門而前所向輒克初彭城 即徐州 劉裕 即宋高祖 勇健有大志

以賣履為業好撈蒲為鄉閭所賤牢之引參軍事使將數十人覘賊遇賊數千人即

迎擊之從者皆死裕墜岸下賊臨岸欲下裕奮長刀仰砍殺數人乃得登岸仍大呼

逐之殺傷甚衆劉敬宣 牢之子 怪裕久不返引兵尋之見裕獨驅數千人咸共歎息因

進擊賊大破之恩復逃入海島朝廷憂恩復至以琰為會稽太守恩尋復至琰敗死

是年後涼主光卒太子紹立庶兄纂弑之而自立明年呂超弑纂而立其兄隆 超隆皆光

從子 未幾降秦秦滅之後涼自呂光至隆亡凡四主合十九年

四年北涼 段業 以李暠 高上 為敦煌 今甘肅肅州 太守暠尋自稱涼公是為西涼暠卒子歆立

北涼蒙遜滅之。凡二主。合二十二年。

秦主興擊西秦。西秦主乾歸戰敗。奔南涼。禿髮利鹿孤恐為利鹿孤所殺。遂奔秦。復逃歸

苑川。今陝西鳳翔府寶雞縣稱王。義熙八年。為乞伏公府。國仁子所弑。子熾磐殺公府自立。遷都抱

罕。今甘肅蘭州府河州傳子暮末。至宋元嘉八年。夏滅之。凡四主。合四十七年。

五年北涼沮渠蒙遜弑其君段業。自稱張掖公。今甘肅甘州府亦號北涼。後稱王。義熙八年

遷都姑臧。傳子牧犍。宋元嘉十六年魏滅之。凡三主。合四十三年。

燕段璣弑其君盛。盛以父寶懦弱而亡務峻威刑叔父熙殺璣自立。熙養子高雲旋弑熙而篡之。熙無道燕將軍

馮跋因民怨作亂推雲為主尋為寵臣離班桃仁所弑。馮跋討殺班仁。自立為天王。是為北燕。後燕

白慕容垂至熙。凡四主。又高雲篡立一年。合二十五年。元興元年。是年改元以元顯為大

都督。劉牢之為前鋒。討桓元。元先舉兵東下。牢之叛附於元。元入建康。自為太尉。殺

道子元顯尚之等。以牢之為會稽內史。牢之以元奪其兵權。議討元。參軍劉襲曰。事

之不可者。莫大於反。將軍往年反王兗州。王恭近日反司馬郎君。元顯今復反桓公。桓元

人三反。何以自立。佐更多走散。牢之懼。縊而死。

孫恩寇臨海。

今浙江台州府

郡兵擊破之。恩赴海死。元以恩黨盧循爲永嘉今浙江温州府太守。

二年桓元自稱楚王。尋稱帝。廢帝爲平固。

故城在江西贛州府

王遷於潯陽。今江西九江府元入建康宮。

登御座。牀忽陷。羣下失色。殷仲文塘弟曰。將由聖德深厚。地不能載。元大悅。

三年劉裕與何無忌

牢之甥

同舟還京口。密謀興復。劉毅家京口。亦與無忌謀。無忌曰。

草澤之中。非無英雄。毅曰。所見惟有劉下邳。

今江南淮安府邳州。裕初爲下邳太守。

裕亦謂孟昶曰。草間

當有英雄起。卿頗聞乎。昶曰。今日英雄有誰。正當是卿耳。於是裕毅無忌昶及裕弟

道規諸葛長民等。相與合謀起兵。移檄遠近。桓元懼甚。或曰裕等烏合微弱。勢必無

成。元曰。劉裕足爲一世之雄。劉毅家無儋

音旦。兩嬰曰儋。

石之儲。擣蒲一擲百萬。何無忌酷

似其舅。

劉牢之

共舉大事。何謂無成。乃使弟謙拒之。裕與劉毅身先士卒。因風縱火。元

謙皆敗。元挾帝單舸走江陵。

今荊州府江陵縣

校尉毛脩之

益州刺史毛璩弟子。前年璩起兵討元。

誘元入蜀。會毛

璩弟甯州

今雲南雲南府

刺史璠卒官。璩使兄孫祐之帥數百人送其喪。遇元於枚回洲。

在荊州江

陵縣西南

迎擊之。督護馮遷抽刀而前。元曰。汝何人。敢殺天子。遷曰。我殺天子之賊耳。遂

斬之。帝復位。

明年璩爲參軍。謙縱所殺縱。自稱成都王。降秦封蜀王。

義熙元年

是年改元。

以盧循爲廣州刺史。循遺劉裕益

智粽。裕報以續命湯。義熙六年循寇陷長沙。今湖南長沙府。其黨徐道覆陷南康。今江西南康府。諸郡何無忌討之。戰敗握節而死。循復寇番禺。今廣東番禺縣。不克走。

交州。今廣東梧州府。刺史杜慧度擊斬之。徐道覆亦為兗州刺史劉藩。毅從弟。所殺。

三年赫連勃勃自稱大夏天王。尋稱帝。初魏滅劉衛辰。勃勃奔秦。秦主興奇之。弟邕

極諫勃勃不可近。弗聽。使鎮朔方。今山西朔平府。遂叛秦。柔然。其君社崙自號豆代可。汗吞併諸部。遂雄北方。獻馬於秦。

勃勃掠取之。襲殺沒奕干而併其衆。時攻秦侵掠諸城。興歎曰。吾不用黃兒。姚弋弼。小字。言

以至於此。勃勃擊破南涼積尸。而封之號曰憫饑臺。五年魏拓跋紹弒其君珪。初珪將立齊王嗣為太子。先

殺其母劉貴人。嗣日夜哀泣。珪怒。嗣恐禍。乃逃於外。賀太后。珪妹美。珪殺其夫納之。

生清河王紹。紹凶狠無賴。珪嘗倒懸井中。垂死乃出之。至是將殺賀夫人。紹母。夫人告

紹曰。何以救我。紹夜與宦者宮人通謀。入宮殺珪。將軍安同等迎嗣還。誅紹。並殺賀

夫人。嗣遂即位。珪嘗置五經博士。增國子生員。問博士曰。天下何物可以益人神智。對曰。莫如書。籍。珪遂命郡縣大索之。又置六謁官。有鳧鴨白鷺諸名目。倣古龍官鳥官之制也。八年

冬劉裕襲荊州。殺都督劉毅。毅頗涉文雅。朝士有清望者多歸之。與僕射謝混。丹陽

尹郗僧施。超從孫。深相結。陰有圖裕之志。會疾篤。僧施勸毅請從弟兗州刺史藩。劉藩。以

自副。裕偽許之。藩入朝。裕以詔書罪狀毅。以藩及混共謀不軌。賜死。遂帥諸軍襲江

陵及毅覺。先驅王鎮惡已入城。毅縊而死。僧施亦被殺。時諸葛長民留建康監府事。聞毅被誅。曰：往年醢彭越。今年殺韓信。禍其至矣。因遺書劉敬宣。有富貴與共之語。敬宣以書呈裕。裕自江陵還。潛入東府。長民聞之。驚趨至門。裕伏兵殺之。

九月夏主勃築統萬城。曰：朕方統一天下。君臨萬邦。新城宜名統萬。今陝西延安府

益州刺史朱齡石伐蜀入成都。譙縱走死。

十年西秦乞伏熾磐襲滅南涼。以禿髮儁檀歸。殺之。南涼自烏孤傳弟利鹿。利鹿傳弟儁檀亡。凡三主。合十八年。

十一年北涼主蒙遜遣使上表內附。朱齡石先遣使喻以朝廷威德也

十二年秦主興卒。太子泓立。西秦熾磐遣使內附。劉裕以爲西平將軍河南公。

十三年西涼公李暠卒。世子歆立。遣使來告襲位。以歆爲鎮西大將軍。至元熙二年。

北涼主蒙遜誘歆與戰。殺之。歆有子曰重耳奔魏。後爲唐之祖。西涼自李暠據敦煌。至歆亡。凡二主。合二十二年。

先是劉裕遣將軍檀道濟王鎮惡猛孫伐秦。留世子義符監府事。劉穆之領軍司。穆之

內總朝政。外供軍旅。決斷如流。事無壅滯。求訴諮稟。盈階滿室。穆之目覽耳聽。手答口酬。不相參涉。悉皆瞻舉。道濟尋克。洛陽至。是鎮惡入長安。秦主泓降。裕至。送泓建

康斬之。尋東還。留子義真。時年十三都督雍梁秦州諸軍事。後秦自姚萇據長安。至泓亡。

凡三主。合三十四年。初裕入洛。湯魏主嗣問博士祭酒崔浩曰。劉裕克乎。對曰。姚興好事虛名。子泓懦弱兄弟乖爭。裕乘其危。兵精將勇。必克之。嗣曰。裕既入關。不能進退。我以精騎直

擣彭城。裕將若何。對曰。諸將用兵。皆非裕敵。不如靜以待之。裕克秦而歸。必纂其主。臣嘗私論近世將相若王猛之治國。苻堅之管仲也。慕容恪之輔幼主。慕容暉之霍光也。劉裕之平禍亂。司馬德宗安帝名之

曹操也。願且按兵觀變。秦地終為國家之有。嗣笑曰。卿料之審矣。夏主勃勃聞裕東還。大喜。召王買德問計。買德曰。關中形

勝之地。而裕以幼子守之。狼狽而歸。正欲急成篡事。不暇復以中原為意。此天以關

中賜我。不可失也。勃勃乃遣兵向長安。關中人素重王猛。是役也。鎮惡功為多。南人

忌之。及夏兵至。關中民降者屬路。沈田子將兵拒之。畏其眾不敢進。鎮惡勸與俱進。

田子遂誘鎮惡至。傅弘之營計事。使人斬之。長史王脩討殺田子。弘之擊夏兵却之。

時十四年正月也。

十四年冬。義真殺王脩。義真賜與無節。脩每裁抑之。左右皆怨。脩欲反。遂見殺。關中大亂。勃勃陷長安。裕聞之。使召

義真歸。以朱齡石守關中。義真將士大掠而東。夏兵追之。弘之被禽不屈而死。義真

匿草中。參軍段宏尋得之。束之於背。單馬逃歸。齡石亦為夏兵所殺。勃勃稱皇帝。尋

還統萬。留赫連瓚勃子守長安。劉裕以讖云昌明孝武帝字之後。尚有二帝。乃使侍郎王韶

之。虞曾孫與帝左右密謀弑帝。帝弟德文常在左右。不得間。會德文病。出居外。韶之以

散衣縊帝於東堂。裕因稱遺詔。奉德文即位。是為恭帝。

元熙元年。宗室司馬楚之據長社。許州劉裕誅翦宗室之有才望者。楚之叔兄皆

死。及從祖休之奔秦。初休之為荊州都督裕攻之休之奔秦秦亡奔魏尋卒裕之攻休之也密書招其

不臣劉氏楚之乃亡匿汝今河南汝州穎今河南臨潁縣間。聚眾以謀復仇。楚之少有英氣。折節下士。有

眾萬餘。據長社。裕使刺客沐謙往刺之。楚之待謙甚厚。未得間。乃夜稱疾。欲因楚之

間疾而刺之。楚之果自齋藥往視。情意勤篤。謙不忍發。乃出匕以狀告。曰將軍深為

劉裕所忌。願勿輕率。以自保全。遂委身事之。為之防衛。裕始自加相國。封宋公。備九

錫。尋進爵為王。辭不受。至是始受。楚之尋奔魏屢伐宋

二年夏。劉裕稱皇帝。廢帝為零陵。今湖南永州府王遷居秣陵。今江寧府上元縣以兵守之。裕欲受禪。

而難於發言。乃集朝臣宴飲。從容言曰。桓元篡位。鼎命已移。我倡義興復。平定四海。

功成業著。物忌盛滿。今欲奉還爵位。歸老京師。中書令傅亮悟其意。夜叩扉請見。曰

臣暫宜還都。

時裕鎮壽陽。今安徽鳳陽府壽州。

裕無他言。亮至建康。徵裕入輔。具詔草使帝書之。帝欣

然操筆。謂左右曰。桓元之時。晉氏已無天下。重為劉公所延。將二十載。今日之事。本

所甘心。遂書赤紙為詔。遜於琅邪第。秘書監徐廣

遼弟

流涕哀慟。裕為壇於南郊。卽位。

廣又悲感流涕。侍中謝晦曰。徐公得無小過。廣曰。公為宋朝佐命。身是晉室遺老。悲

歡之事。固不可同。裕臨太極殿大赦。改元永初。是為宋高祖武帝。東晉亡。

明年劉裕弒零陵王於秣陵。初裕以毒酒一罌。授前琅邪郎中令張偉。使酖王。偉歎

曰。酖君以求生。不如死。乃自飲而卒。太常褚秀之。侍中褚淡之。皆王妃兄也。

后父爽秀淡皆

爽王深慮禍及。與褚妃共處一室。自煮食於牀前。宋人莫得伺其隙。至是裕令淡之

往視妃。妃出別室相見。兵人踰垣而入。進藥於王。王不肯飲。曰。佛教教目殺者。不復得

人身。兵人以被掩殺之。裕帥百官臨於朝堂三日。潯陽

今江西九江府

陶潛字元亮。初名淵

明。後改潛。侃之曾孫也。少有高趣。博學不羣。自以先世為晉輔。恥復屈身後代。累徵

不起。嘗為彭澤

今九江府彭澤縣

令。在官八十餘日。郡遣督郵

主糾察郡吏郡錄事也

至縣。吏請束帶見之。

潛曰。我豈能爲五斗米折腰。卽解印綬去。賦歸去來辭。著五柳先生傳。桃花源記。以寄感。後宋將復徵之。會卒。世號靖節先生。

右東晉十一帝共一百四年。合兩晉一十五帝共一百五十六年。

劉宋紀

晉亡天下分爲南北朝。居江南者爲南朝。居江北者爲北朝。宋主裕篡晉未幾殂。子義符立。親狎羣小。遊戲無度。徐羨之傅亮謝晦等廢爲營陽王。尋弒之。義真當次立。

羨之等惡其與謝靈運

元孫襲封康樂公。性褊傲不遵法度。後遊山百姓驚。爲山賊被收。有韓亡子房奮秦帝魯連恥句遂棄市。

顏延之含曾孫善文章與靈運齊名嗜

酒放縱狂歌於酒店。中文帝嘗召之。不見。後子竣以討邵功封右將軍。貴重無比。凡所資供。延之一無所受。布衣茅屋。蕭然如故。常乘羸牛笨車。逢竣鹵簿。卽屏住道側。竣起宅。延之曰。善爲之。無令後人笑汝拙也。嘗早詣竣。見賓客盈門。竣尚未起。怒曰。汝出糞土之中。升雲霞之上。遽驕佚如此。其能久乎。後宋主駿奢淫。竣數諫。被誘見殺。

遊。並殺義真。迎立武帝第三子義隆。是爲文帝。文帝誅徐傅謝等。

初羨之錄尚書事。以蔡廓爲吏部。尚書欲與共參。同異廓曰。我不能爲徐干木。羨之小字。署紙尾。遂不受。晦兄瞻謂晦。勢傾朝野。非

門戶之福。乃以籬隔門庭。曰。吾不忍見此。

仁儉勤政。江左晏然。世稱元嘉之治。時王華王曇首殷景仁劉湛爲

侍中。風力局幹。冠冕一時。黃門侍郎謝弘微。精神端審。不忘語笑。皆宋主所重。時號

五臣。弘微從叔混常曰。微子異不傷物。同不害正。混卒。弘微爲之紀理家業。一錢尺帛皆有文簿。

未幾彭城王義康爲司徒。專總朝權。勢傾

遠近。劉湛爲領軍。忌殷景仁爲僕射。欲倚義康以傾之。宋主誅湛。出義康爲江州刺

史。初魏主嗣當營陽王時。擊宋取青兗河南諸郡。文帝有恢復之志。先遣使說之。魏

主燾 嗣子即太武帝怒曰。我生髮未燥。已聞河南是我地。必若進軍。當權斂戍相避。冬寒冰

合。自更取之。宋到彥之等。遂取河南。是冬魏攻陷洛陽虎牢。彥之聞之。欲引兵還。諸

將勸守滑臺。不聽。焚舟棄甲。步趨彭城。尋下獄。檀道濟救滑臺。與魏三十餘戰。皆捷。

會食盡不能進。魏人追之。道濟夜唱籌量沙。以餘米覆其上。魏軍謂糧有餘。疑有伏

兵。乃引去。朱脩之堅守滑臺數月。糧盡與士卒熏鼠食之。城陷被執。魏嘉其守節。以

爲侍中。於是並失滑臺。道濟立功前朝。身經百戰。朝廷疑畏。劉湛譖於義康。稱詔誅

之。道濟見收。目光如炬。脫幘投地。曰。乃壞汝萬里長城。魏人聞之。喜曰。道濟死。吳子

輩不足憚。後魏兵臨江。文帝登石頭城。歎曰。道濟若在。豈使胡馬至此。魏兵尋掠民

居。焚廬舍而去。義康之出刺江州也。問沙門慧琳曰。弟子有還理否。琳曰。恨公不讀

數百卷書。琳著高屐。披貂裘。善談論。文帝與議朝政。孔顓曰。遂有黑衣宰相。可謂冠

履失所矣。初孔默之爲廣州刺史。以贓獲罪。義康救解得免。及義康遷豫章。

默之子熙先通術數。謂江州應出天子。密懷報効。以太子詹事范曄志意不滿。引與同謀。事泄。曄等皆伏誅。廢義康爲庶人。徙安成郡。今江西吉安府尋以胡誕世子藩反。爲義恭所譖。遂殺之。

魏主燾小字佛狸鷲勇知兵。破夏赫連昌滅燕滅涼。逐吐谷渾。又擊破柔然。一名蠕蠕時夏主勃

勃殂。子昌立。屢敗於魏。被執。魏主以妹妻之。封會稽公。尋謀叛。見殺。平原王定卽位。

平涼。今甘肅平涼府復取長安。尋滅秦。以秦主暮末歸殺之。旣而魏克平涼。復長安。定濟河。

欲奪北涼主蒙遜地。吐谷渾主慕瓚。遣騎三萬。乘其半濟。邀擊之。執定。送於魏。遂被

殺。夏自勃勃至定亡。凡三主。合二十六年。朱脩之之被執也。魏使鎮雲中。今山西太原府旣

與南人謀殺魏主。事泄。脩之奔燕。由是魏數伐燕。燕稱藩於魏。魏徵其太子入朝。燕

主不遣。復稱藩於宋。遣脩之汎海南歸求救。宋封爲燕王。謂之黃龍國。卽和龍又名龍城。今直隸大名

府長垣縣尋魏復伐燕。燕主弘奔高麗。居二年。復請迎於宋。高麗人殺之。北燕自馮跋至

子弘亡。凡二主。合二十八年。北涼主牧犍。魏主燾之妹婿也。其嫂李氏。毒魏公主。魏

主遣醫救之得愈。因徵李氏。牧犍不遣。初西秦滅南涼。僖檀子賀奔魏。魏主嗣愛賀

之才。謂曰。卿之先與朕同源。

俱鮮卑種

賜姓源氏。至是魏伐涼。以源賀爲鄉導。克姑臧。牧

犍降。魏主仍待以妹婿之禮。拜征西大將軍。河西王如故。後有告其謀反者。遂賜死。

北涼自段業改元。蒙遜篡立。至子牧犍亡。凡三主。合四十三年。吐谷渾者。慕容廆之

庶兄也。居青海西南。有子六十人。孫葉延好學。以爲禮公侯之子。得以王父氏爲字。

乃號其國曰吐谷渾。傳至阿柴。侵併旁小。遂爲強國。阿柴有子二十人。病篤。以位傳

弟慕瓚。

同

命諸子各獻一箭。取一箭授其弟慕利延。使折之。慕利延折之。又取十九

箭使折之。不能折。乃諭之曰。孤則易折。衆則難摧。汝曹當戮力一心。然後可以保國。

寧家言終而卒。後宋封慕利延爲隴西

今甘肅蘭州府

王。初北涼稱藩於魏。魏封爲河西王。

及涼滅。牧犍仍故爵。其弟無諱據高昌。

今土魯番地

奉表於宋。宋封無諱爲河西王。高昌

者。涼故太守闕爽治。爲無諱所襲。爽奔柔然。柔然自車鹿會。始有部衆。傳至敕連可

汗。及其子處羅克汗。國寢強。魏屢伐之。不肯下。宋元嘉二十五年。復伐之。大獲其輜

重。柔然遂弱。不敢犯魏塞。是時魏主威振殊俗。東胡西域。來朝貢者十六國。用崔浩

爲謀臣。嘗指示屬國曰。此人纖弱。不能彎弓持矛。然胸中所懷。過於甲兵。至元嘉二

十七年。乃殺浩夷其族。初魏主使浩撰國記。曰務從實錄。著作令史閔湛郟標。性巧佞。勸浩刊所撰於石。以彰直筆。所書魏先世事皆詳實。列於衢路。北人無不忿恚。以爲暴揚國惡。魏主大怒。浩遂得罪。是年宋主欲大舉伐魏。王元謨等勸之。沈慶之諫曰。耕當問奴。織當問婢。今欲伐國。而與白面書生謀。事何由濟。不聽。遣元謨等侵魏。取碭礮。今山東莒平縣東南進圍滑臺。魏主自將救之。元謨懼退。魏人追破之。引兵南下。臨江。揚子而還。凡破南兗。徐兗。豫。青。冀。六州。殺掠不可勝計。所過郡縣。赤地無餘。嬰兒貫槊。以爲戲。春燕歸巢於林木。魏之士馬。死傷亦過半。宋主命將出師。每授以成律。交戰日時。又江南白丁。輕進易退。故及於敗。自是邑里蕭條。元嘉之政衰矣。按南兗今江州府青。青州府冀。濟南府

徐州豫壽州兗今山東兗州府青。青州府冀。濟南府

魏主還未幾。侍中宗愛弒之。立安南王余。子尋又弒之。燾孫濬立。是爲文成帝。誅愛夷其族。

初吳興。今浙江餘杭縣巫嚴道育。巫女自言能役使鬼物。因東陽宮主婢王鸚鵡出入主家。太

子劭及弟濬惑之。劭濬多過失。數爲宋主詰責。遂與道育鸚鵡。及黃門陳慶國。共爲

巫蠱。琢玉爲宋主像。埋於含章殿前。已而慶國白其事。宋主大驚。卽遣收鸚鵡。封籍其家。得劭潛書。及所埋玉人。命有司窮治其事。道育亡命。遣中使切責劭潛。赦不誅。尋欲廢劭以告潘淑妃。淑妃告潛。潛告劭。劭使其黨張超之。夜拔刃上合殿。宋主見超之入。舉儿捍之。五指皆落。遂弑之。文帝第三子武陵王駿。舉兵誅劭潛。並道育鸚鵡超之等。遂卽位。是爲孝武帝。以宗慤爲豫州刺史。故事。府州部內論事。典籤直叙其事於籤前。皆朝廷親近左右爲之。刺史不得專其職。及慤爲豫州。吳喜爲典籤。每多違執。慤大怒。曰。宗慤年將六十。爲國竭命。止得一州如斗大。不能復與典籤共臨之。喜稽顙流血乃止。慤家世儒素。獨慤好武事。嘗言願乘長風破萬里浪。文帝時。檀和之討林邑。遣慤爲前鋒。敗其別將。林邑主范陽邁傾國來戰。以具裝甲被象。前後無際。慤曰。吾聞外國有獅子。威服百獸。乃製其形。與象相拒。象果驚走。遂克林邑。獲寶不可勝計。慤一無所取。還家之日。衣櫛蕭然。宋主機警博洽。工文章。善騎射。好狎侮羣臣。呼王元謨爲老儉。劉秀之爲老慳。大脩宮室。土木被錦繡。與羣臣觀高祖所居陰室。牀頭有土障。壁上挂葛燈籠。麻蠅拂。侍中袁顛。盛稱高祖儉素之德。宋主

曰田舍翁得此已爲過矣。乃壞其室。改造玉燭殿。在位十一年。殂。太子子業立。孝武

疎忌骨肉。殺南平王鑠。武昌王渾。由是義宣反江州。淫義宣諸女恨而反竟陵名反江陵。誕寬而有禮誅劾及

義宣皆有功宋主忌之誕數其罪曰陛下宮闈之醜豈可三緘休茂反襄陽。雖先後伏誅。而義宣子十六人。誕母妻親屬。

廣陵士民數千餘人。皆死無辜。既出宣陽門。敕左右呼萬歲。蔡興宗獨不呼。曰陛下

今日正宜涕泣行誅。豈得皆稱萬歲。子業繼之。殺江夏王義恭。新安王子鸞。南海王

子師。幽其諸父。湘東王彧。建安王休仁。山陽王休祐於殿內。毆捶陵曳。謂彧爲猪王。

休仁爲殺王。休祐爲賊王。又謂東海王禕爲驢王。於是彧主衣阮佃夫。及子業左右

壽寂之王敬則等。陰謀弑子業。子業嘗遊華林園竹林堂。使宮人僕相逐。嘗與姊山陰公主同輦主

淫恣謂曰陛下六宮萬數妾惟駙馬一人一人不從。斬之。夜夢女子罵曰。悖虐不道。明年不及

熟矣。巫覡音亦皆事鬼神者女曰巫男曰覡因言竹林堂有鬼。子業乃屏侍衛。與羣巫綵女。射鬼於竹

林堂。壽寂之等弑之。而立湘東王彧。文帝第十子是爲明帝。晉安王子勛。孝武第三子自立於潯

陽。帝擊殺之。遂殺孝武子安陸王子綏。臨海王子頊。邵陵王子元等。二十餘人。帝無

子。以宮人陳氏。賜嬖人李道兒。已復迎還。生昱。立爲太子。以其幼弱。深忌諸兄弟。遂

又殺其兄禕。弟休仁休祐休若。惟休範以庸劣得全。甚至裸婦人以爲樂。王皇后景王

文以扇障面曰。爲樂之事。其方自多。豈有姑姊妹集。而以此爲笑乎。作湘宮寺。自謂

此是我大功德。虞愿曰。此皆百姓賣兒貼婦錢所爲。何功德之有。未幾殂。太子昱立。

蕭道成袁粲褚淵劉秉同秉國鈞。號爲四貴。昱自知爲李道兒子。每微行。自稱李將

軍。嘗著小袴衫。營署巷陌。無不貫穿。於是桂陽王休範。舉兵潯陽。建平王景素。宣簡王宏

子太祖長孫舉兵京口。皆敗死。昱驕恣益甚。無日不出。從者執鋌矛。逢無免者。民間擾懼。

門戶晝閉。鍼椎鑿鋸。不離左右。一日不殺。則慘然不樂。嘗直入領軍府。道成晝臥。裸

袒。昱令起立。晝腹爲的。引滿將射之。道成歛板。手板曰。老臣無罪。乃更以飽。音箭。骨鏃。箭不

能傷人射中其臍。投弓大笑。道成憂懼。乃命校尉王敬則。陰結昱左右。使伺機便。會昱

乘露車。與左右於臺岡賭跳。晚至新安寺偷狗。飲酒醉還。左右弑之。馳詣領軍府。道

成以太后。即王皇后令召諸大臣入議。敬則拔刀跳躍曰。天下事皆應關蕭公。敢有開一

言者。血染敬則刃。褚淵曰。非蕭公無以了此。道成遂迎立安成王準。明帝第三子。實休範子時年

十一。追廢昱爲蒼梧王。昱被弑。年十四袁粲謀誅道成。褚淵發其謀。粲父子被殺。百姓哀之。

曰可憐石頭城。寧爲袁粲死。不作褚淵生。劉秉與粲同謀。亦父子被殺。沈攸之舉兵討道成。軍潰走死。道成遂稱齊王。迫宋受禪。順帝泣而彈指曰。願後身世世勿復生天王家。遂廢爲汝陰王。旋弑之。而滅其族。在位二年時十四歲初王儉爲道成畫策。曰當先令褚公知之。道成恐淵不從。任遐曰。彥回淵字惜身保妻子。非有奇才異節。遐能制之。淵果無違異。淵入朝。以腰扇障日。征虜功曹劉祥曰。作如此舉止。羞面見人。扇障何益。淵曰。寒士不遜。祥曰。不能殺袁劉。安得免寒士。處士何點。戲謂人曰。我作齊書已竟。其贊曰。淵旣世族。儉亦國華。不賴舅氏。遑恤國家。點尙之之孫也。淵儉母皆宋公主。故點云然。宋自武帝裕篡晉。至順帝準亡。凡八主。合六十年。

齊紀

齊高帝道成。性清儉。每日使我治天下十年。當使黃金與土同價。篡宋二年。殂。太子顛立。是爲武帝。以子竟陵今湖北安陸府王子良爲司徒。子良傾意賓客。范雲蕭琛任昉王融蕭衍謝朓沈約陸倕。並以文學見親。號曰八友。柳惲王僧孺江革范縝孔休源預焉。子良好釋氏。縝盛稱無佛。子良曰。君不信因果。縝曰。人生如樹花同發。隨風而散。

或拂簾幌。墜茵席。或關籬牆。落糞溷。墜茵席者。殿下是也。落糞溷者。下官是也。貴賤

雖殊。因果何在。中書舍人紀僧真。得幸於齊主。請曰。臣出自武吏。階榮至此。無復所

須。唯乞作士大夫。時江數孫湛為都官尚書。齊主曰。此由江數謝淪弟。可自詣之。僧真

詣數。登榻坐定。數顧左右曰。移吾牀遠客。僧真喪氣而退。齊主留心政事。嚴明有斷。

長吏犯法。封刃行誅。故永明之治。民安盜息。在位十一年。殂。太孫昭業立。寵幸中書

舍人蔡母珍之等。有司相謂曰。寧拒至尊敕。不可違舍人。與羣小微服走市里。擲塗

賭跳。作諸鄙戲。蕭鸞弑之。立其弟昭文。又弑之。遂自立。是為明帝。鸞高帝兄道生子

也。高帝養之。恩過己子。半年之中。連弑鬱林昭業海陵昭文二王。前後殺高武子孫。殆無

遺類。初鸞自以胛音夾背上有赤誌。謂王洪範曰。人言此是日月相。卿幸勿泄。洪範曰。

公日月在軀。如何可隱。及弑立。魏主宏遣兵臨江。數其罪而還。在位五年。殂。太子寶

卷立。大中大夫羊闡入臨。無髮。俯仰憤脫。寶卷輟哭大笑。謂左右曰。禿鶩啼來乎。在

東宮嬉戲無度。及即位。不與朝士相接。專親信宦官。及左右提刀應敕之徒。時人謂

之刀敕。初始安王遙光明帝鸞兄。尚書令徐孝緒。僕射江祐。將軍蕭坦之。侍中江祀。衛

尉劉暄。鸞后之弟。祀鸞母之姪。更直閣省。雍州刺史蕭衍。謂參軍張宏策曰。六貴同朝。亂將作矣。

未幾遙光。祀謀廢立。被殺。孝緒坦之暄。及將軍沈文季。侍郎沈昭畧。文季皆以疑

謗死。嬖寵姑法珍。梅蟲兒等。並為外監。口稱詔敕。寶卷呼法珍為阿父。蟲兒為阿兄。

數往諸刀。敕家游宴。躬自汲水。助厨人作膳。每出常以三四更。火光照天。幡戟橫路。

士民驚震。嘗至沈公城。遇婦人臨產不下。因剖腹視男女。奄人王寶孫。年十三四。號

俚子。最有寵。參預朝政。移易詔敕。騎馬入殿。詆訶天子。公卿見之。莫不懾息焉。時嬖

倖之徒。皆號為鬼。會後宮火。有趙鬼者。能讀西京賦。東漢張衡所作言於齊主曰。柏梁既災。

建章是營。西京賦曰。柏梁既災。越巫陳方。建章是經。用歷火祥。西漢武帝太初元年。柏梁臺災。越巫勇之曰。越俗有火災。復起屋。必有大用勝服之。乃作建章宮。齊主乃大起

芳樂玉壽諸殿。以麝塗壁。刻畫裝飾。窮極綺麗。後宮服御。極選珍奇。鑿金為蓮花。以

貼地。令潘妃行其上。曰。此步步生蓮花也。於是太尉陳顯達。舉兵江州。數齊主罪惡。

齊主遣將軍崔慧景擊之。顯達敗死。尋慧景奉江夏王寶元。明帝第三子為主。還兵逼建

康。豫州刺史蕭懿方食。聞之投箸而起。濟江破之。慧景走死。懿衍之兄也。初行鄖州

今湖北事。衍勸早圖避禍。及為尙書令。或以齊主出入無度。勸因其出門廢之。皆不

德安府

聽。茹法珍等。憚懿。譖其謀廢立。長吏徐曜甫。密具舟勸懿奔襄陽。懿曰。自古皆有死。豈有叛走尚書令耶。齊主遂賜懿藥。懿且死。曰。家弟在雍。深為朝廷憂之。衍聞懿死。引兵東下。圍建康。寶卷遣將軍王國珍將兵拒之。大潰。法珍蟲兒說寶卷曰。大臣不留意。宜悉誅之。珍國等懼。乃弑寶卷。送首於衍。衍入屯閱武堂。追廢寶卷為東昏。直今隸大名府東明縣。侯。在位二年。壽十九歲。潘妃有國色。衍欲留之。以問領軍王茂。茂曰。亡齊者此物。留之恐貽外議。乃並法珍等誅之。下令大赦。凡昏制謬賦淫刑濫役。悉皆除盪。時和帝中興元年十二月也。先是三月南康王寶融。明帝第八子自立於江陵。改元中興。是為和帝。衍有受禪之志。沈約進曰。齊祚已終。明公當承其運。若天子還都。公卿在位。則君臣分定。豈復有人同公作賊。衍然之。後約夢和帝以劍斷其舌至是自為相國。進爵梁王。齊主發江陵。至姑孰。下詔禪位於梁。梁王衍即位。廢齊主為巴陵。今湖南岳州府巴陵縣王尋弑之。在位一年。壽十六歲。齊亡。齊凡七主。合二十四年。

梁紀

梁主衍。齊之疏族也。母張氏。見菖蒲生花吞之。生衍。有文在右手。曰武。及篡齊。置謗

木肺石。秋官大司寇以肺石達窮民象肺形肺主聲函。橫議投謗木函。寃沈投肺石函。立孔子廟。宋書脩孔子廟至是淮南皆爲

魏境孔廟隔絕興州郡學。馮翊。今陝西西安府吉翊父被誣逮罪。翊年十五。搗登聞鼓。乞代父命。梁主始創立之。

梁主以其幼。疑人教之。使廷尉訊之。翊曰。囚雖愚幼。豈不知死之可憚。顧不忍見父

極刑。此非細故。奈何受人教耶。上乃宥其父罪。丹陽尹王志欲舉充純孝。翊曰。異哉

王尹。何量粉之簿乎。父辱子死。道固當然。若翊當此舉。是因父取名。何辱如之。固拒

而止。天監。梁主即位改元天監六年。魏中山王英。即元英齊明帝建武三年魏改姓元氏與將軍楊大眼等。衆數十萬。

攻鍾離。今安徽鳳陽府鳳陽縣跨淮爲橋。樹柵數百步。城中纔三千人。刺史昌義之。隨方抗禦。梁

主命豫州刺史韋叡救鍾離。受都督曹景宗節度。叡帥師行。值澗谷輒飛橋以濟。或

勸緩行。叡曰。魏人已墮吾腹中。卿曹勿憂也。梁主豫敕景宗曰。韋叡卿之鄉望。宜善

敬之。景宗見叡禮甚謹。梁主聞之。曰。二將和。師必濟矣。乃命豫裝高艦。與魏橋等。爲

火攻之計。叡攻其南。景宗攻其北。三月淮水暴漲六七尺。叡使馮道根等。乘艦擊魏

洲上軍盡燹。別以小船載草灌膏焚其橋。風怒火盛。煙塵晦冥。死士拔柵斫橋。倏忽

俱盡。道根等身自搏戰。魏軍大潰。英脫身走。大眼亦焚營去。水死斬首生擒。二十餘

萬人收資糧器械山積。景宗還。值梁主在華光殿。與羣臣飲酒賦詩。時韻已盡。止餘

競病二字。景宗操筆立成。曰。去時兒女悲。歸來笳鼓競。借問路傍人。何如霍去病。梁

主嘉歎不已。時徐勉為吏部尚書。嘗與門人夜集。客求官。勉正色曰。今夕止可談風

月。不可及公事。時人服其無私。天監八年。魏使中書舍人董紹慰諭叛城。石草生人名

囚送建康。梁都梁主遣歸。謂曰。今聽卿還。通兩家之好。戰爭多年。民物塗炭。吾是以不

恥先言。夫立君以為民也。凡在民上。豈可不思此乎。紹還言之。魏主宣武帝不從。尋魏

元志攻潺溝。在襄陽縣北梁荊州司馬朱思遠擊破之。斬首萬餘級。天監十四年。魏主恪

殂。太子詡立。胡太后稱制。後五年。侍中元乂幽太后於北宮。始遣使如梁通好。未幾

梁義州今湖北黃州府羅田縣刺史文僧明以州降魏。魏軍來援。梁遣裴邃督軍往討。深入魏境。

復取義州。梁將湛僧智圍魏廣陵。魏置今光州息縣司州今河南彰德府刺史夏侯夔引兵助之。魏元

慶和舉城降。夔以讓僧智。僧智曰。慶和欲降公。僧智今往。必乖其意。公持軍素嚴。必

無侵暴。受降納附。深得其宜。夔乃登城。拔魏幟。建梁幟。慶和束兵而出。吏民安堵。由

是義陽今河南信陽州北道。遂與魏絕。

先是魏文成帝濬殂。太子弘立。是爲獻文帝。在位七年。聰睿剛斷。賞罰嚴明。取宋淮
北四州。及豫州淮西青冀地。好黃老浮屠之學。常有遺世之心。年十八。卽傳位太子
宏。生五年矣。有至性。前年魏主病癰。親吮之。至是卽位。是爲孝文帝。尊魏主爲太上
皇。上皇以李奕幸於馮太后。文成帝 濬后 誅之。爲太后所弑。太后稱制十四年。殂。初后忌
帝英明。屢欲廢之。及殂。帝勺飲不入口者五日。羣臣諫。始進一粥。喪禮悉遵古制。志
移風俗。以平城用武之地。非可文治。遂決計遷都。恐羣臣不從。乃詔大舉伐齊。自將
至洛陽。霖雨不止。羣臣諫阻。帝曰。今者興發不小。動而無成。何以示後。苟不南伐。當
遷都於此。衆憚南伐。皆呼萬歲。遂定都焉。初筮伐齊。遇革。至是諭百官曰。此真所謂
革矣。尋改姓元氏。如魯祠孔子。封其後爲崇聖侯。雅重門族。以盧敏。崔宗伯。鄭羲。王
瓊。四姓。衣冠所推。咸納其女以充後宮。初制。逋亡緣坐法。崔挺諫曰。善人少。惡人多。
若一人有罪。延及闔門。則司馬牛受桓魋之罰。柳下惠嬰盜跖之誅。豈不哀哉。詔除
之。王肅謁於鄴。帝與言。不覺促席移晷。時方議興革。威儀文物。皆肅所定。帝好讀書。
善屬文。好賢樂善。銳意復古。制公服。凡五等朱紫緋綠青 禁胡服。太子恂私著胡服。欲奔還平城。

詔廢為庶人。均民田。制戶籍。定律令樂章。禁讖緯巫卜。修郊廟禮。罷蹋壇制。舊制祀西

壇謂之蹋壇作明堂辟雍靈臺。正祀典。朝夕朔朏。音斐月初生三日朝日用朔親耕籍田。親

決疑獄。養老明堂。省費宮掖。李彪李冲高閻王肅等皆以文雅見親。議禮考文。制度

一新。時以為有太平之風焉。在位二十九年。太子恪立。是為宣武帝。魏自遷洛陽。

北邊荒遠。百姓困弊。魏主恪使僕射源懷持節北巡。賑貧乏。考殿最。下功曰殿上功曰最事之得

失。先決後聞。懷通濟有無。饑民賴之。懷朔。鎮名山西朔州鎮將元尼須與懷舊交。貪穢狼籍。

置酒謂懷曰。命之長短。繫卿之口。懷曰。今日源懷與故人飲酒之坐。非鞫獄之所也。

明日公庭。始為使者檢鎮將罪狀之處耳。竟案抵罪。魏主好釋氏沙門。自西域來者。

三千餘人。乃立永明閒居等寺處之。高貴嬪有寵。司徒高肇之女姪也。肇勢傾中外。

弑于后。及其子昌。於是立高氏為后。彭城王勰諫不聽。肇怨之。譖於魏主。殺之。勰賢

敏好學。文帝臨終。手詔太子曰。汝叔父清規懋德。松竹為心。及以無罪見殺。朝野喪

氣。魏故事將立太子。先殺其母。時立子詡為太子。其母胡充華獨免。未幾魏主殂。詡

立。高肇伏誅。尊胡氏為太后。胡氏尋弑高太后。清河王懌美風儀。太后逼而幸之。然

有才學聞望。輔政多所匡益。侍中元乂。太后妹婿。與宦官劉騰。皆恃寵擅權。擇每裁之以法。乂騰遂殺擇。詐爲太后詔。自稱有疾還政魏主。謂時年十一幽之於北宮。時魏正

光元年。卽梁普通元年也。至梁普通六年。魏劉騰已死。乂亦疎防。太后復臨朝。誅乂。

以鄭儼徐紇李神軌爲中書舍人。鄭李皆得幸於太后。紇有智數。工讒諂。侍中元順剛直。紇毀之。出爲太常卿。順奉辭。紇侍側。順指之曰。此魏之宰嚭。魏國不亡。此終不死。時嬖倖用事。政事縱弛。盜賊遙起。封疆日蹙。國用耗竭。乃稅入市者人一錢。百姓嗟怨。魏主年寢長。太后自以所爲不謹。務爲壅蔽。母子嫌隙日深。先是太后初稱制。征西將軍張疊。子仲瑀上封事。排抑武人。不使豫清品。於是虎賁會集千人。至尙書省詬罵。以瓦石擊省門。曳纛捶辱。焚其第。仲瑀拜賊請父命。賊毆擊之。投之火。走免。纛再宿死。太后不欲窮治。止誅凶强者八人。時懷朔函使函奏往來之使高歡。在洛陽見之。還家傾貲結客。或問其故。歡曰。宿衛焚大臣第。朝廷懼而不問。事可知矣。財物可常守耶。秀容今山西朔州酋長爾朱複榮。以討賊功。爲六州并肆汾廣恒雲都督。兵強歡歸之。至是魏主惡鄭儼徐紇偪於太后不能去。密召榮兵。儼紇懼與太后謀。鳩殺帝。立孝文孫釗。

歡遂勸榮舉兵入洛。執后及釗。至河陰。河南開封府沈之河。以彭城王勰有忠勳。乃迎其

子長樂

今山西芮城縣

王子攸立之。是為孝莊帝。榮引百官集行宮。列胡騎圍之。責以天下

喪亂。肅宗暴崩。不能匡弼之罪。縱兵殺王公以下二千餘人。徐紇奔梁。鄭儼奔滎陽。

謀據郡。為部下所殺。榮還晉陽。討平鄴賊葛榮。斬之。自為大丞相。得鮮卑人宇文泰。

字黑獺。即後周太祖。愛其才。以為統軍。

魏元顥

孝文之姪

奔梁。梁主衍立顥為魏王。遣陳慶之將兵納之。慶之以數千之眾。轉戰

剋捷。送顥入洛陽。顥既得志。忌慶之。謀叛梁。又日夜縱飲。不恤軍國。爾朱榮渡河擊

之。顥走死。慶之歸梁。初顥入洛。魏主子攸奔河南。至是復歸洛。榮自為天柱大將軍。

魏主后榮之女也。先為肅宗詔嬪。榮強納為后。性妬忌。魏主外逼於榮。內逼於后。乃

與城陽

今山東沂州府莒州

王徽。膠東侯李侃晞等。謀誅榮。伏兵明光殿。聲言皇子生。遣徽馳告

榮。榮入坐定。李侃晞等抽刀入。榮即起趣御坐。魏主先橫刀膝下。遂手刃之。榮從弟

世隆。從子兆等。遂反。共立宗室長廣王曄。

音鑑說。文作曄。

兆入洛。遷孝莊於晉陽。尋弑之。初

榮謂左右曰。一旦無我。堪代我者。惟賀六渾。高歡字因戒兆曰。爾非其匹。終當為其穿

鼻。乃以高歡爲晉州刺史。至是河西賊帥紇豆陵代北三字姓步蕃大破兆軍。逼晉陽。兆

召歡破斬之。使歡統六鎮。武川撫冥懷胡懷荒柔玄禦夷皆在今長城北世隆旋廢曄。立節閔帝恭。恭自元又擅

權。託稱瘖疾。閉口八年。榮弟彥伯往脅之。恭乃曰。天何言哉。遂立之。歡舉兵立宗室

元朗爲主。進討爾朱氏破之。朗入居於鄴。歡自爲太師。魏將軍斛斯椿盡殺爾朱氏

之黨。執世隆誅之。歡入洛陽。廢魏主恭及朗。立孝武帝脩。自爲大丞相。脩弒恭及朗

及曄。歡討殺爾朱兆。據晉陽爲相府。魏主欲圖歡。以賀拔勝爲荊州刺史。賀拔岳勝兄

爲雍州刺史。既而秦州今甘肅鞏昌府秦州刺史侯莫陳三字姓悅誘殺岳。魏主使宇文泰討悅誅

之。以泰爲關西大都督。謀伐晉陽。歡舉兵反。魏主奔長安。將行。東郡今山東東昌府太守裴

俠曰。宇文泰已操戈矛。寧肯授人以柄。恐無異避湯入火也。將軍王思政曰。然則何

如而可。俠曰。圖歡有立至之憂。西巡有將來之慮。且至關右。卽關西徐思其宜耳。既至。

泰備儀衛。迎入長安。歡遂入洛陽。立孝靜帝善見。清河王擇孫宣子時年十一遷於鄴。是爲東魏。先

是熒惑。南方火星出則有兵亂飢喪入南斗。梁主以諺云。熒惑入南斗。天子下殿走。乃跣而下殿。以

禳之。及聞魏主西奔。慙曰。虜亦應天象耶。孝武尋與泰有隙。泰乘其宴。阿至羅高車別種

使。酖弒之。立文帝寶炬。

京兆王愉子先封南陽王

是爲西魏。魏自此分東西。時梁武帝大同元年也。

初泰以蘇綽爲行臺郎中。居歲餘。未之知。臺中皆稱爲能。泰與僕射周惠達論事。惠達請出議之。以告綽。綽爲之區處。惠達入白之。泰稱善。曰。誰與卿爲此議者。惠達以綽對。且稱綽有王佐之才。泰因召問天地造化之始。歷代興亡之迹。綽應對如流。遂留至夜。問以政事。臥而聽之。綽陳爲治之要。泰起整衣危坐。不覺膝之前席。語達曙不厭。詰朝謂惠達曰。蘇綽真奇士。卽拜左丞。參典機密。綽始制文案程式。朱出墨入。及計帳戶籍之法。後人多遵用之。又爲詔書六條。一曰清心。二曰敦教化。三曰盡地利。四曰擢賢良。五曰恤獄訟。六曰均賦役。泰常置諸坐右。令百司習誦之。

東魏濟州刺史高季式薦陳元康於高歡。曰。是能夜中闇書。快吏也。歡召見。卽授功曹。掌機密。時軍國多務。元康問無不知。歡甚親之。曰。此人天賜我也。歡以子洋爲太原公。嘗欲觀諸子意識。使各治亂絲。洋時年幼。獨抽刀斬之。曰。亂者必斬。又以世子澄輔政。澄年十五。用法嚴峻。凡事無凝滯。中外震肅。遂以爲尙書令。京畿大都督。

梁處士陶宏景卒。宏景博學好養生。仕齊爲奉朝請。

不爲官惟奉朝請春曰朝秋曰請

棄官隱居茅山。

在江甯府句容縣

梁主早與之遊。屢以手敕招之。不出。國家大事。必先諮之。時人謂之山中宰相。

將沒。為詩曰。夷甫

王衍字

任散誕。平叔

何晏字

坐論空。豈悟昭陽殿。遂作單于宮。時士大夫競談元理。不習武事。故宏景詩及之。

高歡侵魏。宇文泰迎戰渭曲。

渭水之曲。今陝西同州府大荔縣

大敗之。李穆曰。高歡破膽矣。速追之可

獲。泰不聽。還軍渭南。人植柳一株。以旌武功。侯景言於歡曰。黑獺驟勝而驕。必不為

備。願得精騎二萬。徑往取之。歡以告婁妃。

初歡在懷朔被杖與妃同走并州妃燃馬矢自作靴

妃曰。設如其言。景豈

有還理。得黑獺而失景。何利之有。歡乃止。自是東西連年搆兵。互有勝負。

高歡病篤。謂世子澄曰。侯景專制河南十四年矣。常有飛揚跋扈之志。願我能畜養。

非汝所能駕御也。堪敵侯景者。惟有慕容紹宗。我故不貴之。留以遺汝。景右足偏短。

弓馬非其長。而多謀算。嘗言於歡。願得兵三萬。橫行天下。濟江縛取蕭衍老公。以為

太平寺主。素輕高澄。曰。高王

魏主恭封歡渤海王

在。吾不敢有異。王沒。吾不能與鮮卑小兒

指高

共事矣。及歡卒。遂以河南降魏。魏以為太傅大行臺。尋復叛。附於梁。梁謝舉等皆曰。

頃與魏和。不宜納其叛臣。梁主嘗夢中原牧守。皆以地來降。及景使至。欲許而未決。

曰我國家如金甌。無一傷缺。忽受景地。脫至紛紜。悔之何及。朱異獨勸許之。封河南

王。遣兵助景。尋又遣貞陽侯蕭淵明。懿子侍中羊侃。堰泗水以攻東魏之彭城。魏遣慕

容紹宗潘樂等。救彭城。景聞紹宗來。叩鞍有懼色。曰誰教鮮卑兒解遣紹宗來。紹宗

擊敗梁兵。獲淵明。羊侃結陣徐還。初侃勸乘敵遠來擊之。淵明不從。敵至又醉不能起。梁主聞敗。驚欲墜床。紹宗又

擊景。景衆潰。走據梁壽春。今安徽壽州。景結監州事。韋黯開門納之。梁即以為南豫州。今安徽寧國府宣城縣。光祿大夫蕭

介諫不聽。澄復求成於梁。以閒景。異又勸許之。司農卿傅岐曰。此高澄設閒。欲令侯

景自疑而作亂耳。若許通好。正墜其計中。異固執宜和。景知之。奉啓阻梁主。又致書

於異。餉金三百兩。異納金而不通其啓。景乃詐為鄴中。東魏都書。求以淵明易景。梁主

復書曰。貞陽淵明封貞陽侯旦至。侯景夕返。景謂左右曰。我固知吳老公薄心腸。反計遂決。

知臨賀王正德。臨川王宏子。梁主之養子。宏梁主弟也。初江州刺史陳伯之反。降魏。宏使記室邱遲遣書勸歸。梁主曰。將軍魚遊於沸鼎之中。燕巢於飛幕之上。暮春三月。江南草長。雜花生

樹。羣鶯亂飛。見故國之旗鼓。感生平於疇日。撫絃登陣。豈不愴恨。想早勵良圖。自求多福。屢以貪暴得罪。幸國家有變。乃致賤自効。正德

許之。鄱陽王範。忠烈王恢子密以聞。異曰。必無此理。範又請討景。異曰。王不許朝廷有一

客耶。自是不復通範啓。景邀司州刺史羊鴉仁同反。鴉仁執其使。送建康。異曰。景何

能爲。釋其使遣之。旣而景兵臨江。羊侃請以二千入急據采石。令邵陵王綸梁主襲

取壽春。使景進不得前。退失巢穴。異曰。景必無渡江之志。遂寢其議。梁主使正德督

諸軍屯丹陽。正德遣大船數十艘。詐稱載荻。密以濟景。景乃渡江。建康大駭。梁主悉

以軍事付太子綱。羊侃副之。景至朱雀桁。太子猶未知正德之情。使守宣陽門。庾信

字子山守朱雀門。欲開大桁以挫賊鋒。正德止之。迎景圍臺城。時梁興四十七年。江

南無事。賊猝至。城中恟懼。羊侃膽力俱壯。隨機備禦。太子深仗之。侃子鷲爲景所獲。

執以示侃。侃曰。我傾宗報主。猶恨不足。豈計一子。幸早殺之。數日復持來。侃引弓射

之。景以其忠義。亦不之殺。侃尋病卒。城中益懼。衡州刺史韋粲與外弟司州刺史柳

仲禮將兵入援。立柵禾定。景攻之。粲與子弟皆力戰死。仲禮馳救。與景戰大破之。斬

首數百級。溺死千餘人。仲禮兵止百騎稍將及景。賊將自後斫仲禮中肩。景得免。自是仲禮

氣索。不復言戰。而神情傲很。陵蔑諸將。邵陵王綸每日執鞭至門。亦移時不見。由是

互相猜阻。莫有戰心。正德與弟正表皆助景斷援軍。時有羊車兒獻策作紙鳶。載勅

因風放之。賊射下之。援軍募人送啓。李朗請先受鞭。詐得罪投賊。因得入城。城中方

知援兵四集。諸軍鼓譟。渡淮攻賊。柵焚之。高州今廣東高州府刺史李遷仕。天門今湖北安陸府天門縣

太守樊文皎。皆援軍。獨率銳卒深入。遇伏。文皎戰死。遷仕遁還。自去年十月臺城即宮

城閉。至是年二月。城中軍士或熏鼠捕雀而食之。壞尚書省為薪。景眾亦飢。抄掠無

所獲。王偉因勸景偽求和。運米修械。伺其懈怠擊之。景乃拜表求和。太子請許之。遂

與之盟。敕止援軍。傅岐固爭不聽。先是岐聞景叛。責朱異。異曰。心苟無愧。何惜人言。

景得異奴。以為儀同三司。使乘良馬衣錦袍。於城下仰詬異曰。汝五十年仕宦。方得

中領軍。我始事侯王。已為儀同矣。於是三日中。羣奴皆出就景。爭為致死。梁主登南

樓望賊。顧謂異曰。四郊多壘。誰之罪歟。異流汗不能對。遂發病死。至是景運米修械

畢。遂陷臺城。柳仲禮等先是援軍百萬。推仲禮為大都督。至是眾請決戰。仲禮不答。叛降景。永安侯確邵陵王綸子獨力戰不

能卻。乃排闥入啓梁主云。城已陷。梁主安臥不動。歎曰。自我得之。自我失之。亦復何

恨。初景立正德。既克臺城。以為大司馬。正德怨景賣己。密書召鄱陽王範。使以兵入

景。遮得其書。縊殺之。景之始濟江也。校尉江子一與弟子四前上封事極言得失。梁主以為右丞。子五。皆

戰死。陳慶之子昕被獲。景欲用之不可。使其黨范桃棒囚之。昕因說桃棒殺王偉景所

為皆偉計。宋子仙文岐截殺歸降。桃棒從之。事泄。皆被殺。梁主恭儉勤政。冬月視事。執筆觸寒。手

為皴裂。信釋氏。長齋布衣。宗廟麪為牲牢。文錦禁為人獸。菜羹糲飯。一冠三載。一衾

二年。三捨身同泰寺。講涅槃經。梵語示寂也。佛之死示寂滅而已。非真死也。脩長干今江蘇城。長干里。塔。設無礙食。塔在長干

寺中。阿育王所造。藏佛爪髮舍利。釋迦佛既化。弟子阿難等焚其身。有骨子如五色珠。光瑩堅固。名曰舍利子。後有阿育王有神力。分佛舍利於諸鬼神。造八千四萬塔。布於世界。同日而就。疎簡刑法。

優假太過。在位四十八年。江南久安。武備廢弛。賀琛之書不行。琛啓陳四事。一曰收守貪。二曰風俗侈靡。三曰斗

筲。競進。四曰省事息費。梁主怒其切實。詔詰責之。杜弼之檄竟應。高澄怒梁納侯景使弼作檄。畧云。侯景以鄙俚之夫。遭風雲之會。位班三事。邑啓萬家。而雖披不己意。亦可見彼乃授之以利器。誨之以慢藏。使其勢得容姦。時堪乘便。終恐倔彊。不掉狼戾。難馴橫使。江淮士子。荆揚人物。死亡矢石之下。天折霧露之中。彼梁主者。矯情動俗。節智驚愚。毒整滿懷。妄敦戒業。躁競盈胸。謬治清淨。傳險躁之風。俗任輕薄。之子孫。朋黨路開。兵權在外。必將禍生骨肉。釁起腹心。強弩衝城。長戈指闕。徒探雀鷂。戰國趙主父事。無救府藏之虛空。請能蹠左。傳楚太子商臣以宮甲圍成王。王請食熊蹠而死。弗聽。王遂縊。

詎延晷刻之命。外崩中潰。今實其時未幾。梁室禍敗。皆如弼言。先是既盟。而景圍不解。梁主蔬食皆絕。乃食雞子。邵陵王

綸。因使上雞子數百枚。至是為景所制。飲膳亦被裁損。憂憤成疾。口苦索蜜不得。再

日。荷荷去聲遂殂。年八十六。初太子統。諡昭明。仁孝好學。葬丁貴嬪。太子母。有道士云。此地不

利長子。請以鷲物厭之。宮監白為厭禱。魏主遣掘得鷲物。將窮其事。徐勉固諫而止。

及太子卒。梁主銜舊事。不立其子。而立其母弟綱。為太子。朝野多以為不順。乃封太

子

子子歡譽督等。至是綱卽位。是為簡文帝。綱立長子宣城王大器為太子。

初綱為太子以徐摛為家

令兼管記摛文體輕麗春坊東宮官有左右二春坊學之時人謂之宮體梁主怒召見應對明敏因問經史釋教摛商校從橫梁主深歎異之龍運日隆朱異不悅曰徐叟漸來見逼遂乘間白梁主曰摛老愛泉石意在一郡梁主謂摛真欲之乃謂曰新安

今安徽徽州府

大好山水遂出為守

景愛永安侯確勇常置左右

確引弓射鳥因欲射景弦斷不發景覺

刃之恨未得其便會景與確遊鍾山。

在江甯府東北

而殺之。

時東魏高澄謀受禪。澄前獲衡州

今湖南衡州府

刺史蘭欽子京。以為膳奴。進食置刀盤下。

殺澄。弟洋討斬京。自為丞相。都督中外諸軍事。封齊王。徐之才宋景業等勸受禪。洋

以告婁太妃。太妃曰。汝父如龍。汝兄如虎。猶以天位不可妄據。終身北面。汝獨何人。

欲行舜禹之事乎。洋以告之才。之才曰。正為不及父兄。故宜早升尊位。洋乃至鄴。逼

東魏主善見禪位。尋弑之。國號齊。東魏亡。

善見在位十七年亡

時梁武帝殂後一年。簡文帝綱大

寶元年也。

梁邵陵王綸。湘東王繹。武陵王紀。皆武帝子。豫章王歡。河東王譽。岳陽王詵。皆昭明

太子子。潯陽王大心。西豐公大春。石城公大款。南郡王大連。皆大器弟。豫章王棟。歡

子方諸方等方智皆繹子。圓照圓正圓滿皆紀子。武帝既殂。諸王據州郡互相攻擊。湘東邵陵各稱假黃鉞都督承制。督鎮襄陽。繹遣王僧辯攻之。綸與繹書曰。今社稷危恥。創巨痛深。惟應剖心嘗膽。泣血枕戈。其餘小忿。或宜容貫。若外患未除。家禍仍構。未或不亡。繹不從。督乃遣使降於西魏。西魏立督爲梁王。先是繹遣世子方等攻湘州。譽擊之。方等敗死。至是復遣僧辯克湘州。殺譽。

時高州刺史李遷仕反。遣使召太守馮寶。寶妻洗氏多籌略。善用兵。謂寶曰。我將千餘人。步担雜物。唱言輸賧。蠻夷以貨贖罪也音啖得至柵下。破之必矣。君且無往。寶從之。洗氏遂

襲遷仕破走之。尋陳霸先斬遷仕。綸在郢州。今湖北武昌漢陽二府地大修鎧仗。將討侯景。繹惡之。

遣僧辯襲之。綸乃集其麾下於西園。涕泣言曰。我本無他志。在滅賊。湘東常謂與之爭帝。遂爾見伐。今日欲守則糧儲交絕。欲戰則取笑千載。不容無事受縛。當於下流避之。麾下爭請出戰。不從。乃與其子禕登舟北出。遣使降齊。齊以綸爲梁王。時安陸

今湖北安陸府爲魏所據。綸將圖之。爲宇文泰所殺。投尸江岸岳陽王督迎葬襄陽侯景自稱漢王。又自加宇宙。天地四方曰宇宙往古來今日曰宙大將軍都督六合。亦天地四方也諸軍事。梁主驚曰。

將軍乃有宇宙之號乎。

梁大寶二年春魏主寶炬殂。太子欽立。是為廢帝

初僧辯襲郢州。繹使世子方諸為刺史。方諸年十五。日以菹酒為樂。侯景使宋子仙任約襲執之。繹乃遣僧辯。及胡僧祐周鐵虎等。伐景敗之。擒子仙任約。繹釋約。斬子仙。

江安侯圓正紀子為西陽今湖北黃州府太守。寬和好施。歸附者衆。繹欲圖之。署為平南將軍。

誘而執之。荆益之變由此起。

景自江陵敗歸。猛將多死。自恐不能久存。王偉因說以廢立。景從之。遣彭儁等帥兵入殿。廢梁主為晉安王。殺太子大器。及王侯二十餘人。迎豫章王棟歡子立之。已而景

欲迎梁主復位。偉勸弑之。以絕衆心。景乃使偉與彭儁進酒。梁主知將殺已。盡醉而寢。儁進土囊。脩纂坐其上而殂。景尋廢棟。自稱漢帝。居禁中。諸將罕得見。多怨望。

梁孝元帝繹。承聖元年二月。繹遣王僧辯陳霸先討侯景。擊破之。景亡走吳。將由松江入海。羊侃之子鵬爲景都督。殺之。送尸建康。傳首江陵。截其手送於齊。暴尸於市。士民爭取食之。並骨皆盡。溧陽公主梁主女亦預食焉。王偉彭儁等伏誅。偉在獄中上詩繹愛其才欲宥之或曰。偉作檄文甚佳。求得之。檄云。項羽重瞳。尚有烏江之敗。繹卽位於江陵。是爲元帝。自景之亂。江北州郡。盡入東魏。尋屬齊。漢中巴蜀。爲西魏所併。嶺南復爲蕭勃所據。詔令所行。千里而近。

先是僧辯知繹欲殺棟。辭曰。討賊之謀。臣爲己任。成濟之事。請別舉人。繹乃密諭朱買臣。使爲之所。及景敗。棟及二弟橋。相扶出密室。逢杜顛。爲去其鎖。二弟曰。今日始免橫死矣。棟曰。倚伏難知。吾猶有懼。買臣呼之。就船並沈於水。武陵王紀去蜀十七年。內修耕桑。外通商賈。遂稱帝於成都。帥兵東下。伐江陵。繹懼。與魏書曰。子糾親也。請君討之。左傳魏遣大將軍尉遲迴。音河伐成都。時蕭攜留守以救之。紀將卒。聞有魏寇。皆思歸。以根本爲憂。紀乃遣譙淹。還救蜀。迴擊破之。旣而與繹軍戰。數不利。又聞魏寇深入。成都孤危。因與繹求和。繹不許。趣諸軍進攻。紀衆大潰。與幼子圓滿同被殺。繹

絕紀屬籍。曰饗收其世子圓照兄弟三人下之獄。絕食而死。遠近聞而悲之。成都降

魏。魏以迴為益州刺史。時承聖二年八月也。明年魏宇文泰弑其主欽。立文帝第四

子廩。是為恭帝復姓拓跋氏。遣于謹帥師伐梁。梁主繹方講老子。聞警乃停講戒嚴。使王

琛使魏。琛馳報曰。境上帖然。前言皆兒戲耳。乃復講。百官戎服以聽。魏軍濟漢。梁主

巡城。猶口占為詩。羣臣亦有和者。梁主性殘忍。圍城中死囚且數千人。有司請釋之。

以充戰士。不許。悉令殺之。事未成。反者開西門納魏師。梁主乃焚古今圖書十四萬

卷。以寶劍擊柱折之。歎曰。文武之道。今夜盡矣。遂白馬素衣出門。時梁王督在魏軍。

使鐵騎擁之入營。囚於烏幔之下。魏入殺之。及太子元良等。魏取襄陽。晉鎮地徙督使

稱帝於江陵。屯兵守之。所統地延袤音茂長也三百里。稱臣於魏。是為後梁宣帝。明年改

元天定。傳歸琮二主。至陳後主禎。明年為隋所滅。初王僧辯陳霸先奉元帝少子

方智為梁王。即位於建康。時年十三既而齊以兵納貞陽侯淵明。僧辯禦之敗。因迎立淵

明。求以方智為太子。淵明許之。霸先去京口。遣使爭之。不從。乃襲殺僧辯。淵明避位

就邸。尋卒。方智遂即帝位。稱藩於齊。先是魏宇文泰令蘇綽仿周禮定六官。至是行

之以秦爲大冢宰。及卒。子覺襲職。封周公。從兄宇文護輔之。覺遂篡魏。稱天王。廢魏主廓爲宋公。尋弒之。西魏亡。魏自道武稱帝。凡十三主。一百四十九年。而分爲東西。合西魏二主二十二年。共一百七十一年。東魏先亡。一主十七年。

梁主方智立。是爲敬帝。在位二年。陳霸先自爲丞相。進爵爲王。遂稱皇帝。廢梁主爲江陰王。尋弒之。梁亡。梁凡四主。合五十五年。

陳紀

陳高祖霸先篡梁。改元永定。政務寬簡。非軍旅急務。不輕調發。性儉素。後宮無金翠之飾。在位二年。殂。子昌頊皆以江陵之陷。沒於長安。羣臣奉高祖兄子臨川王蒨嗣位。是爲陳文帝。改元天嘉。

陳高祖代梁之年。卽宇文覺代魏之年。覺改國號曰周。在位未及年。惡冢宰護專權。謀誅之。反爲護弒。立覺庶兄毓爲天王。尋稱帝。護又憚其明敏。進毒弒之。毓弟邕立。是爲武帝。時周保定元年。卽陳天嘉元年也。

齊主高洋。初立留心政術。務存簡靖。每臨行陣。親當矢石。所向有功。未幾自矜功業。

肆行狂暴。大治宮室。盡滅諸元。前後死者凡七百二十一人。元景安請改姓高氏。從

兄景皓曰。安有棄本宗從人之姓者乎。丈夫甯可玉碎。何能瓦全。景安白其言。齊主

誅景皓。賜景安姓高氏。先是齊主問彭城公元韶曰。漢光武何故中興。對曰。爲誅諸

劉不盡。齊主乃殺魏宗室二十五家。幽韶於地牢。絕食而死。齊主嗜酒成疾。以太子

殷幼。謂常山王演齊主弟曰。奪則任汝。慎勿殺也。遂殂。殷卽位。是爲廢帝演尋弑之。而自立。是

爲昭帝。未幾殂。弟湛立。是爲武成帝。初演廢太子百年立湛。戒曰。百年無罪。可以樂

處置之。勿效前人。會白虹貫日。竟殺百年以厭之。時侍中和士開姦諂。勸湛曰。自古

帝王盡爲灰土。堯舜桀紂。竟復何異。宜及少壯。極意爲樂。一日取快。可敵千年。國事

盡付大臣。何慮不辦。湛大悅。於是三四日一視朝。書數字而已。又使士開與胡后握

槊。河南王孝瑜高澄長子諫曰。皇后天下之母。豈可與臣下接手。士開譖殺之。祖珽附士

開。勸爲固寵計。會彗星見。珽上書請傳位東宮。以應天道。齊主從之。自稱太上皇。傳

位於太子緯。是爲後主以珽爲秘書監。緯尤無道。任用和士開。婁定遠。趙彥深。元文遙。唐

邕。綦連複姓猛。高阿那肱。三字名胡長粲。國珍曾孫等。號八貴。以宮婢陸令萱爲女侍中。引其子

穆提婆爲儀同三司。上皇有疾。僕射徐之才善醫療之。愈。士開欲得次遷。乃出之才爲兗州刺史而代之。上皇疾復作。追之才不及。遂殂。士開患傷寒。醫云應服黃龍湯。

年久糞汁

士開有難色。有候之者。請先嘗之。一舉而盡。忌齊主弟瑯邪王儼。欲出之於外。

儼遂殺士開。斛律光聞之。撫掌大笑曰。龍子所爲。固自不似凡人。因引儼請於齊主。

曰。瑯邪王年少。

時年十

腸肥腦滿。輕爲舉措。稍長自不復然。願寬其罪。齊主釋之。已而

爲陸令萱祖珽所讒。遂被殺。光善行兵。結髮從軍。未嘗敗北。隣敵憚之。珽惡擅權。每

曰。盲人必誤國事。

珽前有罪置地牢中以燕善子爲燭眼爲所熏失明

周韋孝寬乃爲謠言以間之。曰。百升飛上天。

明月照長安。珽解之曰。百升斛也。斛律累世大將。明月

光

聲震關西。豐樂威行突厥。

匈奴別種其先居西海之右爲隣國所滅遺一兒且十歲則足斷臂棄大澤中有牝狼啣肉食之及長與狼交生十男各爲一姓阿史那其一也豐樂光弟羨字爲幽州刺史突厥畏之謂之南可汗

謠言

甚可畏也。遂勸齊主殺光及羨。以珽知騎兵外兵事。齊主盛修宮苑。窮極壯麗。好自

彈琵琶。爲無愁之曲。民間謂之無愁天子。於華林園立貧兒村。自衣藍縷之服。行乞

其間以爲樂。濫得富貴者。殆將萬數。乃至狗馬及鷹。亦有儀同郡君之號。皆食其祿。

時陳將軍吳明徹伐齊。齊有西域胡善射。弦無虛發。明徹謂巴山太守蕭摩訶曰。若

殪此胡。則彼軍奪氣矣。摩訶馳馬衝齊軍斬之。齊師大敗。廬江歷陽合肥等郡皆降。

既又攻壽陽克之。殺齊刺史王琳。琳忠義得將士心。有一叟以酒脯來祭。哭盡哀。收

其血而去。未幾周師伐齊。克平陽。又克晉州。齊主方與馮淑妃獵於天池。今忻州靜樂縣告

急者三至。丞相高阿那肱曰。大家正為樂。邊鄙小事。何急奏聞。至暮齊主將還。妃請

更殺一圍。從之。尋自帥大軍至平陽作地道攻城。城陷十餘步。將士乘勢欲入。齊主

敕且止。召馮淑妃觀之。淑妃粧點不時至。周人以木拒塞之。城遂不下。周主親勒軍

擊齊。兵纔合。齊主與馮淑妃並騎觀戰。東偏少却。妃怖曰。軍敗矣。穆提婆曰。大家去

齊主遂以淑妃奔還鄴。傳位太子恒。生八年矣。周師圍鄴。齊主出走。高阿那肱叛。引

周師追獲之。封緯為溫公。尋殺之。夷其族。北齊亡。凡五主。合二十八年。

周主邕沈毅有識。初以宇文護專政。深自晦匿。與弟衛公直等密謀引護入謁太后。

謂曰。太后好飲。屢諫不納。因出懷中酒誥授之。曰。願兄以此入諫。護入。讀未畢。周主

以玉玼禮記天子搢玼注玼笏也自後擊之。護踏於地。直出斬之。始親政。太后叱奴崩。行三年之喪。

素重儒學。禁佛道二教。毀諸淫祠。政事嚴明。稱為賢主。既滅齊。陳主瑒欲爭徐兗。使

吳明徹督師北伐。圍彭城。周大將軍王軌救彭城。明徹被獲。憂憤而死。未幾周主邕

殂。太子贇立。是為宣帝贇甫卽位。卽逞奢欲。無戚容。捫其杖痕。罵曰。死晚矣。閱視宮人。逼

而幸之。以嬖人鄭譯爲內史中大夫。忌叔父齊王憲屬尊望重。殺之。並殺大將軍王

軌。宮正宇文孝伯。初太子多失德。二人勸選正人。調護高祖從之。太子不悅。居喪陳百戲。聚美女。遊宴沈湎。旬日不出。

立未及年。傳位太子。自稱天元皇帝。闡仍居東宮。天元驕侈彌甚。復道佛二像。與

己並坐。大陳雜戲。列妓樂。作乞寒胡戲。亦曰撥寒西域之樂集百官宮人命婦士民縱觀。立五后。

有天元天皇。天中。天左。天右等號。未幾殂。贇后大司馬隋公楊堅女也。初堅爲小宮

伯。宇文護欲引爲腹心。堅父忠曰。兩姑之間難爲婦。堅乃辭之。至是靜帝闡年幼。鄭

譯劉昉等。以堅有重名。矯遺詔使輔政。堅自爲大丞相。居攝。尉遲迥等。舉兵討之。不

克而死。堅遂大殺周宗室。尋進爵爲王。受周禪。是爲隋文帝。廢周主闡爲介公。尋弒

之。北周亡。凡五主。合二十五年。竇毅之女聞周主禪。自投堂下。撫膺太息曰。恨我不爲男子。救舅氏

唐公李淵淵嗣之子也之思毅及襄陽公主掩其口曰。汝勿妄言滅吾族。由是奇之。及長適

陳主蒨。天嘉元年。武帝卽竊子昌自周來歸。蒨殺之於江。天嘉三年。周復遣杜杲送

項南歸。陳主以為中書監。逾三年。陳主殂。太子伯宗立。是為廢帝。文帝舊起自艱難。

知民疾苦。性明察儉約。每夜刺閨。宮中職名就閨中刺取外事取外事。分判者前後相續。敕傳更籤。

傳遞籤籌也於殿中者。必投籤於階石之上。令鎗然有聲。曰。吾雖眠亦令驚覺。

廢帝伯宗立二年。安成今江西吉安府王瑱。廢之為臨海今浙江台州府王。黜始興今廣東連州王伯茂。伯宗弟

為溫麻侯。尋殺之。伯茂惡瑱專政肆惡言。溫麻今福建連江縣。遂自立。是為宣帝。時廣州今廣東廣州府刺史歐陽紇

反。召陽春今廣東肇慶府陽春縣太守馮僕。寶子誘與同反。僕遣使告其母洗夫人。夫人曰。我忠貞

兩世。今不能惜汝而負國也。遂發兵迎陳將章昭達擒紇。送建康斬之。馮僕以母功

封信都今直隸邢臺縣侯。遷石龍今廣東化州太守。遣使持節册命洗氏為石龍太夫人。賜以繡幃。

安車。鼓吹。磨節。鹵簿。如刺史之儀。陳主瑒在位十四年。殂。太子叔寶立。是為後主。

陳主起臨春。結綺。望仙三閣。各高數十丈。連延數十間。皆以沈檀為之。金玉珠翠為

飾。珠簾寶帳。服玩瑰麗。其下積石為山。引水為池。雜植花卉。上自居臨春。張貴妃名麗

居結綺。龔孔二貴嬪居望仙。複道往來。以宮人袁大捨等為女學士。江總雖為宰

輔。不親政務。日與尚書孔範。散騎王瑳等。文士十餘人侍宴後庭。謂之狎客。使諸妃

嬪及女學士。與狎客共賦詩。采其尤豔麗者。被以新聲。其曲有玉樹後庭花。臨春樂等。大略皆美諸妃嬪之容色。君臣酣歌。自夕達旦。麗華性敏慧。善候人主顏色。陳主怠於政事。百司啓奏。並因宦者以進。陳主置妃膝上。共決之。由是宦官近習。內外連結。賣官鬻爵。貨賂公行。大臣有不從者。因而譖之。中書舍人施文慶有寵。薦所善沈客卿。徐哲等。陳主皆擢用之。聚歛無厭。關市之稅。歲入數十倍。士民嗟怨。隋主謂僕射高穎曰。我爲民父母。豈可限一衣帶水不拯之乎。命作大戰船。人請密之。隋主曰。吾將顯行天誅。何密之有。使投其梯於江。曰。若彼懼而能改。吾復何求。時臨平湖在浙城東北。草久塞。忽然自開。陳主惡之。乃自賣於佛寺爲奴。以厭之。隋主將伐陳。乃先滅梁。以其主蕭琮爲莒公。後梁自晉至琮亡。凡三主。合三十三年。時陳禎明元年。隋開皇七年也。明年隋命晉王廣隋主次子。初立世子勇爲太子。諸子皆爲王。三子俊。秦王。四子秀。越王。五子諒。漢王。秦王俊。楊素。高穎。韓擒虎。賀若弼等。分道伐陳。陳周羅睺督諸軍拒之。沿江鎮戍相繼以聞。施文慶沈客卿。並抑而不言。及隋軍臨江。僕射袁憲等。奏請防備再三。陳主從容謂侍臣曰。王音旺氣在此。齊兵三來。周師再來。無不摧敗。彼何爲者邪。孔範曰。長江天塹。限隔南北。

今日虜軍豈能飛渡邪。陳主以為然。故不為深備。奏使縱酒賦詩不輟。

開皇九年正月朔。賀若弼韓擒虎濟江。諸戍望風盡走。蕭摩訶請乘弼壘塹未堅。出

兵掩襲。不許。任忠請固守臺城。緣淮立柵。勿與交戰。願給精兵一萬。徑掩六合。今江寧府

六合縣揚聲欲往徐州。斷彼歸路。則諸軍不擊自去。又不許。孔範曰。請作一決。當勒石

燕然。陳主從之。使魯廣達陳於白土岡。在上元縣東任忠樊毅孔範蕭摩訶諸軍以次而

北。亘二十里。首尾進退不相知。廣達以其徒力戰。與弼相當。弼更引兵趣範。範兵暫

交即走。諸軍亂潰不可復止。忠遂迎降。引擒虎軍趣宮城。自南掖門入城。文武百司

皆散走。唯僕射袁憲在殿中。陳主遑遽將避匿。憲正色曰。大事如此。去欲安之。不若

正衣冠。御正殿。依梁武帝見侯景故事。陳主不從。自投於井。即景陽殿井一名胭脂井。後人名為辱井。隋軍

以繩引出之。驚其太重。乃與張貴妃孔貴嬪同束而上。廣達猶督餘兵苦戰。日暮力

屈。乃解甲面臺再拜慟哭。遂就擒。晉王廣入建康。以施文慶沈客卿陽惠朗徐哲暨

慧景。暨音吉。慧景姓。五佞為民害。斬之。未知孔範王瑳王儀沈攏罪。尋投之邊裔。時高穎先

入建康。廣使人馳告之。令留張麗華。頰曰。昔太公蒙面斬妲己。世說武王令軍士斬紂妃妲己及臨刑一笑百媚軍

士釋然太公以帛蒙其面斬之此豈可留也。斬之。廣聞之變色。曰昔人云無德不報。我必有以報高公

矣。初陳中書舍人傅繹負才使氣。文慶客卿譖之下獄。繹於獄中上書略曰頃來小

人在側。宦豎弄權。惡忠直如仇讐。視生民爲草芥。後宮曳綺繡。廐馬餘菽粟。百姓流

離。僵尸蔽野。貨賄公行。帑藏損耗。神怒民怨。衆叛親離。臣恐東南王氣。自斯而盡矣。

散騎常侍韋鼎。叙孫聘於周。遇隋主而異之。謂曰公當大貴。貴則天下一家。歲一周天。

歲星十二老夫當委質於公矣。及歸。盡賣田宅。或問其故。鼎曰江東王氣盡於此矣。至

是隋主召爲儀同三司。陳主叔寶至京師。隋主給賜甚厚。叔寶願得一官號。隋主曰。

叔寶全無心肝。旣以陳氏子弟多。恐在京城爲非。乃分置遼州。今山西遼州給田業使爲

生。歲時賜衣服以安全之。時洗夫人據嶺南未附。詔遣韋洗安撫之。陳豫章太守徐

澄。晉登據南康。今江西南康府拒之。洗不得進。晉王廣使叔寶遺夫人書。諭以國亡令歸。隋夫

人集首領數千人。盡日慟哭。遣其孫馮魂帥衆迎洗。洗擊斬徐澄。表魂爲儀同三司。

册洗氏爲宋康郡。今廣東肇慶府陽江縣宋置夫人於是陳國皆平。詔夷建康城。邑宮室。置蔣州。即建

康今江寧府陳亡。凡五主。合二十三年。自晉元帝南渡。帝江東者五代。凡二百七十年。隋

起北朝。始併南朝。統一天下。

隋紀

隋王堅勤政愛民。設義倉以備凶年。制五刑。笞杖徒流死去前朝梟輓鞭法。改周之六官

名。置二師。太師太傅太保三公。太尉司徒司空及六部尚書。設左僕射判吏禮兵。右僕射判民刑工。詔求遺書。從秘書監牛宏表獻書一卷。賚縑一匹。

詔高仁英。齊武成帝第六子蕭琮。後梁主陳叔寶修其宗祀。官給器物。叔寶嘗侍宴賦詩曰。日月光天德。山河壯帝居。太平無以報。願上東

封書及出。帝目之曰。此敗豈不由詩酒。何如思安時事。當賀若弼渡京口。彼人密啓告急。叔寶不之省。高穎至。見啓在牀下。猶未開。封殊可笑也。焚相州。令河南彰德府所貢綾文布。

於朝堂。輕徭薄賦。自奉儉素。後宮皆衣澣濯之衣。倉廩實。有司言府藏皆滿。無所容積。於廊廡。詔減河北河東田租。法

令行。戶口增。在位二十四年。國內無事。然猜忌苛察。信受讒言。功臣宿將。誅譴罕有

存者。甚至子弟亦如仇敵。李君才言帝寵高穎過甚。帝怒以馬鞭捶殺於殿內。母弟瓚以帝為周相。專權恐為家禍。陰欲圖帝及帝即位。鳩殺之。秦王俊以免官。慚怖死。黜其

二子而除其國。魯公虞慶則。宜陽公王世積。太平公史萬歲。皆以讒誅。蘇威。賀若弼。高穎。皆以讒除名。太子勇性寬厚。率意無矯飾之行。帝節儉。

勇嘗飾蜀鎧。甲也。遇冬至。張樂受百官賀。帝不悅。妃元氏無寵。以疾薨。獨孤后意其有

他。深責勇。自是昭訓雲氏遂擅寵。專內政。生儼裕筠諸子。后彌不平。晋王廣知之。彌

自矯飾。後庭有子皆不育。后由是數稱廣賢。帝與后嘗幸其第。廣悉屏匿美姬於別

室。惟留老醜者。衣以縵綵。無文給事左右。帝見之喜。張衡宇文述楊素等。爲廣畫奪

宗之策。素因盛言太子不才。后遺素金。使贊帝廢勇立廣。帝遂廢勇。及其男女爲庶

人。立廣爲太子。時開皇二十年十一月也。明年改元仁壽。獨孤后崩。蜀王秀又以讒

廢爲庶人。慶整諫曰。庶人勇廢。秦王薨。陛下見子無多。今蜀王被重責。恐不自全。帝

大怒欲斷其舌。龍門今直隸宣化府龍門縣王通詣闕獻太平十二策。帝不能用。罷歸。教授於河

汾山西太原府之間。弟子遠至者衆。累徵不起。楊素勸之仕。通曰。通有先人之敝廬。足以

庇風雨。薄田足以供饘粥。讀書談道。足以自樂。願明公正身以治天下。使時和年豐。

通也。受賜多矣。通嘗曰。聞謗而怒者。讒之囹。音訛鳥也也。見譽而喜者。佞之媒也。絕囹

去媒。讒佞遠矣。大業煬帝年號末卒於家。門人謚曰文中子。

仁壽四年。太子廣弒。帝於大寶殿而自立。遂殺故太子勇。流尙書柳述。侍郎元巖於

嶺南。獨孤后崩。帝以陳宣帝女爲宣華夫人。有寵。會帝不豫。詔太子入居殿中。夫人

旦出更衣。爲太子所逼。拒之得免。上怪其神色問故。夫人泫然曰。太子無禮。上恚抵

牀曰。畜生何足付大事。獨孤誤我。乃呼柳述元巖曰。召我兒。述等將呼太子。上曰。勇

也。述巖出閣為敕書。案聞以白太子。令右庶子張衡入殿侍疾。盡遣後宮出就別室。俄而上崩。晡後太子封小金合。賜夫人。夫人以為鳩毒。發之乃同心結也。其夜太子烝焉。明日發喪即位。殺勇徙述巖。除其名。是為煬帝。

并州總管漢王諒起兵晉陽。遣楊素擊虜以歸殺之。坐死徙者二十餘萬家。初高祖謂羣臣曰前

代天子嫡庶分爭或至亡國朕旁無姬侍五子同母可謂真兄弟豈有此憂耶及晚節迭相猜忌五子皆不以壽終明年改元大業。以長安為西京。洛陽為

東都。詔楊素宇文愷封德彝等營顯仁宮。築西苑。皆在洛陽縣求四方嘉木異石珍禽奇

獸以實苑囿。苑周二百里。內為海為方丈蓬萊瀛洲諸山。海北有渠。緣渠作十六院。

每院以四品夫人主之。宮樹彫落。則剪綵為花葉綴之。沼內亦剪綵為荷菱芰芡。色

淪則易以新者。上月夜從宮女遊西苑。作清夜遊曲。於馬上奏之。又命皇甫議發丁

百萬開通濟渠。卽汴河故道引汴。水名出開封府滎陽縣東南入泗。泗水出山東兗州府泗水縣于江南徐州東南入淮以達於淮。今安徽鳳陽府

又發民十萬開刊溝。今淮陽運河入江。溝廣四十步。傍築御道樹以柳。自長安至江都。今揚州府

江都縣置離宮四十餘所。遣王弘等往江南造龍舟。及雜船數萬艘。上幸江都御龍舟。

用挽士八萬餘人。舳舻相接二百餘里。騎兵翊兩岸而行。所過州縣。皆令獻食。多者

一州至百輩。極水陸珍奇。後宮厭飫。將發之際。多棄埋之。初齊高繹之世。有魚龍山車等戲。謂之散樂。帝以啓民可汗開皇十九年以突厥突利可汗為啓民可汗妻以義成公主將入朝。欲以富樂誇之。

裴蘊希旨。奏括天下前世樂家子弟。皆為樂戶。帝從之。於是四方散樂大集。東京。京兆。河南。製衣。錦綵為空。高頴諫不聽。及啓明來朝。大陳文物。頴謂何稠曰。此虜頗

知中國虛實。山川險易。恐為後患。宇文暉音私謂頴曰。天元之侈。以今方之。不亦甚

乎。賀若弼亦私議。宴可汗太侈。並為人所奏。帝以為誹謗朝政。皆殺之。時劉方破林

邑。今安南國地。唐時號環王國。獲其廟主十八。皆鑄金為之。刻石紀功而還。韋雲起平契丹。突厥屬國。虜

其子女畜產以歸。車駕北巡。鑿太行山。通馳道。沂金河。今內蒙古吳喇武旗東南。幸啓民可汗帳。啓

民捧觴上壽。王侯以下。袒割帳前。莫敢仰視。帝賦詩曰。呼韓頓頽至。突厥印甸奴別種。屠者

接踵來。何如漢天子。空上單于臺。尋巡河右。河西武威諸郡。今陝西同州府甘肅涼州府。遣兵擊吐谷渾。走

之。以其地置郡縣。西域二十七國來朝。獻地。置西海。今青海西。河源。今青海南。鄯善。今西安府且

末。今嫩煌縣西南。等郡。日本王遣帝書曰。日出處天子。致書日沒處天子。無恙。帝不悅。詔鴻

臚蠻夷書無禮者。勿奏。明年復遣使來貢方物。尋以諸蕃來朝。畢集洛陽。命陳百戲

有魚龍爛漫俳優侏儒山車巨象板井種瓜殺馬剝驢等戲及奇怪異端百有餘物

於端門街執絲竹者萬八千人自昏達旦終月而

罷所費鉅萬歲以為常遣使招撫琉球

今為日本所滅改為冲繩縣

不從乃命陳稜泛海擊之斬其

王遏刺兜虜其民而還

大業七年徵天下兵征高麗先是帝幸啓民帳時高麗使者在啓民所啓民不敢隱

以見帝裴矩勸帝敕使者還語高麗王元入朝久之不至於是帝御龍舟入永濟渠

今名衛河即山東以北之運河與今浙江渾河昔名江南河皆帝所開

會諸軍於涿郡

今直隸涿州

凡一百十三萬人餽運者倍之

連營漸進度遼水敗高麗兵遂圍遼東城攻之久不下將軍來護兒帥水軍由海道

進去平壤

高麗王都

六十里乘勝入其城遇伏敗還宇文述辛世雄衛文昇等渡鴨綠江

為高麗所誘襲亦敗還自是年至大業十年凡三征之卒無功死者相枕舉國騷動

蒲山公李密

襲父

少有才略嘗乘黃牛讀漢書楊素遇而異之素子元感遂與深交

及素卒元感謀作亂召密問計密勸以乘帝遠征長驅入薊扼其咽喉上計也直取

長安中計也襲取東都下計也元感曰公之下計乃上策也遂自黎陽起兵向洛陽

圍東都帝還軍使宇文述來護兒等討之元感走死密被獲尋逸去捕元感所善文

士王胄誅之。帝善屬文。不欲人出其右。初以薛道衡惜高頴之死。時議新令久不決道衡曰向使高頴不死令決

當久殺之。曰更能作空梁落燕泥否。胄死。帝誦其佳句曰。庭草無人隨意綠。復能作此

語耶。張衡謂元感曰。薛道衡真為枉死。元感奏之。帝怒除名。其妾告衡怨望。謗訕。詔

賜自盡。衡臨死大言曰。我為人作何等事。而望久活。及是殺元感黨與三萬餘人。

大業十一年。帝巡北邊。始畢。啓民子可汗帥騎數十萬。謀襲乘輿。義成公主先遣使告

變。帝入雁門。今山西太原府代州河東。今山西平陽府撫慰大使李淵。涼李暹七世孫之子世民。年十六。說屯衛將

軍雲定興。雲昭訓父晝引旌旗。夜鳴鉦鼓。虜必疑救兵至而遁。從之。援兵亦大集。圍乃解。

是時百姓窮困。羣聚為盜。鄒平。今山東濟南府鄒平縣民王薄。擁眾據長白山。今濟南府長山縣自稱知世

郎。言事可知矣。又作無向遼東。今奉天府浪死歌。以相煽動。太僕楊義臣擊斬河曲。今山西河曲縣

賊張金稱。今山東恩縣清河。賊高士達。破降河北賊數十萬。列狀上聞。帝歎曰。我初不聞

賊頓如此。時四方告警求救。內史虞世基皆不以聞。或杖其使者以為妄言。至是對

曰。小竊雖多。未足為慮。義臣擁兵不少。久在闕外。此最非宜。帝遽罷義臣兵。賊復盛。

於是林士弘據江南。稱楚帝。竇建德據漳南。今山東恩縣稱長樂王。李密據河南。稱魏公。

時帝在江都使越王侗守東都代王侑守西京太子昭早卒侑皆太子子也侗遭劉長恭裴仁基討密皆敗仁基降密遂移檄郡縣數帝十罪目曰罄南山之竹書罪無窮決東海之波流惡難盡祖君彥之詞也父挺即讒殺齊斛律光者侗乃遣太常丞元善達間行詣江都請帝速還因歎嗚咽帝為之改容虞世基曰越王年少此輩誑之若如所言善達何緣至此帝怒使催運為羣盜所殺自後人莫敢以賊聞世基鬻官賣獄其門如市封德彝密為指畫詔順帝

劉武周據馬邑

今山西翔平府馬邑縣

稱定楊可汗梁師都據

朔方

今甘肅甯夏府

稱梁帝薛舉據隴西稱西秦霸王李軌據河西

今陝西朝邑縣

稱涼王蕭銑

後梁主晉曾孫

巖之

據江陵稱梁帝時大業十三年也

初帝問侍臣盜賊宇文述曰漸少蘇威對曰漸近五月五日百僚饋珍餽威獨獻尚書或語曰尚書有五子之歌威

意甚不遜頃之帝問威伐高麗事對曰但赦羣盜自可得數十萬兵可滅高麗帝不擇威出裴蘊奏曰此大不遜天下何處有許多賊帝曰老革多好以賊脅我詔除名為民

是年李淵起兵太原

今山西太原府

淵娶竇毅女生四男建成世民元霸元吉一女適千牛

備身

東宮官千牛刀名

柴紹世民聰明勇決有安天下之志與晉陽宮監裴寂晉陽

太原府太原縣令

劉文靜相結會突厥寇馬邑世民乘間說淵曰今晉陽城外皆為戰場大人若守小

節下有寇盜上有嚴刑危亡無日不若順民心興義兵轉禍為福此天授之時也淵

大驚曰汝安得為此言明日復說曰大人受詔討賊賊可盡乎設能盡賊則功高不

賞身益危矣淵乃歎曰吾一夕思汝言亦大有理今日破家亡軀亦由汝化家為國

亦由汝矣於是遣使突厥借兵為助淵女與柴紹各置幕府號娘子軍帥兵會之西

取長安。立代王侑三年為帝。尊煬帝為太上皇。淵自為大丞相。封唐王。

明年宇文化及述弑煬帝於江都。帝在江都。荒淫益甚。以中原亂。無心北歸。退朝則

幅巾短衣。徧歷臺閣。汲汲顧景。常仰視天文。謂蕭后曰。外間大有人圖儂。吳語我也又引

鏡自照。曰好頭頸。誰當斫之。會江都糧盡。從駕多關中人思歸。郎將司馬德戡等作

亂。推宇文化及為主。使令狐行達縊殺之。封德彝與其謀。蘇威亦附之。


隋恭帝侑禪位於唐。唐王淵即皇帝位。是為唐高祖。立建成為太子。封世民為秦王。

東都留守官王世充等。聞煬帝凶問。奉越王侗為帝。世充擊李密破之。密降唐。尋叛。

總管盛彥師討斬之。長樂王建德。改國號曰夏。擊殺化及。與世充結好。及世充自稱

鄭帝。乃絕之。世充尋弑侗。侗臨死。布席禮佛曰。願自今以往。不復生帝王家。諡曰恭

皇帝。是年唐鄴公薨。即侑亦諡曰恭隋亡。時唐武德二年也。隋凡四帝。合三十九年。



9
118

202